



J

2
0-15

ԱՐԵՎԱՆԻ ՊԱՏՄՈՒԹԻՒՆ

Ն Ռ Ռ - Ռ Ի Խ Տ Տ Ի

«Եկայք որդեակք իւմ եւ
զուարուք ինձ եւ զերկիւղ
«Ճետոն սասցից ձեզ»:
Սաղմու:

Հ Ա Տ Ա Բ Բ.

(Մ Ա Մ Ն Ա Բ Ա Զ Ի Ն)

Ե Ր Բ Ա Բ Դ Ց Ա Գ Բ Ա Ի Թ Ի Ի Ն

Աշխատասիրեց

ՍԱՀԱԿ ՔԱՀԱՆԱՅ ՍԱՀԱԿԵԱՆՅ

(Միաբան Մողնոյ Ա. Գէորգ եկեղեցոյ)

Նիւթի մշակութիւնը տպուած է առանձին՝ Դասագիրք կրօնի
ուղեցոյ հայ վրօնուայցների բամար:

ԱԵՎՈԼՅՈՒՅՑ Ի ԱԽՎԱՐԱՆ

ՀԱՅԱՍՏԱՆ

Մայ ԲՈՅՈՒՆԱՆ

№

ԹԻՖԼԻՍ

Արագատիալ տպարան Մն. Մարտիրոսեանի
Միքայէլեան փողոց, տուն № 81.

1897

Дозволено цензурою, Тифлисъ, 2-го Апрѣля, 1897 г.

11702-4569

435.0

ԳՐԱԴՐԱՆ
ՀԱՅՈՒԹՅԱՆ ՊԵՏ. ՊԱՅՄԱՆԱԿԱՆ
ԲՈՒԺԱՐԱՐԻ

ՆՈՐ-ՌԵԽՍ

6261.

ՅԻՄՈՒՄԻ ՄԱՐԴԵՇՈՒԹԻՒՆԸ

I.

Կ. Ա.

ՅԻՄՈՒՄԻ ԾՆԱԽՆԴՅ

ՀՐԱՄԱՆԱԿ

Տ. Տ. ՄԱԿԱՐԱՅ

ՄՐՑԱԿԱԳՈՅՆ ԿԱԹՈՂԻԿՈՍԻ ԱՄԵՆԱՅՆ ՀԱՅՈՅ

Ընթերցեալ զայս գրքոյկ չգտի 'ի սմին հակառակ ինչ,
ուստի թոյլատրի տպարագրութիւն սորա: յ9 մարտի 1891
ամի 'ի Ա. էջմիածին:

Նախագ. Տպար. Ժող. Արիստակէս Եպիսկոպոս:

Ա. Աւետումն: Աստուած Գաբրիէլ հրեշտակին ուղարկեց նազարէթ, որ Գալիլիայի փոքր քաղքներից մինն էր, մի կուսի մօտ, որ նշանուած էր Յովսէփի հետ՝ Գալթի տանից և այն կուսի անունն էր Մարիամ:

Հրեշտակն եկաւ նրա մօտ և ասաց. «Ուրախացիր, Աստուած քեզ հետ է»: Եթր Մարիամը հրեշտակին տեսաւ, շփոթուեց և մտածում էր, թէ ինչ կնշանակէ այս ողջոյնը: Հրեշտակն առաց նրան. «Մի վախենար, Մարիամ, որովհետեւ Աստուածանից չնորհ դտար. դու մի որդի կծնես ու նրան Յիսուս կանուանես: Նա մեծ կլինի և Բարձրելոյ որդի կկոչուի. Տէր Աստուածը նրա հայր Գալթի աթոռը նրան կը տայ և նրա թագաւորութիւնը վերջ չի ունենայ»:

Մարիամը պատասխանեց. «Ահա ես Աստուածու աղախինն եմ. թնդ քո խօսի համաձայն կատարուի»: Հրեշտակը հեռացաւ նրանից:

Բ. Ծնունդ: Այդ օրերում Օգոստոս կայսրից հրաման դուրս եկաւ՝ որ աշխարհիս բոլոր մարդկանցը

համարեն։ Սրա համար ամենքը գնում էին իրանց հայրենի քաղաքը՝ ցուցակի մէջ գրուելու համար։

Յովսէփն էլ վեր կացաւ և նազարէթից գնաց Յուղայի երկիրը՝ Դաւթի քաղաքը՝ Բեթղեհէմ, որով հետեւ նա այնտեղացի էր, որպէսզի Մարիամի հետ իւր անունը գրել տայ ցուցակի մէջ։

Երբ Բեթղեհէմ հասան՝ Մարիամը մի որդի ունեցաւ, պատեց խանձարուրով և զրաւ մսուրի մէջ, որովհետեւ այն այրի մէջ ուրիշ տեղ չկար։

Այն երկրում հովիւները գիշեր ժամանակ դրսումն էին արածացնում իրանց ոչխարները։ Հրեշտակը երեւաց նրանց և Աստուծու փառքը ծագեց նրանց մէջ։ Այս բանից շատ փախեցան նրանք։ Այն ժամանակ հրեշտակն ասաց նրանց. «Մի վախնաք, ես ձեզ և բոլոր ժողովրդեան մեծ ուրախութիւն եմ աւետում, որովհետեւ այսօր ծնաւ ձեզ համար Փրկիչ՝ օծեալ Տէր՝ Դաւթի քաղաքում։ Այս բանը թնդ ձեզ նշան լինի—դուք կգտնէք մանկանը խանձարուրի մէջ պատած և մսուրի մէջ դրած։» Յանկարծ այն հրեշտակի հետ երկնաւոր զօրաց մի բազմութիւն երեւաց, որոնք Աստուծուն օրհնում էին և ասում. «Փառք ի բարձունս Աստուծոյ և յերկիր խաղաղութիւն, ի մարդիկ հաճութիւն»—փառք Աստուծուն երկնքումը, երկրիս վրայ խաղաղութիւն և մարդկանց մէջ ուրախութիւն։

Երբ հրեշտակը նրանցից հեռացաւ և գէպի երկինք վերացաւ, հովիւներն ասացին միմեանց. «Եկէք գնանք մինչև Բեթղեհէմ և տեսնենք թէ սա

ինչ բան է, որ Աստուծում մեզ ցոյց տուաւ։» Նրանք շտապով եկան և գտան Մարիամին, Յովսէփին և մսուրի մէջ դրած մանկանը։ Տեսնելուց յետոյ վերադան և փառաբանում էին Աստուծուն իրանց լսած ու տեսած բոլոր բաների համար և տարածում էին ամեն տեղ ինչ որ ասուել էր մանկան մասին։

Մարիամն այս բոլոր բաները պահում էր իւր մտքումը։ Ութն օրից յետոյ մանկանը թվատեցին և անունը դրին Յիսուս, ինչպէս ասել էր հրեշտակը։

«Ճի այնպէս սիրեաց Աստուծու զաշխարհ, մինչեւ զմբգին իւր ամիսին ետ. զի ամենայն որ հաւատայ ի նա՝ մի՛ կորիցէ, այլ որնկալցի զկեանս յաւիտենականս։» Յովհ. գ. 16.

Աստուծու այնպէս սիրեց աշխարհը, որ իւր միածին Որդին տուաւ, որպէսզի ամեն նրան հաւատացողը չկորչի, այլ յաւիտենական կեանք ունենայ։

Եթէ Քրիստոս հազար անգամ էլ Բեթղեհէմում ծնի և ոչ մի անգամ քո մէջ, գու գարձակ կորած ես։

ԳԼ. Բ.

ԱՐԵՒԵԼՔԻ ՄՈԳԵՐԸ ԵՒ ՑԻՍՈՒԽԻ ԵԳԻՊՏՈՍ ՓԱԽՉԻԼԸ

Ա. Հերովդէս թագաւորի ժամանակ, երբ Յիսուսը չըէաստանի Բեթղեհէմ քաղաքում ծնաւ, Արեւելքից մոգեր՝ իմաստուններ եկան Երուսաղէմ և հարցնում էին, թէ ուր է հրէից նորածին թագաւորը, որովհետեւ մենք տեսանք նրա աստղն արևելքում և եկանք երկրպագութիւն տալու։

Հերովդէմն այս բանը լսելուն պէս՝ շփոթուեց,

Նրա հետ էլ բոլոր երուսաղէմը: Ուստի ժողովել տուաւ բոլոր քահանայապետներին և ժողովրդի գալիքներին ու հարցնում էր նրանց, թէ նրտեղ պէտք է ծնի Քրիստոսը: Նրանք պատասխանեցին. «Հրէաստանի Բեթղեհէմ քաղաքում, որովհետև մարզարէներն այսպէս են գրել—և գու Բեթղեհէմ՝ Յուղայի երկիր, ոչընչով փոքր չես Յուղայի իշխաններից, քեզնից կծնի ինձ համար մի իշխան և կհովուէ իմ խօրայէլ ժողովուրդը»:

Այն ժամանակ Հերովդէսը մոգերին թագուն կանչեց և աստղի երևալու ժամանակն ստոյգ իմանալով նրանցից՝ ասաց. «Թնացէք Բեթղեհէմ և մանկան մասին ճիշտն իմացէք և երբ նրան գտնէք, ինձ էլ իմաց տուէք, որ գամ և երկրապագութիւն տամ նրան»:

Մոգերը գնացին: Եւ ահա այն աստղը, որին նրանք արկելքում տեսել էին, առաջնորդեց նրանց և եկաւ կանգնեց այն տան վրայ, ուր մանուկն էր: Նրանք շափից գուրս ուրախացան. Ներս մտան տուն և գտան մանկանը իւր մայր Մարիամի հետ. երկրապագութիւն տուին և իրանց գանձերը բաց անելով ընծայ տուին ոսկի, կնտրուկ և զմուռս:

Աստուած երազում հրամայեց մոգերին, որ միենոյն ճանապարհով չվերագառնան, ուստի ուրիշ տեղով գնացին իրանց երկիրը:

Ք. Երբ մոգերն այնտեղից գնացին, ահա Աստուծու հրեշտակը Յովսէփին երազում երկեցաւ և ասաց. «Վեր կաց, առ մանկանն ու նրա մօրը. փախիր Եղիալուս և կաց այնտեղ մինչեւ ես քեզնից իմ գոհում. որովհե-

տի Հերովդէսը որոնում է մանկանը և կամենում է սպանել նրան: Յովսէփը վեր կացաւ, առաւ մանկանն ու նրա մօրը և գիշերով փախաւ Եղիալուս:

Հերովդէսը երբ տեսաւ, թէ մոգերն իրան խարեցին, խիստ բարկացաւ, ուստի դահիճներ ուղարկեց և կոտորել տուաւ Բեթղեհէմի ու նրա շրջակայքի բոլոր մանուկներին՝ երկու տարեկանից սկսած՝ մոգերի որոշած ժամանակի համաձայն:

Հերովդէսի մահուանից յետոյ Աստուծու հրեշտակը երկեցաւ Յովսէփին Եղիալուս:

«Վեր կաց, առ մանկանն ու նրա մօրը և գնա Իսրայէլի երկիրը, որովհետև մեռան նրանք, որոնք մանկան կեանքի ետևիցն էին ընկած»: Նա էլ վեր կացաւ, առաւ մանկանն ու նրա մօրը, եկաւ Իսրայէլի երկիրն ու բնակուեց Նազարէթ քաղաքում:

«Աստուած դամենայն մարզիկ կամի զի կեցցեն՝ եւ ի գիտութիւն ճշմարտութեան եկեցցեն»: I. Ծիմոթ. ք. 4.

Աստուած կամենում է, որ բոլոր մարդիկ փրկուեն և ճշմարտութեան զիտութեանը գան:

Յիսուսի տաճար տանուիլը, Սիմէնս աստուածընկալը եւ Անսամբլարէուէին:

Քառասուն օրից յետոյ՝ Մովսէփի օրէնքին համաձայն, եթէ երեխան արու էր և անզրանիկ, ծընողները տանում էին Երուսաղէմ, նուիրում տաճարին և յետոյ զոհով յետ էին գնում. հարուստները

բերում էին գառը, իսկ աղքատները մի զոյգ տատրակ կամ աղաւնի:

Յիսուսի ծնողները, որպէս աղքատ, մի զոյգ աղաւնի տարան:

Այդ միենոյն ժամանակ Երուսաղէմում բնակւում էր մի մարդ, որի անունն էր Սիմէօն: Այս մարդըն արդար էր և աստուածավախ ու սպասում էր իսրայէլի միթարութեանը: Սուրբ Հոգուց իրաւունքը ունէր չմեռնել, մինչև որ խոստացեալ Մեսիային տեսնէ: Երբ Յիսուս մանկանը տաճար բերին, Սուրբ Հոգուց ազգմամբ նա ևս եկաւ այնտեղ, մանկանը գիրկն առաւ, օրհնեց և ասաց. «Տէր, քո ծառային խաղաղութեամբ արձակիր, որովհետեւ ես տեսայ այն Փրկիչը, որին գու սպատրաստել ես բոլոր ազգերի համար. ես տեսայ այն լոյսը, որ պիտի լուսաւորէ հեթանոսներին, և այն փառքը, որ քո իսրայէլ ժողովրդի համար է»: Ծնողները զարմանում էին ծերունու խօսքերի վրայ: Սիմէօնն օրհնեց նրան և նրա մայր Մարիամին ու ասաց. «Սա իսրայէլի մէջ շատերի համար ընկնելու և կանգնելու պատճառ կլինի. քո սիրտը կխոցուի և շատ սրտերի խորհուրդներ նրանով կյայտնուին»:

Այնտեղ էր և Աննա մարգարէուհին, որ 84 տարեկան մի այրի կին էր. տաճարիցը երբէք չէր հեռացել. իւր օրերը ծոմով և աղօթքով էր անց կացնում ու գիշեր ցերեկ ծառայում էր Աստուծուն: Երբ սա Յիսուս մանկանը տեսաւ, վեր կացաւ, գոհացաւ Աս-

տուածանից և պատմում էր այս բանն այն ամենին, որոնք սպասում էին Մեսիայի գալստեան:

Գլ. Գ.

ՏԱՄՆԵՐԿՈՒ ՏԱՐԵԿԱՆ ՅԻՍՈՒՍԸ ՏԱԶԱՐՈՒՄ

Մանուկն աճում ու զօրանում էր իմաստութիւնով լցուած և Աստուծու շնորհը նրա վրայ էր: Նրա ծնողներն ամենայն տարի Զատկի տօնին Երուսաղէմ ուխտ էին գնում: Երբ Յիսուսը 12 տարեկան դարձաւ, նրան էլ հետները Երուսաղէմ տարան: Տօնի օրերն անցնելուց յետոյ՝ ծնողները վերադարձան, իսկ Յիսուսը մնաց Երուսաղէմում: Այս բանը շիմացան Յովսէփին ու Մարիամը:

Կարծելով թէ նա ուղեկիցների հետ գնացած կլինի մի օրուայ ճանապարհ յետ եկան և որոնում էին ազգականների և ծանօթների մէջ: Բայց երբ շգտան, դարձան Երուսաղէմ:

Երեք օրից յետոյ նրան գտան տաճարում վարդապետների մէջ նստած, ուր լսում էր նրանց և հարցումներ էր առաջարկում: Բոլոր լսողները զարմանում էին նրա իմաստուն պատասխանների վրայ:

Երբ ծնողները տեսան նրան, սրանչացան: Մայրն ասաց. «Մ'րեկակ, այդ ինչ արիր մեղ, հայրդ և ես ցաւելով որո՞նում էինք քեզ»: Նա պատասխանեց և ասաց. «Մ'թէ չգիտէք, որ ես իմ հօր տանը պէտք է լինեմ»: Այս խօսքերը ոչ ոք չհասկացաւ:

Յիսուսը նրանց հետ նազարէթ դարձաւ և հընազանդ էր ծնողացը: Մայրն այս բոլոր բաները պահում էր մաքումը: Յիսուսը զարդանում էր իմաստութիւնով, հասակով ու շնորհով՝ Աստուծու և մարդկանց առջև:

«Զի եւ Քրիստոս կասն ձեր մեռաւ, եւ ձեզ եթող օրինակ՝ զի պհաւ երթացէք հետոց նորա»: I. թ. Պետ. թ. 21.

Քրիստոսը ձեզ համար մեռաւ և օրինակ թողեց, որ նրան հետեւք:

«Տէր, սիրեցի զվայելչութիւն տան քո, եւ զանդի յարկի փառաց քոց»: Սաղմ. իե. 8.

Աստուծ, ես սիրեցի քո տան գեղեցկութիւնը և քո փառի բնակուելու տեղը:

Գլ. Դ.

ՅՈՎ ՀԱՆՆԵՍ ՄԿՐՏՉԻ ԾՆՈՒՆԴԸ

Ա. Աւետումն: Հրէից Հերովդէս թագաւորի օրերում մի քահանայ էր ապրում՝ անունը Զաքարիա: Նրա կնոջ անունը Եղիսաբէթ էր: Երկուսն էլ արդար էին և Աստուծու բոլոր պատուիրանները ճշտութեամբ էին կատարում: Նրանք զաւակ չունէին և Երկուսն էլ ծերացած էին:

Մի անգամ՝ երբ քահանայական պարտը կատարելու հերթը Զաքարիային հասաւ, Աստուծու տաճարը մտաւ խնկարկելու համար: Ժողովուրդը գուրսն աղօթում էր: Խնկարկելու ժամանակ Աստուծու հրեշտակը երևաց Զաքարիային: Նա խիստ վախեցաւ:

Հրեշտակն ասաց. «Մի վախենար, Զաքարիան, քո աղօթքը լսելի եղաւ, Եղիսաբէթ կինդ մի որդի կունենայ և նրա անունը Յովհաննէս կրնես: Նա քեզ համար ցնծութիւն կինի ու շատերը կուրախանան նրա ծննդեան վրայ. Աստուծու առաջ մեծ կինի և իսրայէլի որդիկերանցից շատերին վէտի ճշմարիտ Աստուծը կգարձնէ. Նա առաջուց Եղիայի նման կըարողէ և Աստուծու համար ժողովուրդ կպատրաստէ»:

Զաքարիան պատասխանեց հրեշտակին. «Ծնչով պիտի իմանամ ես այդ բանը, որովհետև ես էլ, կինս էլ ծերացած ենք»: Հրեշտակը պատասխանեց. «Ես Գարբիէլն եմ, որ կանգնում եմ Աստուծու առաջ. ես ուղարկուած եմ քեզ հետ խօսելու և աւետելու. զու համբ կմնաս մինչև այն օրը, երբ այս բոլորը կկատարուի, որովհետև ինձ չհաւատացիր»:

Ժողովուրդն սպասում էր Զաքարիային և զարմանում, որ նա տաճարում այդքան ուշացաւ: Երբ տաճարից գուրս եկաւ, այլնս չէր կարողանում խօսել: Նրանք իսկոյն հասկացան, որ այնտեղ տեսիլ է տեսել: Զաքարիան նշաններով էր խօսում ժողովրդի հետ և մնաց պապանձուած: Պաշտօնի օրերն անցնելուց յետոյ վերադարձաւ տուն:

Բ. Ծնունդ: Ժամանակը լրացաւ և Եղիսաբէթը մի որդի ունեցաւ: Երբ նրա դրացիները և ազգականները լսեցին, որ Աստուծ մեծ ողորմութիւն է արել, շատ ուրախացան: Եօթն օրից յետոյ սէտք է մանկանը թլփատէին: Նրա անունը կամենում էին

Զաքարիա զնել, բայց մայրն արգելում էր և ասում,
թէ նրա անունը Յովհաննէս պէտք է լինի: Բարեկամները
պատասխաննեցին նրան. «Քո աղքականների
մէջ ոչ ոք այդպիսի անուն չունի»: Վերջն ամեն-
քը հօրն ակնարկեցին, թէ նա ինչ անուն կտայ:

Զաքարիան մի տախտակ պահանջեց և նրա
վրայ գրեց. «Յովհաննէս է սրա անունը»: Խոկոյն
լեզուն բացուեց, խօսում և օրհնում էր Աստուծուն:
Ամենքն էլ զարմանում էին այս բանի վրայ և ա-
սում. «Ի՞նչ պէտք է լինի այս մանուկը»:

Զաքարիան չոգուզ Մբրով լցուեց. մարգարէտ-
ցաւ և ասաց. «Օրհնեալ է Խորայէլի Տէր Աստուծ-
ծը. Նա այցելեց մեզ և իւր ժողովրդեան համար
փրկութիւն պատրաստեց: Խոկ դու, մաննւկ, Բարձ-
րելոյ մարգարէ կլինիս, Տիրոջ առջեից կդնաս և
նրա ճանապարհը կպատրաստես»:

Մանուկն աճում էր և հոգուզ զօրանում: Նա անա-
պատումն էր ապրում մինչև Խորայէլի երեալու օրը:

«Զի՞նչ են հաւատք, եթէ ոչ՝ յուսացելոց իրաց հաստատու-
թիւն, եւ յանդիմանութին որոց ոչն երեւին»: Թ. ա. Երբ. ժա. 1.

Հաւատքն է յուսացած բաների հաստատութիւնը և չերեցած-
ների ապացոյցը:

Գլ. 6.

ՅՈՎՀԱՆՆԷՍՆ ԱՊԱՃԱՐՈՒԹԻՒՆ Է ՔԱՐՈՉՈՒՄ ԵՒ ՄԿՐՑՈՒՄ

Տիբերիոս կայսեր իշխանութեան տասնեհինգ-
երորդ տարում, Երբ Պոնտացի Պիղատոսը կառավա-

րիշ էր Յուգայի երկրում և չերովդէսը Գալիլիայում
շորրորդապետ՝ Աստուծած հրամայեց անապատում ապ-
րող Զաքարիայի որդի Յովհաննէսին Յորդանանի
կողմերը գնալ և քարոզել: «Ապաշխարեցէք, զի մերձեալ
է արքայութիւն Երկնից», ասում էր ամենքին Յով-
հաննէսը: Նրա շորերն ուզտի բրդից էին, զօտիկը
կաշից, իսկ կերակուրը մարախ և վայրենի մեղր էր:
Յովհաննէսի մօտ էին գնում Երուսաղէմացիները,
Հրէաստանի բոլոր ժողովուրդը, Յորդանանի կողմե-
րից, խոստովանում էին իրանց մեղքերը և մկրտ-
ում նրանից:

Երբ Յովհաննէսը տեսաւ, որ սաղուկեցիներից
և փարիսեցիներից շատերը գալիս են իւր մկրտու-
թիւնը տեսնելու, ասաց նրանց. «Ի՞մի ծնունդներ, ձեզ
ով ցոյց տուաւ փախչել այն բարկութիւնից, որ գալու
է. այսուհետև ապաշխարութեան արժանի պառւներ
ըերէք: Դուք մի ասէք, թէ մենք հայր Աբրահամ
ունինք. ես ասում եմ ձեզ, որ Աստուծ կարող է
այս քարերիցն էլ Աբրահամի որդիք յարուցանել:
Արգէն կացինը ծառի արմատին է գրած. այն ծառը,
որ բարի պտուղ չի բերի, կկտրուի և կրակը կձգուի»:

Մաքսաւորները ես եկան Յովհաննէսի մօտ մը-
կրտուելու: Նրանք ասում էին. «Ի՞նչ պէտք է անենք,
վարդապետ»: Յովհաննէսը պատասխանեց. «Օրէնքով
սահմանածից աւելի մի պահանջէք»: Զինուորները
և հարցնում էին. «Հապա մենք ի՞նչ անենք»: Նա
պատասխան տուաւ և ասաց. «Ոչ ոքի մի հարստահա-

բէք և մի զրպարտէք. ձեր թոշակսվը բաւականացէք»: Փողովուրդը ևս հարցնումէք և ասում. «Մէնք ինչ անենք»: «Ով երկու հանդերձ ունի, թնդ մինը չունեցողին տայ. ով կերակուր ունի, թող նոյնպէս վարուի»:

Երբ ժողովուրդը մտածում էր Յովհաննէսի վը-
րայ, թէ մի գուցէ սա լինի Քրիստոսը, այն ժամա-
նակ Յովհաննէսը պատասխանեց և ասաց. «Ես ձեզ
ջրով եմ մկրտում, բայց ինձնից յետոյ կդայ հզօրա-
գոյնը, որի կօշխների կապերն արձակելու ես ար-
ժանի չեմ» և ձեզ կմկրտէ Հոգլով Սրբով ու կրակով:
Նա հեծանոցը ձեռին ունի բռնած, կալը կսրբէ,
ցորենը կհաւաքէ շտեմարանում, իսկ յարդն անշէջ
կրակով կայրէ:

Եյս և ուրիշ շատ այս տեսակ մխիթարական բաներ էր աւետարանում ժողովրդին:

«Պատրաստ արարէք զնանապարհս Տեառն»; Եսաւի կողմէ:

II.

9L. 2.

ՅԻՍՈՒՄԻ ՄԿՐՏՈՒԹԻՒՆԸ

Յիսուսը Գալիլիայից Յովհաննէսի մօտ եկաւ մկրտուելու համար, բայց Յովհաննէսն արդելեց նրան և ասաց. «Ես պէտք է քեզնից մկրտուիմ, դմւ ես ինձ մօտ գալիս»։ Յիսուսը պատասխանեց նրան և

ասաց. «Թոյլ տուր այժմ, որովհետև այսպէս է փայլ մեղ, որ ամեն արդարութիւն կատարենք»: Այս խօսքից յետոյ Յովհաննէսն այլ ես արգելը չդրաւ և մկրտեց Յիսուսին:

Մկրտութիւնից յետոյ՝ Յիսուսը զրից շուտով
դուքս եկաւ և ահա երկինքը բացուեց և Յովհան-
նէսը տեսաւ, որ չոգին Սուրբն աղաւնու կերպա-
րանքով վայր էր իշնում նրա վրայ, իսկ երկնքից
ձայն էր գալիս, որ ասում էր. «Թա է իմ սիրելի
Որդին, որին ես հաւանեցի»:

«Եւ մեր հաւատացաք եւ ծանեաք՝ եթէ դու ես Քըլիստոսն որդի Աստուծոյ»: Յավհ, գ. 69.

Մենք հաւատացինք և ճանաչեցինք, որ գու ևս Քրիստոսը՝
Աստվածու որդին:

91. b.

ՅԱՍՈՒՄ ԲՆՏՐՈՒՄ է ՄԻՄՈՒՆ ԵՒ ՆՐԱ ԸՆԿԵՐՆԵՐԻՆ
ԱՌԱՋԵԱՆՆԵՐ:

Յիսուսը Գալիլիա եկաւ և այնտեղ քարոզում
էր երկնից արքայութեան աւետարանն ու ասում,
«Փամանակը լրացել է, Աստուծու աղքայութիւնը մօ-
տեցել է, ապաշխարեցէք և հաւատացէք աւետա-
րանին»: Ժողովուրդը հաւարուած էր նրա չուրջը՝
Աստուծու խօսքը լսելու համար: Նա չեկամ. Գեննե-
սարեթի լճակի ափը և տեսալ երկու հաւակներ ծո-
վի մօտ կանգնած: Դրանք ձկնորսներ էին, որոնք

գուրս էին եկել ծովափը և իրանց ուռկաններն էին լուանում: Յիսուսը մտաւ նաւերից մինի մէջ, որ Սիմօնին էր պատկանում և խնդրեց նրան ցամաքից փոքր ինչ հեռացնել: Յիսուսը նստեց նաւակի մէջ և ծովի վրայից քարոզում էր ժողովրդին:

Երբ քարոզը վերջացրեց, ասաց Սիմօնին և նրա եղբայր Անդրէասին. «Նաւակը ծովի խորը տար և ուռկանը ձգիր»: Սիմօնը պատասխանեց և ասաց. «Տէր, ամբողջ գիշերն աշխատել ենք և ոչինչ չենք բռնել, բայց քո խօսքի համար ուռկանը կձգենք»: Եւ երբ նրանք այս արին, ուռկանը ձկնով լցուեց՝ այնպէս որ քիչ մնաց պատառուէր: Նրանք նշան տուին միւս նաւի մէջ եղողներին, որ գան և իրանց օվնեն ուռկանը գուրս քաշելու: Եկան և երկու նաւերն էլ ընկղմելու չափ ձկնով լցրին:

Երբ Սիմօնն այս բանը տեսաւ, Յիսուսի ուռներն ընկաւ ու ասաց. «Ինձնից հեռու կաց, Տէր, վասնզի ես մեղաւոր մարդ եմ»: Այը պատեց նրան. Նոյնպէս նրա մօտ եղողներին, այն է Անդրէասին և Զերեթիայի երկու որդւոցը՝ Յակովոսին և Յովհաննէսին, որոնք Սիմօնի ընկերներն էին: Յիսուսն ասաց Սիմօնին. «Մի վախսենար, դու այսուհետեւ մարդիկ որսող կլինիս»:

Նրանք ափը հանեցին նաւերը, թողին իրանց գործիները և գնացին Յիսուսի հետ:

«Եկայք առ իս ամենայն վաստակեալք եւ բեռնաւորք, եւ ես հանգուցից զձեզ»: Մտթ. ժա. 29.

Ինձ մօտ եկէք, վաստակածներ և բեռնաւորներ, ես ձեզ հանգստութիւն կտամ:

Գլ. Բ.

ՅԻՍՈՒՍ ԿԱՆՉԱԼԻ ԵՄԱՏԹԷԱՍԻՆ

Յիսուսը մի մաքսաւոր տեսաւ՝ Մատթէոս անունով, որ նստած էր մաքսաւանը և ասաց նրան. «Հետեւիր ինձ»: Նա էլ վեր կացաւ և գնաց նրա յետնից:

Մի անգամ, երբ Յիսուսը Մատթէոսի տանը հացի էր, եկան այնտեղ շատ մաքսաւորներ ու մեղաւորներ և նստեցին Յիսուսի ու նրա աշակերտների հետ: Երբ այս բանը տեսան վարիսեցիները, ասացին աշակերտներին. «Ի՞նչու է ձեր վարդապետը մաքսաւորների և մեղաւորների հետ ուտում»: Երբ Յիսուսն այս բանը լսեց, ասաց նրանց. «Առողները բժշկի կարօտութիւն չունին, այլ՝ հիւանդները. ես չեմ եկել արդարներին կանչելու, այլ մեղաւորներին»:

«Եկայք առ իս ամենայն վաստակեալք և բեռնաւորք եւ ես հանգուցից զձեզ»: Մտթ. ժա. 29.

Գլ. Թ.

ՅԻՍՈՒՍ ԵՒ ՄԱՆՈՒԿՆԵՐԸ

Յիսուսի մօտ մանուկներ բերին, որպէսզի ձեռը նրանց վրայ դնէ և աղօթէ, իսկ աշակերտներն ար-

գելում էին բերողներին և յանդիմանում։ Յիսուս, երբ այս քանը տեսաւ, բարկացաւ և ասաց. «Թողէք մանուկներին և մի արգելէք դրանց ինձ մօտ գալու, որովհետեւ երկնքի արքայութիւնն այդպիսիներին է պատկանում։ Ճշմարիտն եմ ասում ձեզ, ով որ Աստուծու արքայութիւնն ինչպէս երեխայ չի լիդունի, չի կարող այնտեղ մտնել։ Յիսուսը գրկեց նրանց, ձեռը գլխներին դրաւ և օրհնեց։

«Թոյլ տուք մանկաւոյդ գալ առ իս, եւ մի արգելուք զդոսա. «զի այդպիսեացէ է արքայութիւն Աստուծոյ»։ Մըկ. ժ. 14.

Թոյլ տուէք երեխաներին, որ ինձ մօտ գան և մի՛ արգելէք դրանց, որովհետեւ այդպիսիներինն է Աստուծու արքայութիւնը։

ՔԼ. Ժ.

Աշակերտները Վիճում են, թէ Ո՞վ է Մեծ Երկնքի
ԱրքաՅութեան Մէջ։

Աշակերտները Յիսուսի մօտ եկան և ասացին. «Երկնքի արքայութեան մէջ ով է մեզանից մեծը»։ Այս խնդրի մասին ճանապարհին շարունակ վիճում էին միմեանց հետ։ Յիսուսն իմանալով նրանց միտքը, մի մանուկ կանչեց, կանգնացրեց աշակերտների առաջ և ասաց. «Ճշմարիտ եմ ասում ձեզ, մինչև սրանց նման մանուկներ չգառնաք, չէք կարող երկնքի արքայութիւնը մտնել։ Արդ՝ ով իւր անձը կը խոնարհեցնէ այս մանկան նման, նա մեծ կլինի երկնքի արքայութեան մէջ։ Ով մի այսպիսի մանուկ

կընդունի իմ անունով, կնշանակէ ինձ է ընդունում։ Ով այս փոքրերից մինին կդայթակղեցնէ, այնպիսին լաւ կանէ, եթէ իշի երկան կախ անէ վզից և ծովի անդունդի մէջ խեղդուի։ Ուրեմն զդոյց կացէք, որ այս փոքրերից ոչ մինին չարհամարհէք և չանարգէք, որովհետեւ, ճշմարիտն եմ ասում ձեզ, նրանց հրեշտակներն ամենայն օր իմ Հօր երեսը տեսնում են, որ երկնքումն է։ Մարդու Որդին եկել է կորածներին փրկելու»։

«Որ խոնարհեցուցանէ զանձն իբրեւ զմանուկս զայս, նա մեծ «է յարքայութեան երկնից»։ Մաթ. ժբ. 4.

Ով իւր անձն այս երեխայի նման կխոնարհեցնէ, նա է մեծը երկնքի արքայութեան մէջ։

ՔԼ. ԺԱ.

ԿԱՆԱՑԻ ՀԱՐՍԱՆԻՔԸ

Կանա քաղաքում հարսանիք էր։ Յիսուսի մայր Մարիամն էլ այնտեղ էր։ Յիսուսն ևս իւր աշակերտներով հարսանիք հրաւիրուեց։ Այնտեղ զինին պակասեց։ Մարիամն ասաց Յիսուսին. «Գինի չունին»։ Յիսուսը պատասխանեց. «Իմ ժամանակը դեռ չէ հասիլ»։ Մայրը պատուիրեց ծառաներին և ասաց. «Ինչ որ նա ձեզ ասէ, կատարեցէք»։

Հրէից լուացման սովորութեան համաձայն վեց քարէ սափորներ կային այնտեղ, որոնցից իւրաքանչիւրը տանում էր երկու կամ երեք մար։ Յիսուսն

ասաց սպասաւորներին. «Սափոբները զրով լցրէք»:
Նրանք էլ մինչև բերանը լցրին: Յիսուսը կրկին անգամ ասաց նրանց. «Հիմու առէք, մառանապետին տարէք»: Նրանք էլ տարան:

Մառանապետը՝ երբ գինի դարձած զրի համը տեսաւ, շկարողացաւ խմանալ, թէ նրանեղից է, ուստի դարձաւ փեսային և ասաց. «Ամենայն մարդ՝ սովորաբար առաջ լաւ գինին է բերում, յետոյ վատը, իսկ դու լաւ գինին մինչև հիմա պահել ես»:

Այսպէս յայտնեց Յիսուս իւր փառքը և նրա աշակերտները հաւատացին նրան:

«Նորին իսկ գործքն զոր գործեմ՝ վկայեն վասն իմ, եթէ հայր առաքեաց զիս»: Յովհ. ե. 36.

Այն գործերը, որ ես գործում եմ, վկայում են, որ հայրն է ուղարկել ինձ:

«Ճաշակեցէք եւ տեսէք, զի քաղցր է Տէր»: Սաղ. լգ. 9.
Ճաշակեցէք և տեսէք, որ Տէրը քաղցր է:

Գլ. ԺԲ.

ԿԱՓԱԹՆԱՑՈՒՄԻ ՀԱՐԻՒՐԱՊԵՏԸ

Երբ Յիսուսը Կափառնայում քաղաքը մտաւ, մի հարիւրապետ եկաւ նրա մօտ, աղաջում և ասում էր. «Տէր, իմ ծառան անդամալոյծ ընկած է տանը և շարաշար տանջւում է»: Յիսուսը պատասխանեց. «Ես կգամ և կրժկեմ նրան»: Հայրիւրապետն ասաց. «Տէր, ես արժանի չեմ, որ դու իմ յարկի տակ մտնես,

այլ ասա մի խօսք և իմ ծառան կրժկուի, որովհետեւ ես էլ իշխանութեան ներքոյ գտանուող մարդ եմ, իմ ձեռի տակ ունիմ զինուորներ, և թէ ես մինին ասում եմ, գնա, գնում է, և միւսին՝ նկ, գալիս է, կամ ծառային՝ այս բանն արա, անում է»:

Երբ Յիսուսն այս խօսքերը լսեց, զարմացաւ և իրան հետեւզներին ասաց. «Ճշմարիտն եմ ասում, Խորայէլի մէջն էլ այսպիսի հաւատ չգտայ. բայց ասում եմ ձեզ, շատերը կզան արենելըից, արեմուտքից և Աբրահամի, Խաչակի ու Յակովի հետ արքայութեան մէջ կրագմեն»: Յիսուսն ասաց հարիւրապետին. «Գնա, ինչպէս որ հաւատացիր, թող այնպէս էլ կատարուի»: Նրա ծառան հէնց այն ժամին էլ առողջացաւ:

«Երանի՛ որոց ոչ իցէ տեսեալ՝ և հաւատացեն»: Յովհ. ի. 29.
Երանի՛ նրանց, որոնք չեն տեսել, բայց հաւատում են:
«Մերձ է Տէր ամենեսեան որ կարգան առ նա, առ ամենեսեան
«որ կարգան առ նա ճշմարտութեամբ»: Սաղ. ձիգ. 18.

Գլ. ԺԳ.

ՏԱՄՆ ԲՈՐՈՑՆԵՐԻ ԲԺՇԿՈՒԻԼԸ

Յիսուսը՝ Երուսաղէմ գնալիս, Սամարիայի և Գալիլիայի սահմանի վրայ պատահեց տասն բորոտների, որոնք հեռու կանգնած աղաղակում էին և ասում. «Յիսուս վարդապետ, ովորմիր մեղ»: Երբ Յիսուսը նրանց տեսաւ, ասաց. «Գնացէք և ձեր անձը քա-

հանային ցոյց տուէք«: Նրանք գնացին և իսկոյն բժշկուեցան:

Դրանցից միայն մինը յետ դարձաւ և բարձր ձայնով փառաբանում էր Աստուծուն: Նա Յիսուսի ոտներն ընկաւ և չնորհակալութիւն արաւ նրան: Դա սամարացի էր:

Այն ժամանակ Յիսուսը պատասխան տուաւ և ասաց. «Ճէ որ տասն հոգի բժշկուեցան, հապա ուր են միւսները»: Միւսները չեկան Աստուծուն չնորհակալութիւն անելու՝ բացի այդ այլազգուց: Յիսուսն ասաց նրան. «Վեր կաց և գնա, քո հաւատը քեզ փրկեց»:

«Օքնեա անձն իմ զտէր եւ մի՛ մոռանար զամենայն տուրս նորա»: Սաղ. ճբ. 2.

Աստուծուն օքնի՛ր, ով իմ անձն, և մի՛ մոռանար նրա բարեները:

Գլ. ԺԴ.

ՓԱՐԻՍԵՑԻՆ ԵՒ ՄԱՔՍԱՒՈՐԸ

Այն մարդիկը, որ իրանք են իրանց արժանաւորութիւնը չափում, բարեպաշտ համարում, իսկ ու րիշներին արհամարհում, այդպիսիների համար Յիսուսն այս առակը պատմեց.

«Երկու մարդիկ տաճար գնացին ազօթք անելու. Նրանցից մինը փարիսեցի էր, իսկ միւսը՝ մաքսաւոր: Փարիսեցին առանձին կանգնած՝ այսպէս էր ազօթում—չնորհակալ եմ քեզնից, Աստուծ, որ ես ու-

րիշ մարդկանց նման յափշտակող, անիրաւ կամ չնացող չեմ, ինչպէս այս մաքսաւորն է. շաբաթը երկու անգամ ծոմ եմ պահում և իմ բոլոր ստացուածներից տասանորդ եմ տալիս»:

Իսկ մաքսաւորը հեռու կանգնած՝ աշքերը երկինք բարձրացնել չէր կամենում, այլ իւր կուրծքն էր ծեծում և ասում. «Աստուծ, քաւիր մեղաւորիս»:

Ասում եմ ձեզ, ոս արդարացած վերադարձաւ իւր տոմն, որովհետև ով իրան կբարձրացնէ, կխոնարհի, իսկ ով կխոնարհեցնէ, կբարձրանայ»:

«Թը բարձրացուցանէ զանձն իւր՝ խոնարհեցի, եւ որ խոնարհեցուցանէ զանձն, բարձրացի»: Ղուկ. ժբ. 14.

ԳԼ. ԺԵ.

ԱՆ ԱՌԱԿ ՈՐԴՈՒ ԱՌԱԿԸ

Մի մարդ ունէր երկու որդի: Փոքրին ասաց հօրը. «Հայր, տուր ինձ իմ բաժինը քո ունեցածից»: Հայրը բաժանեց նրան իւր ունեցածը: Ճատ օր չանցած՝ փոքր որդին առաւ իւր բաժինը և գնաց հեռու աշխարհ ու այնտեղ իւր ունեցածը վատնեց՝ անառակ կեանք վարելով:

Երբ բոլորը կերաւ, վերջացրեց, հէնց այն ժամանակ այն երկրումն էլ սաստիկ սով ընկաւ: Նա սկսեց մուրացկանութեամբ ապրել: Վերջը գնաց այն երկրի քաղաքացիներից մինի մօտ ծառայութեան

մտաւ: Նա էլ ուզարկեց իւր հանդը, որ խոզեր տրածացնէ: Փոքր որդին ցանկանում էր իւր փորը լցնել խողերի կերած եղջւրով, բայց այդ էլ չկար:

Նա սկսաւ մտածել և ինքն իրան ասել. «Քանի վարձկաններ իմ հօր տանը հաց են ուտում, իսկ ես այստեղ սովամահ կորչում եմ. կգնամ հօրս մօտ և կասեմ նրան—հայր, ես մեղք գործեցի քո և Աստուծու առաջ. այլս արժանի չեմ քեզ որդի կոշուելու, ընդունիր ինձ իրբեք քո վարձկաններից մինը»:

Փոքր որդին վեր կացաւ և եկաւ հօր մօտ: Հայրը նկատեց նրան հեռուից. վթաշարժուեց. առաջ վաղեց. վզովն ընկաւ և համբուրեց: Որդին ասաց. «Ես մեղք գործեցի քո և Աստուծու առաջ, այլս արժանի չեմ քեզ որդի կոչուելու»: Հայրն ասաց իւր ծառաներին. «Հանէք սրա հին շորերը և նորը հագցրէք. մատանին դրէք մատին. ոտներին կօշիկներ հագցրէք. մսացու եղը մորթեցէք. ուտենք և ուրախանանք, որովհետև իմ այս որդին մեռած էր, կենդանացաւ, կորած էր գտնուեց»: Ամենքն սկսան զուարճանալ:

Մեծ որդին հանդումն էր: Երբ տուն դարձաւ՝ երպելու և պարելու ձայներ լսեց: Ծառաներից մինին կանչեց իւր մօտ և հարցրեց, թէ այդ ինչ է: Նա էլ պատասխանեց. «Եղբայրդ դարձել է. քո հայրը մսացու եղը մորթել տուաւ նրա դալստեան պատճառով և ահա ամենին ուրախանում են»:

Սա բարկացաւ և ներս չէր կամենում մտնել, բայց հայրը դուրս եկաւ և աղաշում էր նրան տուն

գալ: Նա բարկացած պատասխան տուաւ հօրն ու ասաց. «Ահա այս քանի տարի է քեզ ծառայում եմ, քո պատուէրից երբէք դուրս չեմ եկել, բայց ինձ մի ուլ էլ չտուիր, որ իմ բարեկամների հետ ուրախանամ, իսկ այդ որդիդ, որ քո կայքը պոռնիկների հետ կերաւ, նրա համար մսացու եղն ես մորթել»:

Հայրն ասաց նրան. «Որդեակ, դու ամեն ժամանակ ինձ մօտ ես և այն ամենն ինչ որ իմս է, քոնն է. դու պէտք է ուրախանայիր, որովհետև քո եղբայրը մեռած էր, կենդանացաւ, կորած էր գտնուեց»:

«Եթէ ասիցեմք՝ եթէ մեղս ինչ մեք ոչ ունիմք, զանձինս խա-
«քեմք և ճշմարտութիւն ի մեկ ոչ զոյ: Ապա եթէ խոստովան լինի-
«ցիմք գմեղս մեր, հաւատարիմ է նա ևս արդար՝ առ ի թողով զմե-
«ղըս մեր, և սրբել զմեղ յամենայն անիրաւութիւնէ»: I. թ. Յովհ. ա. 8. 9.

Եթէ ասենք թէ մեղք չունինք, մեղ կխարենք և մեղնում ճըշ-
մարտութիւն չի լինիլ, իսկ եթէ մեր մեղքերը խոստովաննենք, Աստուծա-
արդարակատ է, նա մեր մեղքերը կներէ և ամեն տեսակ անիրաւու-
թիւնից կմաքրէ, կհեռացնէ:

Ապաշխարեցէք և հաւատացէք յաւետարանն»: Մրկ. ա. 15.
Ապաշխարեցէք և աւետարանին հաւատացէք:

Թէկ մեր մեղքը շատ է, բայց Աստուծու ողորմածութիւնը
ևս աւելի է:

ԳԼ. ԺԶ.

ՅԻՍՈՒՍԸ ԲԺՇԿՈՒՄ Է ԿՈՅՐԻՆ ԵՐԻՔՈՄԻ ՄՕՏ

Յիսուսն անցնում էր Երիքովի մօտով: Մի կոյր
ճանապարհի վրայ նստած մուրում էր: Եւ երբ նա
ժողովրդի անցնելը լսեց, հարցրեց, թէ այդ ինչ է:

Նրան պատասխանեցին, որ Յիսուս Նազովրեցին է անցնում: Կոյրն սկսաւ բարձր ձայնով աղաղակել և ասել՝ «Դաւթի որդի Յիսուս, ողորմիր ինձ»: Առաջից գնացողները յանդիմանում էին, որ լոէ, իսկ նա ևս աւելի բարձր ձայնով էր աղաղակում. «Դաւթի որդի Յիսուս, ողորմիր ինձ»:

Յիսուսը կանգնեց և հրամայեց, որ նրան իւր մօտ բերեն: Կոյրը մօտ եկաւ: Յիսուսը հարցրեց. «Ի՞նչ ես ուզում, որ անեմ քեզ»: Նա էլ պատասխանեց. «Տէր, ուզում եմ որ տեսնեմ»: Յիսուսը պատասխանեց նրան. «Տես, քո հաւատը քեզ փրր. կեց»: Նա սկսաւ այն բոպէին տեսնել, գնում էր նրա յետեկից և փառաբանում Աստուծոն: Ժողովուրդին այս որ տեսաւ, սկսաւ Աստուծոն օրհնել:

«Եկայք առ իս ամենայն վաստակեալք»: Մտթ. ժա. 28.

Գլ. Ժէ.

ՅԻՍՈՒՍԸ ԵՒ ԶԱԿՔԵՈՍԸ

Յիսուսը մտաւ Երիքով և անցնում էր բարձրի միջովը: Այնտեղ մի մարդ կար՝ անունը Զակրէս, որ մաքսապետ էր և հարուստ: Նա սրտով ցանկանում էր Յիսուսին տեսնել, բայց բազմութեան պատճառով չէր կարողանում, որովհետեւ կարճահասակ էր: Ուստի առաջ վագեց և բարձրացաւ ժանտաթղենու

վրայ, որպէսզի Յիսուսն այնտեղովն անցնելիս, կարողանայ տեսնել:

Երբ Յիսուսն այնտեղ հասաւ, վեր նայեց և ասաց նրան. «Զակրէ, շնւտ արա, իջիր, այսօր պէտք է քո տանն իջեանեմ»: Զակրէսն շտապով վայր իջաւ և ուրախութեամբ ընդունեց նրան:

Բոլոր տեսնողները տրտնջում և ասում էին, թէ մեղաւոր մարդու մօտ գնաց հանգստանալու: Զակրէսը յառաջ եկաւ և ասաց. «Տէր, իմ հարբատութեան կէսը կտամ աղքատներին. եթէ մինին զրկել եմ, չորեքպատիկ կվճարեմ»:

Յիսուսն ասաց. «Այսօր փրկութիւն եղաւ այս տանը, որովհետեւ սա էլ Աբրահամի որդի է. մարդու Որդին եկաւ, որ կեանք պարզեէ կորածներին»:

«Բայց եթէ ինչ ի Քրիստոս, նոր արարած իցէ, զի հինն անց առդ նոր եղեւ ամենայն»: Ալ. թ. ա. Կրնթ. ե. 17.

Եթէ մինին մէջ Քրիստոսի սէր կայ, այնպիսին նոր է ծնում. մի այդ աեսակ մարդու մօտ հինն անցնում է և ամեն բան նոր է դառնում:

Գլ. Ժէ.

ՅԻՍՈՒՍԸ ԲԺՇԿՈՒՄ Ե ԽՈՒՂՈՒՑԱՄՐԻՆ

Մի անգամ Յիսուսի մօտ մի խուզուհամբ բերին և աղաչում էին, որ ձեռը նրա վրայ գնէ: Յիսուսն ամբոխից հեռացրեց հիւանդին. մատներն ականջի մէջ դրաւ. թքեց այնտեղ. լեզուն չօշափեց. վերի

Նայեց, հոգւոց հանեց և ասաց. «Եփփատայ», որ
նշանակում է բացուիր: Խսկոյն նրա ականջները
բացուեցան և սկսեց ուղիղ խօսել:

Պատուիրեց ոչ որի չասել. բայց որքան նա
արգելում էր, նրանք ևս առաւել քարոզում, տարա-
ծում էին:

«Եբանի՛ այնոցիկ, որ լսեն զբանն Աստուծոյ եւ առնեն»:
Երանի՛ նրանց, ովքեր Աստուծու խօսքը լսում և կատարում են:

Գլ. ԺԹ.

ՈՉՈՐՄԱՆ ՍԱՄԱՐԱՅՈՒ ԱՌԱԿԻ

Յիսուսը մի օրինականի հետեւալ առակը պատմեց:
«Մի մարդ Երուսաղէմից գնում էր Երիքով և
աւազակների ձեռն ընկաւ. Աւազակները մերկացրին
անձանօթին. խոցոտեցին. կիսումահ թողին և
գնացին:

Պատահմամբ մի քահանայ այդ ճանապարհովն
անցաւ. տեսաւ նրան, բայց անց կացաւ. նոյն տեղովն
անցաւ մի զետացի: Նա ևս տեսաւ և անց կացաւ:

Եկաւ մի Սամարացի ճանապարհորդ. տեսաւ
նրան և խղճաց. իջաւ զբաստից. մօտ եկաւ. վէր-
քերը փաթաթեց. վրան ձէթ և գինի ածեց. զրաս-
տի վրայ դրաւ. իջեան տարաւ և հոգ տարաւ նրա
վրայ: Հետեւալ օրը, երբ պէտք է հեռանար, երկու
դահնեկան հանեց, իջեանի տիրոջը տուաւ և ասաց.

«Խնամք տար սրա վրայ և ինչ ծախս դրա համար
անես. վերադարձին կվճարեմ»: Հիմա այն երեքից
որն է երևում քեզ՝ թէ ընկեր է եղել աւազակների
ձեռն ընկած մարդուն»: Օրինականն ասաց. «Նա՝
որ ողորմութիւն արաւ»: Այն ժամանակ Յիսուսն
ասաց. «Քնա, դու էլ այնպէս տրա»:

«Սիրեցես զընկեր քո իբրև զանձն քո»: Մաթ. իբ. 39.
Քո ընկերին պէտք է քեզ պէս սիրես:
«Որ որ զիսիցէ զբարին եւ ոչ առնիցէ, մեղք են նմա»:
Ով ճանաչում է բարին, բայց չի գործում, մեղանչում է:

Գլ. Ի.

ԱՅՐԻ ԿՆՈՃ ԼՈՒՄԱՆ

Յիսուսը տաճարում ուսուցանում էր: Նայեց և
տեսաւ, որ հարուստներն իրանց տուրքը գանձա-
նակն են ձգում: Տեսաւ նաև մի այրի աղքատ կին,
որ երկու լումա ձգեց այնտեղ: Յիսուսն ասաց. «Ճըշ-
մարիտն եմ ասում ձեզ, այս որբիայրին ամենից
աւելի տուաւ, որովհետև նրանք ամենքն էլ իրանց
աւելորդ ունեցածից Աստուծու համար զոհ մատուցին,
խսկ սա իւր աղքատ տեղովը բոլոր ունեցածը ձգեց»:

«Արշափ եւ իցէ քո՝ ըստ սմին բազմութեան արասցես զոլոր-
մութիւնսն, եթէ սակաւ իցէ քո՝ ըստ սակալին»: Տովքիթ. դ. 9.

Քո կարողութեան համեմատ ողորմութիւն արա՛, քիչ ունի՞՛
քիչ տուր:

ԳԼ. ԻԱ.

ՉԱՐ ԾԱՌԱՅԻ ԱՌԱԿԲ

Յիսուսն ասաց հետեւեալ առակը: «Մի թագաւոր կամենում է իւր ծառաների հետ հաշիւ տեսնել: Երբ հաշիւն սկսաւ՝ նրա մօտ քեզին քիւր քանքարի մի պարտապահն: Բայց որովհետեւ նա չկարողացաւ վճարել, ուստի տէրը հրամայեց նրա կինն ու որդիքը և ամենն՝ ինչ որ ունէր, ծախել պարտքի փոխարէն: Ծառան տիրոջ ոտներն ընկաւ. Երկրագութիւն էր տալիս և ասում. «Համբերիր, տէր, բոլորը կվճարեմ»: Տէրը խղճաց ծառային, արձակեց նրան և պարտքի էլ իրան ընծայեց:

Երբ այդ ծառան դուրս եկաւ, գտաւ իւր ծառայակիցներից մինին, որ իրան հարիւր զահեկան էր պարտ: Նրան բռնեց, խեղդում էր և ասում. «Վճարիր, ինչ որ ինձ պարտական ես»: Ծառայակիցը նրա ստքերն ընկաւ. ազաջում էր և ասում. «Համբերիր, բոլորը կհատուցանեմ քեզ»: Բայց նա չկամեցաւ, այլ գնաց և նրան բանտը ձգեց՝ մինչև որ պարտքը վճարէ:

Ծառայակիցները, երբ այս բանը տեսան, շատ տրտմեցան, եկան և իրանց տիրոջը յայտնեցին եղելութիւնը: Այն ժամանակ տէրը նրան իւր մօտ կանչեց և ասաց. «Չար ծառայ, ես քո բոլոր պարտքը ներեցի, որովհետեւ դու ինձ աղաշեցիր, միթէ պէտք չէր, որ դու էլ քո ծառայակիցին ողորմէիր, ինչպէս

որ քեզ ողորմեցի»: Տէրը բարկացաւ և ծառային մատնեց զահիճներին՝ մինչև որ պարտքն ամբողջապէս վճարէ:

Իմ երկնաւոր չայրն էլ ձեզ հետ այնպէս կվարուէ, եթէ ձեզնից իւրաքանչիւրը որտանց կներէ իւր եղբօր յանցանքները»:

Այն ժամանակ մօտ եկաւ Սիմօն Պետրոսն և ասաց. «Տէր, մինչի քանի անգամ ներեմ իմ եղբօրը, եթէ նա իմ դէմ մեղանչէ, եօթն անգամ բաւական չէ:» Յիսուսը պատասխանեց և ասաց. «Ոչ թէ եօթը, այլ եօթանասուն եօթն անգամ»:

«Զի եթէ թողուցուք մարդկան զյանցանս նոցա, թողցէ եւ ձեզ չայրն ձեր երկնաւոր, ապա թէ ոչ թողուցուք մարդկան զյանցանս նոցա, եւ ոչ չայրն ձեր երկնաւոր թողցէ զյանցանս ձեր»:

Եթէ դուք մարդկանց սխալները ներէք, ձեր երկնաւոր չայրն էլ ձեզ կներէ, սկզ եթէ մարդկանց սխալները չէր ների, ձեր երկնաւոր չայրն էլ ձեր յանցանքները չի ների:

«Երանի ողորմածաց, զի նոքա ողորմութիւն գտցեն»: Մտթ. ե. 7.

Երանի՛ ողորմածներին, որովհետև նրանք ողորմութեան կարժանան:

ԳԼ. ԻԲ.

ՀԻՆԳ ՀԱԶԱՐԻ ԿԵՐԱԿՐԵԼ

Յիսուս իւր աշակերտների հետ գնաց մի անապատ տեղ, որ գտանւում էր Բեթսայիդա քաղաքի մօտ: Ժողովուրդն իմացաւ այս բանը և մեծ բաղմութեամբ գնում էր նրա ետևից: Երբ Յիսուսը ժո-

զովրդին տեսաւ, խիստ ցաւեց, որովհետև նրանք նման էին անհոգիւ հօտի: Նա քարոզում էր նրանց Աստուծու արքայութեան մասին և բժշկում հիւանդներին: Օրն սկսել էր տարածամել:

Այն ժամանակ Յիսուսի աշակերտները մօտ եկան և ասացին. «Արձակիր ժողովրդին, որ գնան մերձակայ զիւկերը հանգստանալու և կերակուր գտնելու, որովհետև մենք ոչինչ չունինք ուտելու. և անապատումն ենք»: Յիսուսը պատասխանեց նրանց. «Փուր կերակրեցէք դրանց»: Աշակերտներն ասացին. «Մենք հինգ հացից և երկու ձկնից աւելի ոչինչ չունինք, դա ինչպէս կրաւականացնէ այդ բազմութեանը»:

Յիսուսն ասաց աշակերտներին. «Նստացրէք ժողովրդին կարգ-կարգ՝ յիսուն-յիսուն»:

Այդպէս էլ արին: Այնտեղ հինգ հազարը կարգ-կարգ նստեցան: Յիսուսը վեր առաւ հինգ հացը և երկու ձուկը, զոհացաւ, կտրեց և աշակերտներին տուաւ, իսկ նրանք էլ բազմականներին: Ամենքը կերան, կշտացան, իսկ երբ վեր կացան, Յիսուսն ասաց աշակերտներին. «Հաւաքեցէք փշրանքները»: Տասն և երկու զամբիւլ փշրանք վեր առան:

Ժողովուրդը, երբ տեսաւ Յիսուսի այս նշանը, ասաց. «Սա է ճշմարիտ մարդարին, որ աշխարհ պէտք է գար»: Յիսուսը նկատեց որ իրան թագաւորի տեղ են ընդունում, հեռացաւ լեառը:

Հետեհալ օրը որոնում էր նրան ժողովուրդը և դտաւ ծովի միւս ափում: Այն ժամանակ Յիսուսն

ասաց. «Ճշմարիտն եմ ասում ձեզ, դուք ինձ ոչ թէ նրա համար էք որոնում, որ նշաններ տեսաք, այլ՝ որ հացիցը կերաք և կշտացաք. ճշմարիտն եմ ասում ձեզ՝ իմ չալրը երկնային, ճշմարիտ հաց կտայ ձեզ»: Նրանք պատասխանեցին. «Ճնկը մեզ այդ յաւիտենական հացը»:

Յիսուս պատասխանեց նրանց. «Ես եմ կենաց հացը, ով ինձ մօտ կպայ, նա չի սովորանայ. ով ինձ կհաւատայ, երբէք չի ծարաւի: Զեր նախնիները անապատում մանանան կերան և մեռան, իսկ ով այս հացիցը կուտէ, յաւիտենան կապրէ»:

«Մի՛ այսուհետեւ հոգացէք եւ ասիցէք զինչ կերեցուք կամ «զինչ արբցուք կամ զինչ զգեցցուք. զի այդ ամենայն հեթանուք «ինդին. քանզի զիտէ չայըն ձեր երկնաւոր՝ թէ պիտոյ է ձեզ այդ ամենայն: Խնդրեցէք նախ զարգայութիւնն Աստուծոյ եւ զարգարութիւն նորա, եւ այդ ամենայն յաւելցի ձեզ»: Մտթ. գ. 31, 33.

Սյսուհետեւ հոգս մի՛ անէք ասելով, թէ ի՞նչ պիտի ուտենք, կամ ի՞նչ պիտի խմենք, կամ ի՞նչ պիտի հագնենք, որովհետև այդ տեսակ խնդրուածներ հեթանուներն են անում. ձեր երկնաւոր չայըն զիտէ որ այդ բաները ձեզ հարկանոր են: Բայց դուք առաջ նրա արքայութիւնը խնդրեցէք, իսկ միւսները առանց խնդրուելու կարուի ձեզ:

«Քրեալ է՛ թէ ոչ միայն հացիւ կեցցէ մարդ, այլ ամենայն «բանիւ որ երանէ ի բերանոյ Աստուծոյ»: Մտթ. գ. 4.

Գրուած է, որ մարդս ո՛չ միայն հացով է ապրում, այլ այն ամեն խօսքով, որ Աստուծու բերանիցն է դուրս գալիս:

Գլ. իֆ.

Ք Ա Ն Ա Ն Ա Ց Ի Կ Ի Ն Ը

Յիսուսը գնաց Տիւրոսի և Սիդոնի կողմերը: Եւ ահա մի քանանացի կին աղաղակում էր նրա

ետևից և ասում. «Ողորմիր ինձ, Տէր, որդի Դաւթի,
իմ աղջկը շարաշար գիւահարւում է»: Յիսուսը աշխա
պատասխան շտուաւ նրան:

Այն ժամանակ մօտ եկան նրա աշակերտները,
աղաչում էին և ասում. «Արձակիր սրան, որովհետեւ
մեր ետևիցն աղաղակում է»: Նա պատասխան տուաւ
և ասաց. «Ես ուղարկուել եմ իսրայէլի տան ոչխար-
ների մօտ»: Կինը մօտ եկաւ, Յիսուսի ոտներն ըն-
կաւ և ասաց. «Տէր, օքնիր ինձ»:

Յիսուսը պատասխանեց և ասաց. «Լաւ չէ երե-
խաների ձեռիցը հացն առնել և չներին ձգել»: Կի-
նը պատասխանեց. «Այո, Տէր, բայց չներն էլ իրանց
տէրերի սեղմանիցն ընկած փշրանքովն են կերակրուում»:

Յիսուսը պատասխան տուաւ ու ասաց. «Ո՛վ կին,
քո հաւատը մնե է, թնդ այնպէս լինի, ինչպէս որ դու
ես կամննում»: Նրա դուստրը նոյն ժամում բժշկուեց:

«Զի զոր սիրէ Տէր, խրատէ»: Թ. ա. երբ. Ժ. 6.

«Եթէ որոց սիրենն զնառուած, յամենայնի գործակից լինի
«ի բարիս»: Թ. ա. Համ. ը. 28.

Նորա, որոնք Առառնելու սիրում են, ամեն բարի գործերում
օգնում է Առառնել:

Գլ. ԻՊ.

ՅԻՍՈՒՍԸ ՔԱՐՈՉՈՒՄ Է ՆԱԶԱՐԵԹՈՒՄ

Յիսուսը հոգւով զօրացած՝ դարձաւ Գալիլիա:
Նրա համբաւը տարածուեց շրջակայ բոլոր երկրնե-

րում: Նա քարոզում, ուսուցանում էր նրանց ժողո-
վրդանոցներում: Ամենքը յարգում էին նրան:

Յիսուսը դարձաւ նազարէթ, ուր մեծացել էր և
իւր սովորութեան համեմատ շաբաթ օրը ժողովրդա-
նոց մտաւ և կամեցաւ կարգալ: Նրան տուին եռայեայ
մարգարէի գիրքը և երբ բաց արաւ, գտաւ այն տե-
ղը, որ գրուած էր. «Տիրոջ հոգին իմ վրայ է, որի
համար էլ օծեց ինձ. Նա ինձ ուղարկել է աղքատնե-
րին աւետիք տալու, սրտով կոտրուածներին բժշկելու,
գերիներին թողովթին քարոզելու, կոյրերին տեսու-
թիմն տալու և Տիրոջ ընդունելի տարին քարոզելու»:

Երբ գիրքը խփեց՝ սպասաւորին տուաւ և նրա-
տեց ժողովրդանոցի մէջ, բոլորի աշքերը նրան էին
մտիկ տալիս: Յիսուսն ասաց. «Այսօր այս գիրքը կա-
տարուեց ձեր ներկայութեամբ»: Ամենքը վկայում
էին այս բանին և զարմանում այն չնորհալի խօս-
քերի վրայ, որ գուրս էին գալիս նրա բերանից և
ասում էին—չէ որ սա Յովսէփի որդին է: Յիսուսն
ասաց նրանց. «Ի հարկէ դուք ինձ այս առակը կա-
սէք—բժշկ, քո անձը բժշկիր. որքան բաներ ենք
լսել, որոնք Կափառնայումի մէջ են կատարուել,
այստեղ քո հայրենիքումն էլ արա, որ տեսնենք:
Ճշմարիտն եմ ասում ձեզ, Եղիայի ժամանակ իսրայէլի
մէջ շատ որբեայրի կանայք կային, երբ երկինքը
երեք տարի և վեց ամիս փակուեց, այնպէս որ բո-
լոր երկրի վրայ մեծ սով ընկաւ, սակայն Եղիան
բացի սիրոնացւոց սարեալթացի՝ մի որբեայրի կնո-

զից, ոչ ոքի մօտ շուղարկուեց, Դարձեալ՝ շատ բորսներ կային խրայէլի մէջ եղիսէ մարդարէի ժամանակ, բայց նրանցից ոչ ոք չսրբուեց բացի նէեման ասորուց»:

Ամենքը բարկութիւնով լցուեցան ժողովրդանոցի մէջ։ Յիսուսին քաղաքից գուրս հանեցին և տարան մինչև այն լեռան գլուխը, որի վրայ քաղաքն էր շինած, որպէսզի այն բարձր տեղից վայր ձգեն, իսկ Յիսուսը նրանց միջովն անցաւ և գնաց։

«Յիսուսն եկն, եւ իւրքն զնա ոչ ընկալան. իսկ որք ընկալանն ոգնա՝ ետ նոցա իշխանութիւն որդիս Աստուծոյ լիներ։ Յովհ. ա. 11, 12.

Իւր ազգի մէջն եկաւ, բայց իւր ազգի որդիքն իրան շընդունեցին, իսկ որոնք ընդունեցին, նրանց իրաւոմք տուաւ Աստուծու որդիք լինել։

ԳԼ. ԻԵ.

ՀԱՐՈՒՍ ԵՐԻՏԱՍԱՐԴԸ

Մի երիտասարդ մօտեցաւ Յիսուսին և ասաց. «Բարի վարդապետ, ինչ բարի բան գործեմ, որ յաւիտենական կեանք ժառանգեմ»։ Յիսուսն ասաց նրան. «Եթէ կամենում ես յաւիտենական կեանք ունենալ, պահիր պատուիրանները»։ Երիտասարդը հարցրեց. «Ո՞ր պատուիրանները»։ Յիսուսը պատասխանց. «Մի սպանաներ, մի գողանար, մի սուտ վկայեր, պատուիր քո հօրն ու մօրը և քո ընկերին քո անձի չափ սիրիք»։

Երիտասարդը պատասխանեց. «Այդ ամենն իմ

երեխայութիւնիցն սկսած՝ պահել եմ, իլ ինչ բան է պակաս ինձ»։ Այն ժամանակ Յիսուսը նայեց նրան և ասաց. «Մի բան պակաս է քեզ. Կթէ կամենում եռ կատարեալ լինել, գնա և ծախիր ունեցածդ. տուր աղքատներին, կունենաս երկնքումը գանձ ու հետեիր ինձ»։

Երբ պատանին այս խօսքերը լսեց, տխուր և տրտում հեռացաւ, որովհետև շատ ստացուած ունէր։ Յիսուսն ասաց իւր աշակերտներին. «Ճշմարիտն եմ ասում ձեզ, մալուխը հեշտութեամբ տսեղի ծակովը կանցնի՝ քան թէ մի հարուստ՝ Աստուծու արքայութիւնը կմտնէ»։ Երբ այս բանն աշակերտները լսեցին, շատ զարմացան և ասացին. «Հապա էլ ով կարող է փրկուել»։ Յիսուսը մտիկ տալով նրանց՝ ասաց. «Մարդկանց կողմանէ անկարելի է դա, իսկ Աստուծու կողմանէ ամեն բան հնարաւոր է»։

«Եւ մեծութիւն թէ առ ով գայցէ, մի՛ յօժարեսցին սիրաք ձեր»։ Մաղ. կա. 11.

«Եր հարստութեան զրայ յոյս մի՛ գնէք».

«Եթէ որ կամի զինի զալ իմ, ուրասցի զանձն իւր եւ բարձրէ զինաց իւր եւ եկեսցէ զինի իմ»։ Մրկ. ը. 34.

Ով ուզում է իմ ետեկց զալ, պէտք է իւր անձն ուրանայ, զեր տանէ իւր խաչը և ետեկց զայ».

ԳԼ. ԻԶ.

ԱՆՄԻՏ ՀԱՐՍ Ի ԱՌԱԿ

Յիսուսը չետեկալ առակն ասաց. «Մի հարուստ

մարդու արտերն առատ պտուղ տուին։ Նա մտածում և ասում էր. «Ի՞նչ անեմ. տեղ չունիմ արտերիս պտուղները հաւաքելու. շտեմարաններս կքանդիմ. աւելի մեծերը կշինեմ և բոլոր բերբելն այնտեղ կհաւաքեմ. յետոյ կասեմ ինձ—ով անձն, շատքարիքներ ունիս՝ շատ տարիների համար ամբարուած, կեր, խմիր և զուարճացիր»։

Բայց Աստուած ասաց նրան. «Անմիտ, այս գիշեր քո հոգին քեզնից կպահանջեն, այսքան պատրաստածներդ ինչ պիտի անես»։

Այսպէս էլ ամենայն մարդու վիճակն է—ով միայն իւր անձի համար է զանձ հաւաքում, Աստուծու մօտ հարուստ չէ։

«Մի՛ զանձէք ձեզ զանձս յերկրի, ուր ցեց եւ ուտիճ ապականեն, եւ ուր գողք ական հատանեն եւ գողանան։ Յյլ զանձեցէք գակ զանձս յերկինս, ուր ոչ ցեց եւ ուտիճ ապականեն, եւ ոչ գողք ական հատանեն եւ գողանան, զի ուր զանձք ձեր են, անդ եւ սիրտք ձեր եղիցին։ Մտթ. գ. 19—21։

Եեղ համար հարստութիւն մի՛ գիգէք երկրիս վրայ, ուր ցեցն ու ուտիճն ապականում են, ուր գողերը պատը ծակում են և գողանում։ Յյլ ձեր հարստութիւնը երկնիքումը դիմեցէք, ուր ոչ ցեց կայ և ոչ ուտիճը կապականէ և ուր գողերը պատը չեն ծակում և չեն գողանում, որովհետեւ ինչ տեղ ձեր զանձերն են, այնտեղ էլ ձեր սիրտն է։

Գլ. ԻԵ.

ԿՈՐՈՒՍԵԱԼ 02ԽԱՐԻ ԵԻ ԳՐԱՄԻ ԱՌԱԿԸ

Յիսուսի մօտ լսելու նպատակով շատ մարսա-

ւորներ և մեղաւորներ եկան։ Փարիսեցիները և դըպիրները տրանզում էին ու ասում. «Սա ընդունում է մեղաւորներին և նրանց հետեւմ է»։

Սրա համար Ցիսունն այս առակն ասաց նրանց. «Այն մը մարդն է ձեղանից, որ հարիւր ոչխար ունենայ և նրանցից մինը կորցնէ, արդեօք չի թողնի իննսունիննը և այն կորածի ետեկցը գնայ, մինչև որ գտնէ նրան։ Եւ երբ գտնէ, ուրախանալով իւր ուսերի վրայ կդնէ և տուն գալով բարեկամներին և դրացիներին կկանչէ ու կասէ. «Ուրախացէք ինձ հետ, վասնզի իմ կորած ոշխարը գտայ»։ Ասում եմ ձեզ, այսպէս էլ ուրախութիւն կլինի երկնիքումը մէկ մեղաւորի համար, որ կապաշխարէ, քան թէ իննըսունինն արդարների համար, որոնք ապաշխարութեան պէտք չունին»։

«Կամ ով է այն կինը, որ տասը դրամ ունենայ և դրամներից մինը կորցնէ, արդեօք ճրագ չի վառի, տունը չի աւելի ու խիստ որոնի՝ մինչեւ որ գտնէ։ Եւ երբ գտնէ, բարեկամներին և դրացիներին կկանչէ ու կասէ—ուրախացէք ինձ հետ, վասնզի կորուսած դրամս գտայ։ Ասում եմ ձեզ, այսպէս էլ Աստուծու հրեշտակների մօտ ուրախութիւն կլինի մէկ մեղաւորի համար, որ կապաշխարէ»։

«Զի այնպէս սիրեաց Աստուծ զաշխարհ, մինչեւ., Յովհ. գ. 16.

ԳԼ. ԻԼ.

ՅԱՅՐՈՍԻ ԴՈՒՍՏՐԸ ԵՒ ՆԱՅԻՆԻ ՊԱՏԱՆԻՆ

Ա. Յայրոս անունով մի մարդ, որ ժողովրդի իշխաններից մինն էր, եկաւ Յիսուսի մօտ. ընկաւ նրա ոտները. ազաշում և ասում էր. «Իմ աղջիկը մահամերձ է, եթէ գաս և ձեռդ նրա վրայ դնես՝ կառողջանայ»:

Յիսուսը գնաց նրա հետ. մեծ բազմութիւն հետեւմ էր նրան. իշխանի ծառաներից մինն եկաւ և ասաց. «Քո աղջիկը մեռաւ, վարդապետին անհանդիստ մի անիր»: Երբ այս բանը Յիսուսը լսեց, ասաց իշխանին. «Մի վախենար, հաւատա միայն»:

Յիսուսը տուն եկաւ. տեսաւ փողհարներին ու ժողովրդին. ոչ որի թոյլ շտուաւ, որ իւր հետ գընայ բացի Սիմոնից (Պետրոս), Յակովոսից և Յովհաննէսից: Ամենքը լալիս և ողբում էին: Յիսուսն ասաց. «Մի լաք, նա չէ մեռել, այլ քնած է»: Նրա վրայ ծիծաղեցին, որովհետեւ ամենքը գիտէին, որ մեռած է:

Յիսուսը բոլորին էլ տանից գուրս հանել տուաւ. առաւ իւր հետ երեխայի հօրն ու մօրը և նրանց, որոնք իւր հետն էին ու մտաւ այնտեղ, ուր երեխան պառկած էր: Բռնեց նրա ձեռից և ասաց. «Ճալիթա կումի», այսինքն՝ աղջիկ, վեր կաց:

Խսկոյն վեր կացաւ աղջիկը և ման եկաւ: Յիսուսը հրամայեց, որ նրան բան տան ուտելու: Ամենքը զարմացան այս բանի վրայ:

Բ. Սրանից յետոյ Յիսուսն եկաւ նային քաղաքը: Նրա հետ գնում էին աշակերտները և բազմաթիւ ժողովուրդ: Երբ քաղաքի գուան մօտեցաւ, տեսաւ մի մեռեալ էին տանում, որ այրի միամօր որդի էր: Դագաղի ետեից մեծ բազմութիւն էր գնում: Յիսուսը մօտ գնաց և ասաց. «Մի լաք»: Յետոյ մօտ եկաւ. դագաղը շօշափեց. տանովները կանգնեցին: Յիսուսն ասաց. «Պատանի, քեզ եմ ասում, վեր կաց»:

Մեռեալը վեր կացաւ, նստեց և ոկտաւ խօսել: Պատանուն մօրը յանձնեց:

Ամենքին երկիւղ պատեց: Աստուծուն փառք էին տալիս և ասում. «Մեծ մարդարէ է վեր կացել մեր մէջ. Աստուած իւր ժողովրդին այցելել է»:

«Բայց յայտնեցաւ այժմիկ՝ յերեւիլ Փրկչին մերոյ Յիսուսի «Քրիստոսի, որ խափանեց զմա՞ն՝ եւ լուսաւոր արար զկեանս»: Այժմ մեր Տէք Յիսուս Քրիստոսի երեալով յայտնուեց, որ նա մահը խափանեց և կեանքը լուսաւորեց:

ԳԼ. ԻԹ.

ՅՈՎՀԱՆՆԷՍ ՄԿՐՏՉԻ ԴԵՄՊԱՆՆԵՐԸ ԵՒ ՊԵՏՐՈՍԻ
ԽՈՍՇՈՎԱՆՈՒԹԻՒՆԸ:

Ա. Երբ Յովհաննէսը բանտի մէջ Յիսուսի գործերը լսեց, իւր աշակերտներից երկուսին ուղարկեց նրա մօտ հարցնելու. «Դու ես այն, որ գալու էր, յժէ ուրիշին սպասենք»:

Յիսուսը պատասխանեց նրանց և ասաց. «Քնա-

ցԵք Յովհաննէսին պատմեցէք, ինչ որ լսեցիք և տեսաք—կոյրերը տեսնում են, կաղերը զնում են, բորսուները սրբում են, խուլերը լսում են, մեռելները յարութիւն են առնում և աղքատներին աւետարանն է քարոզում, երանելի է նա, որ ինձ վրայ չի գայթակղուի»:

Բ. Քիչ ժամանակից յետոյ Յիսուսն եկաւ Փիլիպիայ Կեսարիայի կողմերը, իւր աշակերտներին հարցնում էր և ասում. «Մարդիկ ինձ համար ինչ են ասում, ով է մարդու Որդին»: Նրանք էլ ասացին. «Ռմանք ասում են՝ թէ Յովհաննէս Մկրտիչն է, միւսները՝ եղիան և ուրիշներն էլ՝ երեմիան կամ մարդարէներից մինը»:

Յիսուսը հարցրեց. «Իսկ դուք ինչ էք ասում, ով եմ ես»: Սիմօնը պատասխանեց և ասաց. «Դու ես Քրիստոսը՝ կենդանի Աստուծու Որդին»:

Յիսուսն ասաց. «Երանք քեզ, Սիմօն՝ որդի Յովհաննի, որովհետեւ մարմին և արիւն չյայտնեց քեզ այդ, այլ իմ երկնաւոր Հայրը. ես ասում եմ քեզ, որ դու ես վէմը և այդ վէմի վրայ կշինեմ իմ եկեղեցին, որին դժոխքի գռներն էլ չեն կարող շարժել: Քեզ կտամ երկնքի արքայութեան բանալիները և ինչ որ երկրիս վրայ կկապես, կապուած կլինի երկնքումը և ինչ որ կարձակես երկրիս վրայ, երկընքումն էլ արձակուած կլինի»: Արգելեց իւր աշակերտներին, որ ոչ ոքի չասեն, թէ նա Յիսուս Քրիստոսն է:

«Եւ մեք հաւատացաք եւ ծանեաք՝ եթէ դու ես Քրիստոսն ուրդի Աստուծոյ»: Յովհ. գ. 69.

Մենք հաւատացինք և ճանաչեցինք, որ դու ես Քրիստոսն՝ Աստուծու որդին:

«Յիսուս Քրիստոս երեկ եւ այսօր, նոյն եւ յափտեան»:
Յիսուս Քրիստոս նոյնն է երեկ, այսօր և յափտեան»:

Գլ. 1.

ՅՈՎՀԱՆՆԵՍ ՄԿՐՏՉԵ ՄԱՅԼ

Հերովդէսը բռնեց Յովհաննէսին. կապեց և բանալ դրաւ՝ իւր եղբայր Փիլիպպոսի կնոջ՝ Հերովդիայի համար, որովհետեւ Յովհաննէսը նրան ասում էր. «Վայել չէ քեզ, որ դրան կին ունենաս: Հերովդէսն ուզում էր նրան սպանել, բայց ժողովրդից վախենում էր, որովհետեւ նրան ընդունում էր որպէս մարդարէ, որպէս բարեպաշտ մարդ, դրա համար էլ պաշտպանում էր:

Մի յարմար առիթ պատահեց—թագաւորի ծընընդեան օրն էր. մեծ խնջոյք տուաւ, ուր ներկայ էին նախարարները, զօրապետները և Գալիլիայի բոլոր մեծամեծները: Այդուեղ էր և Հերովդիայի ազգիք, որ կաքաւեց և շատ դուր եկաւ թէ թագաւորին և թէ բոլոր սեղանակիցներին:

Թագաւորն ասաց աղջկան. «Խնդրիք ինձնից ինչ որ ուզում ես և ես կտամ քեզ»: Թագաւորն երդուեց և ասաց. «Ինչ բան որ դու խնդրես ինձնից, կտամ քեզ, մինչև անդամ իմ թագաւորութեան կլար»: Նա դուրս գնաց և ասաց մօրը. «Ի՞նչ խընդ-

րեմ»։ Նա էլ ասաց. «Յովհաննէս Մկրտչի գլուխը»։

Աղջիկը շտապով թագաւորի մօտ եկաւ և ասաց. «Ես կամենում եմ, որ մի սկուտղի վրայ Յովհաննէս Մկրտչի գլուխն ինձ տաս»։

Թագաւորը շատ տրտմեցաւ, բայց որովհետեւ երդուել էր հիւրերի առաջ՝ չուզեց խօսքը յետ առնել։ Խսկոյն դահիճ ուղարկեց և հրամայեց նրա գլուխը բերել։ Դահիճը գնաց ու բանտի մէջ գլխատեց Յովհաննէսին. մի սկուտղի մէջ դրաւ գլուխը և աղջկան տուաւ. նա էլ իւր մօրը տարաւ։

Երբ այս բանը նրա աշակերտներն իմացան, եկան, վեր առան նրա դիակը, տարան, թաղեցին ու եկան Յիսուսին յայտնեցին։

«Հե՞ր հաւատարիմ մինչեւ ՚ի մահ եւ տաց քեզ զպսակն կենաց»։ Յայտ. Յովհ. թ. 10.

Հաւատարիմ եղի՞ր մինչեւ ՚ի մահ՝ կեանքի պսակը քեզ կտամ»։

ԳԼ. ԼԱ.

ՍԵՐՄԱՆԱՑԱՆԻ ԱՌԱԿԵ

Յիսուսը նստած էր ծովի ափում. Նրա մօտ հաւաքուեց մեծ բազմութիւն։ Նա իջաւ և նաւ նըստեց, իսկ ժողովուրդը կանգնած էր ափի վրայ։

Յիսուսն սկսեց նրանց հետ շատ բաների վրայ առակներով խօսել և ասել. «Ահա դուրս եկաւ սերմացանը ցանելու ու երբ նա ցանում էր, սերմերից

մի քանիսն ընկան ճանապարհի վրայ, եկան երկնից թոշուններն ու կերան։ Մի քանիսն էլ ընկան քարքարոտ տեղերում, որոնք շուտավ բուսան հող չկենելու պատճառով, բայց երբ արել ծագեց, տաքացան և որովհետեւ արմատ չունէին՝ չորացան։ Մի քանիսն էլ ընկան փշոտ տեղ. փշերը դուրս եկան և խեղդեցին նրանց։ Մի քանիսն էլ ընկան լաւ հողի մէջ և պտուղ տալին, որը հարիւր, որը վածուն և որը երեսուն։ Ով որ լսելու ականջ ունի, թնդ լսէ։

«Երանի այնոցիկ է, որ լսեն զբանն Աստուծոյ եւ առնեն։ Երանի՛ նրանց, որոնք Աստուծոյ խօսքը լսում են և կատաւմ»։

«Երանի այնոցիկ՝ որ սուրբ են սրափուք զի նոքա զԱստուծ առեսցեն։ Մտթ. ե. 8.

Երանի՛ սուրբ սիրտ ունեցողներին, որովհետեւ նրանք Աստուծուն պիտի տեսնեն։

ԳԼ. ԼԲ.

ՈՐՈՄԻ ԱՌԱԿԵ

Յիսուսը մի ուրիշ առակ էլ ասաց—Երկնիքի արքայութիւնը նման է մի մարդու, որ իւր արտումը բարի սերմ ցանեց. բայց երբ մարդիկ քոն եղան, թշնամին եկաւ ցորենի մէջ որոմներ ցանեց ու գնաց։ Երբ խոտը բուսաւ, այն ժամանակ որոմներն էլ երսեցան։

Տանտիրոջ ծառաները մօտ եկան և ասացին.
«Ճէր, միթէ դու քո արտաւմը բարի սերմ չցանեցիր,
որովները հրտեղից են»: Նա պատասխանեց և ասաց.
«Այդ թշնամի մարդու արած է»: Ծառաներն ասացին. «Կամենում ես, որ գնանք և դուրս հանենք»:

Նա պատասխանեց. «Ո՛չ, մի գուցէ որովները
բաղելիս, ցորենն էլ նրանց հետ արմատախիլ անէք,
թողէք որ երկուսն էլ միասին մեծանան մինչև հուն-
ձը, իսկ հնձի ժամանակ կասեմ հնձողներին՝ առաջ
որովները քաղեցէք և խուրձ կապեցէք այրելու, իսկ
ցորէնը ժողովէք իմ ամբարի մէջ»:

«Եւ զոր օրինակ կայ մնայ մարդկան մի անգամ մեռանել, եւ
ցետ այնորիկ գատաստան»: Թ. ա. երր թ. 27.

Մարդկանց համար սահմանուած է, որ մի անգամ պիտի մեռ-
նեն, իսկ նրանից յետոյ գատաստան կլինի:
«Մի' դատիք, զի' մի' դատիցիք»: Մաթ. է. 1.
Մի' դատէք ուրիշներին, որ ձեզ էլ ուրիշները չդատեն:

ԳԼ. ԼԳ.

Ա Դ Ա Ր Ա Կ Ի Գ Ա Ր Ա Ր Տ Ի Վ Ա Ր Ա Կ Բ

Երկնքի արքայութիւնը նման է ազարակում
թաքցրած գանձին, որ մի մարդ գտաւ. Ժաք-
կացրեց. ուրախութիւնից գնաց ծախեց իւր բոլոր
ստացուածը և գնեց այն ազարակը: Դարձեալ նման
է երկնքի արքայութիւնը մի վաճառականի, որ գե-
ղեցիկ մարդարիտ էր որոնում և երբ մի թանկագին

մարդարիտ գտաւ, գնաց, վաճառեց ունեցած չունե-
ցածը և գնեց այն մարդարիտը:

«Զի ամենայն տուրք բարիք եւ ամենայն պարզեւք կատարեալք
«ի վերուստ են իջեալ առ ի չօրէն լուսոյ»: Թ. Յակ. ա. 17.

Բոլոր բարի տուրքերը և կատարեալ պարզեւք վերեկցն են
իջնում՝ լուսոյ չօրիցց:

«Զինչ կայ իմ բնաւ յերկինս կամ 'ի քէն զինչ եւս խնդրեցից
յերկրի»: Սաղ. հը. 25.

Ո՞վ ունիմ ես երկնքումը կամ քեզանից էլ ի՞նչ խնդրեմ երկ-
րիս վրայ:

ԳԼ. ԼԳ.

Մ Ե Ծ Ը Ն Թ Ր Ի Ք Ի Ա Ռ Ա Կ Բ

«Մի մարդ մեծ ընթրիք պատրաստեց և շատե-
րին հացի հրաւիրեց: Ընթրիքի ժամանակ ուղարկեց
իւր ծառան, որ հրաւիրուածներին ասէ. «Եկէք, որով-
հետե ամեն բան պատրաստ է»:

Հրաւիրեալներն ամենքն էլ հրաժարուեցան գա-
լուց—առաջինն ասաց. «Ազարակ գնեցի, պէտք է
զնամ տեսնեմ, աղաչում եմ քեզ, ինձ հրաժարուած
համարիր»: Միւսն ասաց. «Հինգ լուծ եզն եմ զնել,
զնում եմ փորձելու, աղաչում եմ քեզ, ինձ հրաժա-
րուած համարիր»: Երրորդն ասաց. «Կին եմ առել,
ուստի և չեմ կարող դար»:

Ծառան եկաւ և այս բոլորը պատմեց տիրոջը:
Տանտէրը բարկացած ասաց ծառային. «Թուրս զնա
քազարի հրապարակները, փողոցները և այստեղ բեր

աղքատներին, խեղերին, կաղերին և կոյրերին։ Ծառան ասաց. «Տէր կատարեցի այնպէս, ինչպէս հրամայեցիր, բայց տանն էլի տեղ կայ»։ Տէրն ասաց ծառային. «Գնւրս գնա ճանապարհները և քաղաքի ցանկից դուրս ու ստիպիր ամենին, որ այստեղ գան, որպէսզի իմ տունը լցուի»։ Ճշմարիտն եմ ասում, այն հրաւիրուած մարդկանցից ոչ մէկն իմ ընթրիքը չե ճաշակի»։

«Մի՛ սիրէք աշխարհս, եւ մի՛ որ ինչ յաշխարհի է. եթէ ոք «սիրէ աշխարհ, ոչ է ի նմա սէր չօր»։ Աշխարհս անցանէ եւ ցանկութիւն, իսկ որ առնէ զկամս Աստուծոյ, մնայ ՚ի յաւիտեան»։

Մի՛ սիրէք աշխարհը և այն ամենը, ինչ որ աշխարհի մէջն է. եթէ մինն աշխարհը սիրէ, կնշանակէ նրա մէջ չօր սէր չկայ։ Որովհետ աշխարհը անցուորական է, նրա ցանկութիւնները նոյնպէս, իսկ ով Աստուծու կամքը կկատարէ, յաւիտեան կմնայ։

Գլ. ԼԵ.

ԱՆԴԱՄԱԼՈՒԾԻ ԲԺՁԿՈՒԹԻՒՆԸ ԿԱՓԱՌՆԱՅՈՒՄ ՔԱՂԱՔՈՒՄ ԵՒ ԿԱՂԻ ԲԺՁԿՈՒԹԻՒՆԸ ՊՐՕՊԱՏԻԿԻ ԿԱՄ ԲԵԴՀԵԶԴԻԱ ԱԽԱՋԱՆԻ Մ08:

Ա. Յիսուսը քարոզում էր իսր քաղաքում Կափառայումում։ Այնտեղ ներկայ էին բազմաթիւ փարիսեցիներ և օրինաց վարդապետներ, որոնք եկած էին Գալիլեյից և Հրէսստանից։ Յիսուս նրանց ամենին էլ օգնում էր։

Ալդ բոպէին մահճի վրայ գրած մի անդամալոյժ բերին և աշխատում էին, որ մի կերպով ներս տա-

նեն և Յիսուսի առաջ դնեն։ Բայց ամբոխի պատճառով չկարողացան ներս մտնել. կտուրը բարձրացան. տան առաստաղը բացին և մահճով կախ արին հիւանդին Յիսուսի ոտների մօտ։ Յիսուսը նրանց հաւատը տեսնելով՝ ասաց հիւանդին. «Որդեակ, քո յանցանքը ներւում է քեզ»։

Դպիրները և փարիսեցիներն սկսեցին մտածել և ասել. «Ո՞վ է սա՝ որ հայրոյանք է խօսում. ով կարող է յանցանքը ներեկ՝ բացի Աստուծուց»։

Յիսուսը՝ նրանց խորհուրդն իմանալով՝ պատասխանեց և ասաց. «Ի՞նչ էք մտածում ձեր սրտերում. որն է աւելի հեշտ—ասել քո յանցանքը ներւում է քեզ, թէ՝ վեր կաց և ման եկ։ Իմացէք որ մարդու Որդին իշխանութիւն ունի երկրի վրայ մեղքեր ներկլու։ Յետոյ դարձաւ անդամալուծին և ասաց. «Քեզ եմ ասում, վեր կաց, մահիճդ առ և գնա քո տուն»։ Հիւանդին իսկոյն վեր կացաւ, առաւ իւր մահիճը, զնաց տուն և փառարանում էր Աստուծու անունը։

Զարմանքն ամենին պատեց։ Փառք էին տալիս Աստուծուն և ահով լցուած ասում էին, թէ նորանշան բաներ տեսանք այսօր։

Բ. Սրանից յետոյ տօն էր. Յիսուսն Երուսաղէմ եկաւ։ Քաղաքի մէջ Պրօպատիկէ աւագանի մօտ, որ երբայցերէն Բեդհեղղա է կոչւում, հինգ սրահ կար, ուր պառկած էին շատ հիւանդներ—կոյրեր, կաղեր, գոսացածներ և սպասում էին ջրի յուզուելուն, որովհետև Տիրոջ հրեշտակը ժամանակ-ժամանակ իշնում էր

հ աւագանի՝ ջուրը յուզում։ Զրի յուզելուց յետոյ՝ ով առաջինն էր ընկնում նրա մէջ՝ բժշկում էր՝ ինչ հիւանդութիւն էլ որ ունենար։

Այնտեղ մի մարդ կար, որ երեսուննութը տարի հիւանդ էր։ Երբ Յիսուսը նրան տեսաւ և իմացաւ թէ քանի տարի այնտեղ պառկած է, ասաց. «Կամենում ես բժշկուել»։ Հիւանդը պատասխանեց. «Տէր, ես ոչ ոք չունիմ, որ զրի յուզման ժամանակին ինձ աւագանը ձգէ, իսկ ես մինչև որ տեղիցս կշարժուեմ, ուրիշն ինձանից առաջ է իջնում»։ Յիսուսն ասաց. «Վեր կաց, մահիճդ առ և գնա»։ Այն մարդն իսկոյն առողջացաւ. վեր կացաւ. առաւ իւր մահիճը և գնաց։

Այդ օրը շաբաթ էր. Հրէաներն ասացին բըժկուածին. «Այսօր շաբաթ է, ինչպէս կարելի է որ մահիճդ տանում ես»։ Հիւանդը պատասխանեց. «Ինձ բժշկովն ասաց—վեր առ մահիճդ և գնա»։ Այն ժամանակ հարցրին նրան. «Ո՞վ է այն մարդը, որ քեզ ասաց—մահիճդ առ և գնա»։ Բայց բժշկուածը չէր ճանաշում Յիսուսին, որովհետեւ ամբոխի պատճառով խոյս էր տուել այնտեղից։

Սրանից յետոյ Յիսուսը հանդիպեց նրան տաճարում և ասաց. «Ահա դու առողջացար, այլիս շըմեղանչես, որպէսզի աւելի վատ բան չմնի քեզ»։ Այն մարդը գնաց և հրէաներին պատմեց, որ իրան բժշկովը Յիսուսն է եղել։ Սրա համար հրէաները հալածում էին նրան, որ նա շաբաթ օրն էր այդ

բանն արել։ Յիսուսը պատասխանեց նրանց և ասաց. «Իմ Հայրը մինչի այժմ գործել է, ես էլ գործում եմ»։ Հրէաներն աւելի սկսեցին հալածել, որովհետեւ նա ոչ թէ միայն շաբաթն էր քանդում, այլ Յստուծուն իւր հայրն էր անուանում և իւր տնձը նրան հաւասար դարձնում

«Հաւատարիմ է բանս, եւ ամենայն ընդունելութեան արժանի է, զի Յիսուս Քրիստոս եկն յաշխարհ փրկել զմեղաւորս»։

Ճշմարիթ է այս խօսքը և ամեն ընդունելութեան արժանի, որ Յիսուս Քրիստոսն աշխարհ եկաւ մեղաւորներին փրկելու համար։ «Եկայք առ իս ամենայն գաստակաք եւ բեռնաւորք եւ ես հանգուցից զձեզ»։ Մաթ. ժա. 29.

Ինձ մօտ եկ'ք, ո՞վ դադրածներէ բեռնաւորուածներ, ես ձեզ հանգստութիւն կտամ։

Յ Ա Ն Յ Ա Խ Ո Ր Կ Ի Ն Ը

Փարիսեցիներից մէկն ազաշում էր Յիսուսին, որ իւր հետ հաց ուտէ։ Յիսուսը չմերժեց նրա խնդիրը—գնաց փարիսեցու առնը և սեղան նստաւ։ Այն քաղաքում մի մեղաւոր կին կար. սա երբ իմացաւ որ Յիսուսը փարիսեցու տանն է, վեր առաւ մի շիշ անուշահոտ իւղ. եկաւ Յիսուսի մօտ. լաց էր լինում. արտասուզով ոտները թրջում էր. զլիի մաղերով սրբում էր. համրուրում էր ոտները և բերած իւղովն օծում։ Փարիսեցին այս բանից գայթակղուեց և իւր մտքումն տաց. «Եթէ սա մարդարէ լինէր, անշուշտ կիմանար, թէ իրան մերձեցողն ովք է կամ ինչպիսի կին է»։ Յիսուսը նրա սրտինն իմացաւ, ուստի և ասաց. «Սիմօն, քեզ մի բան ունիմ ասելու»։ Նա էլ ասաց. «Ասա, վարդապետ»։ Յիսուսն ասաց. «Մի մարդ երկու պարտական ունէր

—առաջինը հինգ հարիւր դահեկան էր պարտ, իսկ երկրորդը՝ յիսուն: «Պարտատէրելին աղքատ էին և անկարող տիրոջ պարտքը վճարելու, ուստի տէրը երկուսին էլ ներեց: Ասա Սիմօն, այդ երկուսից ո՞րն աւելի կսիրէր տիրոջը»: Սիմօնը պատասխանեց. «Նա, որի պարտքը աւելի էր»: «Ուզիղ դատեցիք, Սիմօն» և դառնալով դէպի կինը՝ Սիմօնին ասաց. «Տեսնում ես այս կնոջ վարմունքը, երբ եսքո տունն եկայ, չուր էլ շտուփ ոտներս լուանալու համար, իսկ սա իւր արտասուրով թրջում է ոտներս և մազերով էլ սրբում: Դու ինձ սովորական համբոյը շտուփ, իսկ սա՝ քանի տուն եմ եկել՝ ոտներս համբուրելուց չէ դադարում: Դու հասարակ իւղով չօծեցիք գլուխս, իսկ սա անուշահոտ իւղով օծեց ոտներս: Սրա համար էլ ասում եմ, որ սրա շատ մեղքերը կներուին, որովհետեւ շատ սիրեց, իսկ որին քիչ կներուի, նա քիչ էլ կսիրէ»: Այս խօսքերից յետոյ դառնալով կնոջն ասաց. «Քո մեղքերը ներւում են»: Մեղան նըստողներին զարմանք պատճռեց Յիսուսի վարմունքը, ուստի միմեանց երեսին նայելով՝ ասում էին. «Ո՞վ է սա, որ մեղքեր էլ է ներւում»: Յիսուսն ասաց կնոջը. «Քո հաւատը փրկեց քեզ, գնա խաղաղութունավ»:

ԳԼ. ԼԶ.

ՅԻՍՈՒՍԸ ՍԱՍՏՈՒՄ Է ՄՐՐԿԻՆ

Յիսուսը վերստին Դալիլիա դարձաւ. կամեցաւ գնալ ծովի միւս կողմը և քարոզել: Նաւ մտաւ. աշակերտները հետեւցին նրան: Եւ ահա ծովի մէջ մեծ փոթորիկ բարձրացաւ. այնպէս որ ալիքները նաւը ծածկում էին, իսկ Յիսուսը քնած էր նաւի հտկում: Աշակերտները մօտ եկան, զարթեցրին նրան

և ասացին. «Տէր, փրկիր մեղ, կնրչում ենք: Յիսուսն ասաց. «Ե՞նչ վախկոտներ էք, թերահաւատներ»: Սաստեց քամիներին և մեծ խաղաղութիւն տիրեց:

Մարդիկ զարմացան այս բանի վրայ և ասում էին. «Սա ինչպիսի անձն է, որ քամիներն էլ, ծովն էլ հնազանդում են սրան»:

«Եթէ Աստուած ՚ի մեր կոյս է, ո՞վ իցէ մեր հակառակ»: Եթէ Աստուած մեր կողմն է, ո՞վ կարող է մեզ հակառակ լինել: «Եւ այս է յաղթութիւնն՝ որ յաղթէ աշխարհի, հաւատքն մեր»: Մեր հաւատքն է. որ աշխարհին յաղթում է:

ՅԻՍՈՒՍԸ ԳՆՈՒՄ Է ԾՈՎԻ ՎՐԱՍՑՈՎ

Բեթսայիդա քաղաքի մօտ գտնուող անապատում 5,000-ին կերակրելուց յետոյ, Յիսուսն արձակեց նրանց, իսկ աշակերտներին պատուիրեց, որ նաւ մտնեն և իրանից առաջ ծովի միւս ափն անցնեն: Յիսուսը լեառը բարձրացաւ և առանձին աղօթք էր անում մինչև երեկոյ: Աշակերտներն արդէն ծովի մէջտեղն էին. նաւն ալեկոծւում էր, որովհետեւ քամին հակառակ կողմից էր վշում: Դիշերուան մէջ՝ Յիսուսը ծովի վրայ ման գալով եկաւ նրանց մօտ: Աշակերտները շփոթուեցան, երբ նրան ծովի վրա ման գալիս տեսան: Այս բանը երեսյթ էին համարում, իրանց աշքերին չէին հաւատում, ուստի երկիւղից աղաղակել ուկսեցին: Յիսուսը նրանց հետ խօսեց և ասաց. «Քաջ եղէք, մի վախենաք, ես եմ»: Պետրոսը պատասխան տուաւ նրան և ասաց. «Տէր, եթէ զու ես, հրամայիր ինձ, որ ջրի երեսով քեզ մօտ գամ»: Յիսուսն ասաց. «Ե՞կ: Պետրոսը նաւից իջնելով՝ ջրի վրայով գնում էր Յիսուսի մօտ: Առա-

քեալը, երբ տեսաւ, որ քամին սաստիկ է, վախեցաւ սկսեց ընկղմել, ուստի աղաղակեց և ասաց. «Տէր, փրկիր ինձ»: Յիսուսը մեկնեց ձեռը, բոլնեց նրան և ասաց. «Թե՞րահաւատ, ինչու երկմտեցիր»: Յիսուս և Պետրոսը երբ նաւը մտան, քամին հանդարտեց: Նաւի մէջ եղողները մօտ եկան, երկրպագութիւն տուին Յիսուսին և ասացին. «Ճշմարիտ որ՝ դու Սատուծու որդին ես»:

Անցան ծովի միւս կողմն և եկան Գեննեսարեթի երկերը: Այնտեղի մարդիկն իսկոյն ճանաչեցին նրան. մարդուղարկեցին լրջակալը յայտնելու Յիսուսի գալուստը, որպէսզի հիւանդները և կարիք ունեցողները զան բժշկուելու: Իսկոյն անթիւ հիւանդներ նրա մօտ հաւաքուեցան: Բաղմութիւնն այնքան մեծ էր, որ շատերը գոհ կլինէին, եթէ նրա հանդերձն անգամ շօշափէին և նրանք, որոնք շօշափեցին, փրկուցան:

ՔԼ. ԼԵ.

ԿՈՅՐ ԾՆՈՒՑԿԻ ԲԺՇԿՈՒԹԻՒՆԸ

Յիսուսը մի անգամ տաղավարահարաց տօնին եկաւ երուաղէմ: Այնտեղ նա մի մարդ տեսաւ, որ ի ծնէ կոյր էր: Աշակերտները հարցրին Յիսուսին և ասացին. «Խաբրի, ով է մեղանչել. սա՛ թէ սրա ծնողները, որ կոյր է ծնուել: «Յիսուսը պատասխանեց. «Ո՛չ դա է մեղանչել և ոչ դրա ծնողները, այլ՝ որ Սոտուծոյ գործերը յայտնի լինին դրանով. ես պէտք է իմ առաքալի գործերը գործեմ քանի որ օր է, երբ գիշերը կգայ, այն ժամանակ ոչ ոք չի կարող գործել»: Այս ասելով՝ լճքեց գետնի վերայ. ցեխ

շինեց. քսեց կոյրի աշքերին ու ասաց. «Գնա և Սելովմայ աւաղանում լուացուիր»: Նա գնաց. լուացուեց. յետ դարձաւ և տեսնում էր:

Դրացիները և նրան առաջուց տեսնողներն առում էին. «Սա նա չէ, որ նստած մուրզում էր»: Մի քանիսներն ասում էին. «Նա է», մի քանիսները՝ «Նրան նմանէ», իսկ ինքն ասում էր, «Ես եմ»: Այն ժամանակ ասացին նրան. «Հապա աշքերդ ինչպէս բացուեց»: Նա պատմեց, ինչ որ Յիսուսն արել էր: Նրան տարան փարիսեցիների մօտ: Օրը շաբաթ էր, երբ Յիսուսը նրա աշքերը բժշկեց: Փարիսեցիները հարցրին, թէ ինչպէս է նրա աշքերը բացուել և նա պատմեց: Փարիսեցիներից մի քանիսն ասացին. «Այն մարդը Սոտուծանից չէ, որովհետեւ շաբաթը չէ պահում»: Իսկ միւսներն ասում էին. «Մի մեղաւոր մարդ ինչպէս կարող է այդպիսի նշաններ անել»: Ներկայ եղողները կուսակցութեան բաժանուեցան: Նրանք դարձեալ ասացին կոյրին. «Փու ինչ կասես նրա մասին, որ աշքերդ բաց արաւ»: Նա պատասխանեց և ասաց. «Մարգարէ է նա»:

Հրէաները չէին հաւատում, թէ նա կոյր է եղել և բժշկուել է, ուստի նրա ծնողներին կանչեցին և հարցրին. «Սա է ձեր որդին, որի համար ասում էիք, թէ կոյր ծնուեց, համայ ինչպէս է որ հիմա տեսնում է»: Ծնողները պատասխանեցին. «Այս, սա մեր որդին է, նա կոյր ծնուեց, բայց թէ հիմա ինչպէս է որ տեսնում է, չգիտենք, ինքը չափահաս է,

իրան հարցըք»։ Ծնողներն այսպէս խօսեցին. Նրանք վախենում էին հրէաներից, որովհետև վերջինները որոշել էին, եթէ մինը Յիսուսին Քրիստոս դաւանէ, ժողովրդանոցից գուրս կանեն:

Երկրորդ անգամ կանչեցին կոյր ծնած և բժշկուածին ու ասացին. «Աստծուն փառք տնւր, մենք գիտենք, որ այն մարդը մեղաւոր է»։ Նա պատասխանեց. «Թէ նա յանցաւոր է, այդ չգիտեմ ես, բայց այսքանը հաստատ գիտեմ, որ ես կոյր էի, իսկ այժմ տեսնում եմ»։ Պարձեալ հարցրին նրան. «Ի՞նչ արաւ նա քեզ, ինչպէս բացեց քո աշքերրա»։ Նա պատասխանեց. «Արդէն ձեզ ասացի, շլոեցիք. միթէ գուրք էլ էք կամենում նրան աշակերտ լինել»։ Այն ժամանակ նրանք հայնոցին և ասացին. «Դու ես նրա աշակերտը, իսկ մենք Մովսիսի աշակերտներն ենք. մենք գիտենք, որ Աստուած Մովսիսի հետ խօսեց, իսկ սրան չգիտենք, թէ նրտեղից է»։ Բժշկուածը պատասխանեց նրանց և ասաց. «Հէնց դա է զարմանալուն, որ գուք չէք իմանում, թէ նրտեղից է նա, որ իմ աշքերը բաց արաւ. Մենք գիտենք որ Աստուած մեղաւորներին չէ լսում, այլ եթէ մէկը աստուածապաշտ է և նրա կամքը կատարում է, նրան լսում է»։ Մինչև այսօր գեռ չէ լսուած, որ մինը կոյր ծնանի աշքերը բաց արած լինի, եթէ սա Աստուածանից չլինէր, ոչինչ չէր կարող անել»։ Այն ժամանակ պատասխանեցին. «Դու ինքդ մեղքի մէջն ես ծնուել և կամենում ես մեզ բան սովորացնել»։ Նրան գուրս արին:

Յիսուսն իմացաւ այս բանը. Երբ բժշկուածին տեսաւ, ասաց. «Դու հաւատում ես Աստուածու Որդուն»։ Նա պատասխանեց և ասաց. «Տէր, ով է նա, որ ես հաւատում նրան»։ Յիսուսը պատասխանեց. «Դու ինքդ նրան տեսար, քեզ հետ խօսողն էլ նա ինքն է»։ Կոյրը պատասխանեց. «Հաւատում եմ, Տէր» և երկրոպագեց նրան»։

«Երանեկի է այր, որ համբերիցէ փորձանաց, զի եթէ ընտիր շեւ գտանիցի, առցէ զպսակն կենաց»։ Թ. Յակ. ա. 12.

Երանեշլի է այն մարդը, որ փորձութեանը համբերում է, որովհետև եթէ փորձուելով ընտիր գուրս գայ, կենաց զպսակն կարծանանայ:

«Զի զոր սիրէ Տէր, իրատէ»։ Թ. ա. Երբ. ժա. 6.։

Աստուած ումբ որ սիրում է, խրատում է»։

«Ես եմ լոյս աշխարհի, որ գայ զինի իմ՝ ընդ խաւար մի՝ պնացէ, այլ ընկալցի լոյսը ես եմ, ով ինձ կհնառէ, խաւարի մէջ չի զնայ, այլ կենաց լոյսը կընդունէ»։

Աշխարհի լոյսը ես եմ, ով ինձ կհնառէ, խաւարի մէջ չի զնայ, այլ կենաց լոյսը կընդունէ»։

ԳԼ. ԼՀ.

ԱՅԳՈՒ ՄՃԱԿՆԵՐԻ ԱՌԱԿ

Երկնքի արքայութիւնը նման է մի տանուտէր մարդու, որ առաւատանց կանուխ գուրս եկաւ այգու համար մշակներ վարձելու. Մշակների հետ օրը մի դահեկանի խօսելով ուղարկեց իւր այդին։ Ժամը երեքի մօտ գուրս եկաւ, տեսաւ ուրիշ մշակներ, որոնք հրապարակում անգործ կանգնել էին և ասաց

Նրանց. «Թուք էլ գնացէք իմ այդին և ինչ որ արժան է, կտամ»։ Նրանք էլ գնացին։ Դարձեալ հրապարակ դուրս եկաւ ժամը վեցին և իննին ու նոյնպէս արաւ։ Ժամը տասն և մէկին մօտ դուրս գալիք ուրիշ մշակներ գտաւ պարապ կանգնած և ասաց. «Ինչու էք այստեղ ամբողջ օրը պարապ կանգնել»։ Ասացին նրան. «Որովհետեւ մեզ ոչ ոք չվարձեց»։ Այն ժամանակ ասաց. «Թուք էլ գնացէք իմ այդին և ինչ որ արժան է, կառնէք»։

Երեկոյեան այլու տէրը տան վերակացուին ասաց. «Մշակներին կանչիր և վարձ տնւր նրանց՝ յետիններիցն սկսած մինչև առաջինները»։ Ժամը տասն և մէկին եկողները մօտեցան և մի մի դահեկան ստացան։ Առաջին մշակներն էլ եկան և կարծում էին, թէ աւելի կստանան, բայց նրանք էլ մի դահեկան ընկունեցին։ Եւ երբ ստացան, տանտիրոջից տրտնջացին և ասացին. «Այդ յետինները մի ժամ գործեցին և դրանց էլ մեզ հետ հաւասար վարձատրեցիր, մենք ենք օրուայ տաքութիւնը և ծանրութիւնը քաշել»։ Նա էլ նրանցից մինին պատասխանեց և ասաց. «Ընկեր, չեմ զրկում քեզ, չէ որ դու ինձ հետ մի դահեկանով համաձայնեցար, քո վարձն առ և գնա, ես կամենում եմ որ այն յետինին էլ քեզ չափ տամ, կամ միթէ ես իշխանութիւն չունիմ իմ ստացուածքի հետ այնպէս վարուելու, ինչպէս իմ ցանկութիւնն է, ինչու ես նախանձում իմ առատաձեռնութեան վրայ»։

Այսպէս յետիններն առաջին կլինին, իսկ առաջինները՝ յետին։

«Այսպէս սղիցին յետինք առաջինք եւ առաջինք յետինք»։

ՔԼ. ԼԹ.

ՔԱՆՔԱՐՆԵՐԻ ԱՌԱԿ

Մի մարդ օտար երկիր էր գնում։ Կանչեց ծառաներին և իւր ունեցածը նրանց յանձնեց—մէկին հինգ քանքար տուաւ, միւսին՝ երկու, իսկ երրորդին՝ մի—իւրաքանչիւրին իւր կարողութեան համեմատ և շտապով հեռացաւ։

Հինգ քանքար ստացովը գործ դրաւ և երկու քանքար ևս շահեցրեց։ Իսկ մի քանքար ստացողը վնաց գետինը փորեց ու տիրոջ քանքարը թաքացրեց։

Մի քանի ժամանակից յետոյ վերադարձաւ ծառաների տէրը և նրանցից հաշիւ պահանջեց։ Հինգ քանքար ստացովը յառաջ եկաւ և հինգ նոր քանքար ևս տիրոջը տալով ասաց. «Տէր, դու ինձ հինգ քանքար տուիր, ահա հինգ ուրիշ քանքար ևս աշխատել եմ դրանով»։ Տէրն ասաց նրան. «Ճամտ լաւ, քարի և հաւատարիմ ծառայ, որովհետեւ քիչ քանի մէջ հաւատարիմ գտնուեցար, շատ բաների վրայ կառավարիչ կնշանակեմ քեզ—նկ, մասնակից եղիր

բո տիրոջ ուրախութեանը»; Մօտ եկաւ երկու քանդար ստացողն և ասաց. «Ինձ երկու քանդար տուիր, տէր, ահա ուրիշ երկուսն ևս շահել եմ դրանով»: Տէրն ասաց նրան. «Ճան լաւ, բարի և հաւատարիմ ծառայ, որովհետև գու քիչ բանի մէջ հաւատարիմ դտնուեցար, շատ բաների վրայ կառավարիշ կնշանակեմ—եկ, մասնակից եղիր քո տիրոջ ուրախութեանը»:

Մօտ եկաւ մի քանդար ստացողն և ասաց. «Տէր, ես զիտէի, որ գու խիստ մարդ ես, հնձում ես այնտեղից, ուր չես ցանել և հաւաքում ես, ուր չես փռել, ուստի վախեցայ քեզնից, գնացի և քո քանդարը գետնի մէջ թաքացրի—ահա քեզ քո տուածը». «Չար և վատ ծառայ, երբ գու զիտէիր, որ ես հնձում եմ այնտեղից, ուր չեմ ցանել և հաւաքում, ուր չեմ փռել, ինչու չյանձնեցիր իմ արծաթը սեղանաւորներին, որ ես այժմ տոկոսով ստանայի նրանցից: Ուրեմն առէք դրանից այդ քանդարը և տուէք տասն քանդար ունեցողին, իսկ այս անպիտան ծառային հանէք գրսի խաւարը, այնտեղ կլինի լացը և ատամների կրծտելը»:

«Արդ ինդիք է ի մէջ հազարապետաց, եթէ ոք հաւատարիմ դացիր»: I. Թ. ա. Կընթ. գ. 2.

Տնտեսների մէջ այն է պահանջում, որ մինը հաւատարիմ դտնուի:

«Մեծատուն եւ աղքատ միմեանց պատահեցին, երկոցունց այցելութիւն առնէ Տէր», Առակք. Սոդ. իր. 2.

Հարուսալը և աղքատը՝ երկուսը ևս միասին պիտի ապրեն, այդ Աստուծու կամքովն է:

ԱՆԻՐԱՒ ԴԱՏԱԿՈՐԻ ԱՌԱԿԵ

Ցիսուսը մի առակ ասաց այն բանի մասին, թէ միշտ պէտք աղօթել և չձանձրանալ:—Մի գատաւոր կար մի քաղաքում: Նա Աստուածանից չէր վախենում և մարդկացից չէր ամաչում: Այն քաղաքումը մի որեւէրի էլ կար, որ նրա մօտ շատ անգամ էր գալիս և ասում. «Ազատիր ինձ իմ հակառակորդի ձեռից—մի ճանապարհ ցոյց տուր, որ նրանից կարողանամ ազատուել»: Դատաւորն առժամանակ ուշադրութիւն չդարձրեց նրա խնդրին, բայց յետոյ մտքումն ասաց. «Թէկ Աստուածանից չեմ վախենում և մարդկանցից չեմ ամաչում, բայց որովհետև այս որբեայրին ինձ ձանձրացնում է, ուստի նրա ինդիքը կլսեմ, որպէսզի միւս անգամ չգայ և անհանգիստ չանէ ինձ»:

Այն ժամանակ Ցիսուսն ասաց. «Լաւ լսեցէք անիրաւ զատաւորին—եթէ նա իրան գիմող որբեայրու խնդիրը կատարեց, միթէ Աստուած իւր սիրելիների խնդիրը չի կատարի, որոնք գիշեր ցերեկ աղաղակում են գէպի նա: Ես ձեզ ասում եմ, որ Աստուած նրանց խնդիրն անշուշտ կլսէ»:

ԳԼ. Խ.

ՄԵԾԱՏԱՆ ԵՒ ԱՂՔԱՏ ԴԱԶԱՐՈՍԻ ԱՌԱԿԵ

Հարուսատի մէկը հազնում էր ծիրանի և բենեղ և ամենայն օր վառաւոր կեանք էր վարում: Մի աղքատ մարդ էլ կար՝ Ղազարոս անունով, որ հարստի դռանն էր ընկած, վէլքերով լիքը և կերակրում

Էր նրա սեղանից թափուած փշրանքներով։ Ծները գալիս էին և նրա վերքերը լիզում էին։

Աղքատը մեռաւ։ Հրեշտակները տարան նրան Արքահամի գողը։ Հարուստն էլ մեռաւ ու թաղուեց։ Երբ սա դժոխում տանջանքների մէջ աչքերը բաց արաւ և հեռուից տեսաւ Ղազարոսին Արքահամի գողում նստած, աղաղակեց ու ասաց. «Հայր Արքահամ, ողորմիր ինձ, ուղարկիր Ղազարոսին, որ մատի ծայրը ջրով թաց անէ ու պապակած լեզուս հովացնէ, որովհետև այս կրակի բոցի մէջ տանջլում եմ»։ Արքահամը պատասխանեց և ասաց. «Յիշիր, որդեակ, որ զու քո կենդանութեան ժամանակ վայելում էիր բոլոր երկրային բարութիւնները, իսկ Ղազարոսը շարշարում էր. այժմ նա այստեղ միսիթարում է, իսկ զու տանջլում ես։ Բացի դրանից՝ մեր և ձեր մէջ մեծ անդունդ կայ, այնպէս որ՝ ոչ մեր մօտից ձեր մօտ կարելի է անցնել և ոչ ձեր մօտից մեզ մօտ գալ»։

Հարուստն ասաց. «Աղաչում եմ, հայր, ուղարկիր Ղազարոսին մեր տուն, ես ուրիշ հինգ եղբայր և ունիմ, թնդ գնայ նրանց զգուշացնէ, որպէսզի նրանք էլ չգան այս տանջանքի տեղը»։ Արքահամը պատասխանեց. «Նրանք ունին Մովսէս և մարգարէներ, թնդ նրանց լոեն»։ Հարուստը պատասխանեց. «Ոչ, հայր Արքահամ, եթէ մեռելներից մինը երթայ, նրանք անպատճառ կապաշխարեն»։ Արքահամը կըրկնեց. «Երբ Մովսէսին և մարգարէներին չեն լսում,

եթէ մեռելներից մինը յարութիւն առնէ և նրանց մօտ գնայ, գարձեալ չեն հաւատայ»։

«Երանի սգաւորաց, զի նորա միսիթարեսցին» Մտթ. ե. 4
Երանի՛ սգաւորներին, որովհետեւ նրանք պէտք է միսիթարուեն։
«Մի՛ խարիք, Աստուած ոչ արհամարհի, զի զօր ինչ սէրմանէ ամրգ, զնոյն եւ հնձեսցէ, որ սերմանէ ի մարմին իւր. ի մարմնոյ անտի հնձեսցէ պապականութիւն, եւ որ սերմանէ ի հոգին, ի հոգուց անտի հնձեսցէ զիեանս յաւիտենից»։ Թ. ա. Գաղ. գ. 7. 8.

Մի՛ խարիք ինքներդ ձեզ. մի՛ կարծէք թէ Աստուած թոյլ կը. տայ իւր պատուիրաններն արհամարհել, որովհետեւ մարզս ինչ որ սերմանէ, նոյնն էլ կհնձէ։ Ող իւր մարմին մէջն է ցանում, մարմնիցն էլ պապականութիւն կհնձէ, իսկ ով հոգու մէջ կսերմանէ, հոգուցն էլ յաւիտենական կեանք կհնձէ։

Գլ. ԽԱ.

ՏԱՍՆ ԿՈՅՍՍԵՐԻ ԱՌԱԿԵ

Տասն կոյսեր իրանց լապտերները վեր առան և գնացին փեսային դիմաւորելու։ Նրանցից հինգը յիմար էին, իսկ հինքն իմաստուն։ Յիմարներն իրանց լապտերները հետերը տարան, բայց մոռացան ձէթ վերցնել, իսկ իմաստունները լապտերների հետ ձէթ ևս վեր առան։ Փեսան ուշացաւ—ամենքի քունը տարաւ։

Քէս գիշերին աղաղակ բարձրացաւ—ահա փեսան գալիս է, գնւրս եկէք նրան դիմաւորելու։ Բոլոր կոյսերը վերկացան և լապտերները պատրաստեցին։ Յիմարներն ասացին իմաստուններին. «Զեր ձէթիցը

մեղ էլ տուէք, որովհետեւ մեր լապտերները հանգչում են»։ Իմաստունները պատասխանեցին և ասացին։ «Մի գուցէ մեղ և ձեզ բաւական շինի, աւելի լաւ է ծախսողների մօտ գնացէք և գնեցէք ձեզ համար։

Եւ երբ նրանք ձէթ գնելու գնացին, փեսան եկաւ և պատրաստները նրա հետ հարսանիք մտան և դուռը փակուեց։ Յետոյ միւս կոյսերն էլ եկան և ասացին։ «Տէր, տէր, բաց մեղ»։ Փեսան պատասխանեց և ասաց. «Ճշմարիտն եմ ասում, որ ես ձեզ շեմ ճանաշում»։

Ուրեմն արթուն կացէք, որովհետեւ շգիտէք, թէ մարդու Որդին որ որ և որ ժամին կպայ»։

«Արթուն կացէք եւ աղօթս արարէք, զի մի՛ անկանիցիք և փորձութիւն»։ Մաթ. իգ. 41.

Արթուն մնացէք և աղօթք արէք, որ փորձութեան մէջ չընկնէք»։

ԳԼ. ԽԲ.

ՎԵՐՁԻՆ ԴԱՏԱՍԱՆ

Երբ մարդու Որդին իրան փառքովը կպայ ու բոլոր հրեշտակները նրա հետ, այն ժամանակ կնստի փառաց աթոռի վրայ։ Յետոյ բոլոր ազգերը կժողովուին նրա առաջ և նա կզոկէ միմեանցից, ինչպէս հովիւը զոկում է ոչխարներին այծերից։ Ոչխարները կկանգնացնէ իւր աջ կողմը, իսկ այծերը՝ ձախ։

Այն ժամանակ թագաւորը կասէ աջ կողմը

կանգնողներին։ «Եկէք իմ հօր օրհնուածներ, ժառանգեցէք այն արքայութիւնը, որ աշխարհի սկըզբիցը պատրաստուած է ձեղ համար, որովհետեւ սոված էի՛ կերակրեցիք ինձ. ծարաւ էի՛ խմացրիք. օտար էի՛ ձեր տուն ընդունեցիք. մերկ էի՛ հազցրիք. հիւանդ էի՛ խնամեցիք. բանտումն էի՛ տեսութեան եկաք»։ Այն ժամանակ արդարները կպատասխանեն և կասին։ «Մենք քեզ երբ սոված տեսանք և կերակրեցինք, կամ ծարաւ և խմացրինք. երբ տեսանք քեզ հիւանդ կամ բանտի մէջ ու տեսութեան եկանք»։ Ճշմարիտն եմ ասում ձեղ, ինչ որ իմ փոքր եղբայրներից մինին արիք, ինձ արիք»։

Յետոյ կասէ ձախ կողմում կանգնածներին։ «Հեռացէք ինձանից, անիծածներ, դէպի յաւիտենական կրակը, որ պատրաստուած է սատանայի և նրա հրեշտակների համար, որովհետեւ սոված էի չկերակրեցիք. ծարաւ էի՛ չխմացրիք. օտար էի՛ ձեր տուն ընդունեցիք. մերկ էի՛ չհազցրիք. հիւանդ և բանտումն էի, չայցելեցիք»։ Նրանք էլ կպատասխանեն ու կասին։ «Տէր, քեզ երբ տեսանք սոված, կամ ծարաւ, կամ օտար, կամ մերկ, կամ հիւանդ, կամ բանտի մէջ և ծառայեցինք»։ Այն ժամանակ պատասխան կտայ և կասէ նրանց. «Ճշմարիտն եմ ասում ձեղ, ինչ որ իմ փոքրիկ եղբայրներից մինին շարիք, ինձ չարիք»։

Մեղաւորները կզնան գէպի յաւիտենական տանհանքը, իսկ արդարները գէպի յաւիտենական կեանքը.

«Թշ ամենայն որ տոէ ցիս Տէր, Տէր, մացէյաբայութիւն երկնից, ոյլ որ առնէ զկամս չօր իմոյ, որ յերկինս է»: Մաթ. է. 21. Երկնքի արքայութիւն նրանք կզնան, որոնք իմ երկնաւոր չօր կամքը կկատարեն և ոչ նրանք, որոնք ինձ տէր, տէր կկանչեն:

ԳԼ. ԽԳ.

ԼԵՐԱՆ ՔԱՐՈՉԸ ԵՒ ԻՆՍԸ ԵՐԱՆՈՒԹԻՒՆՆԵՐԸ

Յիսուսի ետեից մեծ բազմութիւն էր զնում: Փրկիչը ժողովրդի բազմութիւնը տեսնելուն պէս լետոը բարձրացաւ և երբ այնտեղ նստաւ, աշակերտները մօտ եկան: Այն ժամանակ Յիսուսը բաց արաւ բերանը, ուսուցանում էր և ասում.

Ա. «Երանի հոգւով աղքատներին, որովհետե երկնքի թագաւորութիւնը նրանցն է. երանի սգաւորներին, որովհետե նրանք պէտք է միխթարուեն. երանի հեղահոգիներին, որովհետե երկիրս նրանք պէտք է ժառանգեն. երանի նրանց՝ ովքեր արդարութեան համար սոված և ծարաւ են, որովհետե նրանք պէտք է կշուանան. երանի ողորմածներին, որովհետե նրանք պէտք է ողորմութիւն գտնեն. երանի նրանց՝ ովքեր սրտով սուրբ են, որովհետե նրանք պէտք է Աստուծուն տեսնեն. երանի խաղաղութիւն անողներին, որովհետե Աստուծու որդիք պիտի կոչուեն»:

Բ. «Զկարծէք թէ ես եկել եմ օրէնքը կամ մարդարէութիւնը քանդելու. ես չեմ եկել քանդելու՝ այլ լրացնելու: Բայց ասում եմ ձեզ, եթէ ձեր արդարութիւնը դպիրների և փարխսեցիների արդարութիւնից աւելի շինի, չէք կարող երկնքի արքայութիւնը մտնել»:

«Ասեցէք, առաջի մարդկանց ասուեց, թէ սուտ մի երգուիր, այլ Աստուծուն տուած երգումդ կատարիր: Բայց ես ասում եմ ձեզ՝ բնաւ մի երգուէք ոչ երկնքի անունով, որ Աստուծու աթուն է. ոչ երկրիս անունով, որ նրա պատուանդանն է. ոչ երուսաղէմի անունով, որ մեծ թագաւորի քաղաքն է: Զեր խօսքը թոնի լինի—այոն՝ այն և ոչը՝ ոչ—սրանից աւելն չարիցն է»:

«Դուք լսել էք, որ ասուեց, թէ աշքի տեղ աշք և ատամի տեղ ատամ: Բայց ես ասում եմ ձեզ՝ շարին հակառակ մի կենաք, այլ՝ եթէ մինը քո աջ ծնօտին ապտակէ, շուռ տուր միւսն էլ և եթէ մինը կամենայ կոիւ անել և քո շապիկն առնել, այդպիսի մարդուն վերարկուգ էլ տուր»:

Դուք լսել էք, որ ասուեց, թէ քո ընկերին պէտքէ սիրես, իսկ թշնամուն՝ ատես: Բայց ես ասում եմ ձեզ.—սիրեցէք ձեր թշնամիներին. օրհնեցէք ձեզ անիծողներին. բարի արէք ձեզ ատողներին և աղօթք արէք նրանց համար, որոնք ձեզ շարշարում և հալածում են, որպէսզի կարող լինիք ձեր երկնաւոր չօր որդիք լինել, որի արեգակը ծագում է և չար երարի

մարդկանց վրայ և անձրեւ է թափում թէ արդար-ների և թէ մեղաւորների վրայ։ Եթէ գուք սիրէք միայն նրանց, որոնք ձեզ են սիրում, ի՞նչ վարձ պիտի ստանաք, չէ որ մաքսաւորներն էլ նոյնն են անում։ Եթէ որ միայն ձեր բարեկամններին ողջունէք, ի՞նչ տւելի բան արած կլինէք, չէ որ մաքսաւորները և մեղաւորներն էլ նոյնն են անում։ Ուրեմն եղէք կատարեալ, ինչպէս ձեր երկնաւոր Հայրը կատարեալ է»։

Գ. «Զգնյշ կացէք ձեր տալիք ողորմութեան մասին, որ մարդկանց առաջ շանէք՝ ցոյց տալու համար, մի գուցէ վարձ շատարաք ձեր երկնաւոր հօրիցը։ Երբ որ գու ուզենաս ողորմութիւն տալ, փող փշել մի տար քո առաջը, ինչպէս կեղծաւորներն են անում ժողովրդանոցներումը և հրապարակներումը՝ մարդկանցից փառաւորուելու համար։ Ճշմարիտն եմ ասում ձեզ որ նրանց վարձը հէնց այդ է։ Բայց երբ գու ողորմութիւն տաս, թնդ քո աջ ձեռը շիմանայ, թէ ձախն ինչ գործեց, թնդ քո ողորմութիւնը ծածուկ լինի և քո հայրը, որ ծածուկն էլ տեսնում է, յայտնի կհատուցանէ քեզ»։

«Երբ գու աղօթես, կեղծաւորների նման մի վարուիր, որոնք սիրում են ժողովրդանոցներումը և հրապարակներումը կանգնել և աղօթել, որպէսզի մարդիկ նրանց գործը տեսնեն։ Ճշմարիտն եմ ասում, որ նրանց վարձը հէնց այդ է։ Բայց գու, երբ աղօթք անես, մտիր քո սենեակը. դռները փակիր և ծածուկ աղօթիր քո չօրը, և քո չայրը, որ ծածուկն էլ տես-

նում է, յայտնի կհատուցանէ քեզ։ Ինչ ժամանակ գու աղօթք անես, շատ մի խօսիր հեթանոսների նման, որոնք կարծում են, եթէ շատ խօսեն, Աստուած կլսէ։ Ուրեմն գուք այսպէս աղօթք կանէք մեր հայր, որ երկնքումն ես, քո անունը սուրբ լինի. քո թագաւորութիւնը գայ. քո կամքը լինի՝ ինչպէս երկնքումը, այնպէս էլ երկրիս վրայ. մեր ամենօրեայ հացը այսօր տուր մեզ. մեր պարտքը թնդ մեզ, ինչպէս որ մենք էլ մեր պարտապաններին ենք թողնում. մի ձգիր մեզ փորձանքի մէջ, այլ չարիցն ազատիր, որովհետեւ թագաւորութիւնը զօրութիւնը և փառքը քոնն է՝ յաւիտեանս ամեն»։

«Երբ գուք պաս պահէք կեղծաւորների նման մի տրտմէք, որոնք իրանց տխուր դէմքովը կամենում են ցոյց տալ մարդկանց, թէ պահում են։ Ճշմարիտն եմ ասում ձեզ, հէնց այդ է նրանց վարձը։ Բայց երբ գու պահես, օծիր գլուխդ իւղավ, լուա երեսդ և քո չայրը, որ ծածուկը տեսնում է, յայտնի կհատուցանէ քեզ»։

Գ. «Երկրիս վրայ ձեզ համար գանձ մի հաւաքէք, ուր ցէցն ու ուտիճն ապականում են և ուր գողերը գետնի տակը փորում են և գողանում։ Զեր գանձերը երկնքումը հաւաքեցէք, ուր ոչ ցէց կայ, ոչ ուտիճ և ոչ գողերը գետնի տակը կփորեն և կդողանան։ Որովհետեւ ուր ձեր գանձերն են հաւաքուած, այնտեղ էլ ձեր սիրտը կլինի»։

«Ոչ ոք չի կարող երկու տիրոջ ծառայել—կամ

մինին կատէ, միւսին կսիրէ և կամ մինին կպատուէ, միւսին կարհամարհէ: Դուք չէք կարող Աստուծուն և մամոնային ծառայելո»:

«Դրա համար էլ ասում եմ, ձեր հոգու համար հոգ մի անէք, թէ ինչ պէտք է ուտէք կամ ինչ պիտի հագնէք: Զէ որ ոգին կերակրից և մարմինը շորիցը բարձր է: Մալիք արէք երկնքի թռչուններին՝ ոչ վարսում են, ոչ հնձում և ոչ ամբարներումը ժողովում, բայց ձեր երկնաւոր չայրը կերակրում է նրանց. չէ որ զուք նրանցից տեկի էք: Ձեզնից որը հիմա հոգս աներով իւր հասակի վրայ մի կանկուն կարող է աւելացնել: Եւ ինչու էք զուք հոգս անում շորերի համար, մտիկ արէք վայրի շուշանին, թէ ինչպէս է աճում ոչ աշխատում է և ոչ մանում է: Սողոմոնն անգամ իւր բոլոր փառքերի մէջ նրանց մինի նման չհագաւ: Եթէ վայրի խոտը, որ այսօր կայ և վաղը կրակը պիտի ձգուի, Աստուած այնպէս է հագցնում, հապա որդքան աւելի ձեղ համար կհոգայ, թերահաւատաներ: Մը համար էլ հոգ մի անէք, թէ ինչ ուտենք, ինչ հագնենք: Այդ տեսակ բաները հեթանոսներն են խնդրում, որովհետեւ ձեր երկնաւոր չայրը գիտէ այն ամենը, ինչ որ ձեղ հարկաւոր է: Դուք խնդրեցէք նախ՝ Աստուծու արքայութիւնը և նրա արդարութիւնը, իսկ մնացածն առանց խնդրելու կստանաք»:

Ե. «Մի դատէք ուրիշներին, որ նրանք էլ ձեղ չդատեն, որովհետեւ ինչ դատաստանով ուրիշին դա-

տէք, նրանով էլ պիտի դատուիք. Ինչ շափով որ շափէք, նրանով էլ կշափուիք: Ի՞նչու եղբօրդ աշքի շիւղը տեսնում ես իսկ քո աշքի գերանը՝ ոչ: Կամ ինչպէս ես ասում եղբօրդ, թո՞ւ քո աշքի շիւղը հանեմ, այն ինչ քո աշքումը գերան կայ: Կեղծաւոր, առաջ քո աշքի գերանը հանիր և յետոյ նայիր եղբօրդ աշքի շիւղը հանելու»:

Խնդրեցէք՝ կստանաք. ազաշեցէք կգտնէք. ծեծեցէք զուռը՝ բաց կանեն: Ո՞վ է այն մարդը, որից իւր որդին հաց խնդրէ, միթէ քար կտայ, կամ ձուկն ուզէ, միթէ օձ կտայ նրան: Ուրեմն զուք որ չար էք, գիտէք ձեր որդիներին բարի պարզեներ տալ, հապա որդքան աւելի ձեր հայրը, որ երկնքումն է, բարի բաներ կտայնրանց, որոնք խնդրում են իրանից»:

«Այն ամենը՝ ինչ որ կամենում էք, որ մարդիկըն անեն ձեզ, այնպէս էլ զուք արէք նրանց—իսկ սու է օրէնքը և մարգարէքը»:

«Նեղ զունովը ներս մտէք, որովհետեւ լայն զուռը և ընդարձակ ճանապարհն է, որ զէպի կորուստ է տանում, դրա համար էլ այդ ճանապարհով գնացողների թիւը շատ է: Դրա հակառակ նեղ է այն զուռը և ճանապարհը, որ զէպի կեանք է տանում և քշելն են նրան զտնում»:

«Զգոյշ եղէք սուստ մարգարէներիցը, որոնք ոչ խարի շորերով ձեզ մօտ են գալիս, իսկ ներսից յափշտակով գայլեր են: Իրանց պտղիցը պիտի ճանաշենք նրանց—միթէ կարելի է որ փշիցը խաղող

քաղեն, կամ տատասկիցը՝ թուղ։ Այսպէս ամենայն բարի ծառ բարի պտուղ է բերում, իսկ չար ծառը չար պտուղ է բերում։ Ուրիմն իրանց պտղիցը ճանաշեցէք նրանց։ Ամեն մարդ, որ ինձ կանչում է՝ տէր, տէր, երկնքի արքայութիւն չի մտնի, այլ նաև միայն, որ կատարում է երկնաւոր չօրս կամքը»։

Զ. «Դրա համար էլ նա՝ ով իմ խօսքերը լսում է կատարում է, նման է այն իմաստուն մարդուն, որ իւր տունը քարի վրայ շինեց։ Եկան անձրեները. վարարեցին գետերը. փշեցին քամիները. խփեցին տանը, և տունը չկործանուեց, որովհետեւ քարի վըրայ էր հաստատուած։ Իսկ նա՝ ով իմ խօսքերը լըսում է, բայց չէ կատարում, նման է անխելք մարդուն, որ իւր տունը աւազի վրայ շինեց։ Եկան անձրեները. վարարեցին գետերը. փշեցին քամիները. խփեցին տանը, և տունը ընկաւ—նրա կործանումը մեծ էր»։

Երբ Յիսուսն այս բոլորը վերջացրեց, ժողովուրդը զարմացաւ նրա վարդապետութեան վրայ, որովհետեւ նա իշխանութիւն ունեցողի նման էր ուսուցանում և ոչ թէ ինչպէս դպիրները։

«Ձայն խորհեսցի իւրաքանչիւր ոք ի ձենջ, որ եւ ի Քրիստոս Յիսուս, Թ. ա. Փիլ. բ. 5.

Զեղանից ամեն մինը թող այն մտածէ, ինչ որ Յիսուս Քրիստոսն էր խորհում։

«Ես եմ ճանապարհ, ճշմարտութիւն եւ կեանք, ոչ ոք գայ ևսու չայր. եթէ ոչ ինեւս։ Ցովհ. ժկ. 6.

Ես եմ ճանապարհը, ճշմարտութիւնը և կեանք, ոչ ոք չէ դալիս չօր մօտ, եթէ ոչ ինձանով։

Գլ. ԽԴ.

ՅԻՍՈՒՍԻ ԽՕՍԱԿՑՈՒԹԻՒՆԸ ՀՈՒԱՑՄԱՆ, ԿԵՐԱԿՐԻ, ՊԱՀՔԻ ԵՒ ՃԱԲԱԹԸ ՄՐԲԵԼՈՒ ՄԱՍԻՆ

Ա. Երուսաղէմից եկած դպիրները և փարիսեցիները Յիսուսի մօտ եկան և ասացին. «Ի՞նչու քո աշակերտները ծերերի աւանդութիւնիցն անցնում են—լինչու հաց ուտելիս ձեռները չեն լուանում»։ Նա էլ պատասխան տուաւ նրանց և ասաց. «Կեղծաւորներ, եսայի մարդարէն շատ լաւ է մարդարէացել ձեզ վրայ—այս ժողովուրդը շրթունքով է պատումինձ, իսկ սրտով ինձնից հեռացել է։ Զուր տեղն են պաշտում ինձ. վարդապետութիւններ են սովորցնում, որոնք մարդկանց պատուէրներ են»։ Նա կանչեց ժողովրդին իւր մօտ և ասաց. «Լսեցէք և իմացէք, ոչ թէ այն է պղծում մարդուս, ինչ որ բերանն է մտնում, այլ այն՝ ինչ որ բերանիցն է դուրս դալիս, որովհետեւ ինչ որ բերանիցն է դուրս գալիս, սրտիցն է, ահա այն է պղծում մարդուս։ Մրտիցն են դուրս գալիս շար խորհուրդներ, սպանութիւններ, չուռթիւններ, գողութիւններ, սուտ վկայութիւններ։ Ահա սրանք են մարդուն պղծողը, իսկ անլուայ ձեռքով ուտելը մարդուս չէ պղծում»։

Մի վարիսեցի աղաշում էր Յիսուսին, որ իւր մօտ ճաշ ուտէ։ Յիսուսը շմերժեց նրա խնդիրը՝

գնաց և սեղան նստեց: Փարիսեցին տեսնելով, որ ճաշիցն առաջ շլուացուեց, զարմացաւ: Յիսուսն ասաց.
«Դուք փարիսեցիներդ բաժակի և պնակի դրսի կողմը սրբում էք, այն ինչ ձեր ներքինը լիքն է յափշտակութիւնով և չարութիւնով: Անմիտներ, կարծում էք՝ ինչ որ դրսիցը մաքուր է, ներսիցն էլ մաքուր կլինի»: Երբ Յիսուսն այս բաներն ասում էր նրանց, դպիրները և փարիսեցիներն սկսեցին բարկանալ, յարձակում էին նրա վրայ զանազան հարցերով, որպէսզի բերանիցը մի խօսք խիսն և ամբաստանեն:

Բ. Յովհաննէսի աշակերտները Յիսուսի մօտ եկան և ասացին. «Ի՞նչու մենք և փարիսեցիները յաճախ ենք ծոմ պահում, իսկ քո աշակերտները՝ ոչ»: Յիսուսը պատասխանեց նրանց. միթէ կարող են հարսանքաւորները սուդ առնել, քանի որ փեսան նրանց մօտն է: Բայց կզան օրեր, երբ փեսան նրանցից կհեռանայ, այն ժամանակ կպահեն: Նոր գինին հին տկերի մէջ չեն ածի, ապա թէ ոչ տկերը կը պատառուին և զինին կթափուի, այլ նոր գինին նոր տկերի մէջ կածեն, այն ժամանակ երկուսն էլ միմեանց կպահեն:»

Գ. Մի անգամ Յիսուսն անցնում էր արտերի միջով, աշակերտները սովեցան, սկսեցին հասկ պոկել և ուտել: Երբ փարիսեցիներն այս բաները տեսան, ասացին. «Ահա քո աշակերտներն այն են անում, ինչ որ արժան չէ շաբաթ օրն անել»: Նա պատաս-

խանեց նրանց և ասաց. «Դուք չէք կարդացել, թէ ինչ արաւ դաւիթը, երբ սովից. ինչպէս մտաւ նա Աստուծու տունը և առաջաւորութեան հացը կերաւ, որ ոչ որ իրաւունք չունէր ուտելու՝ բացի քահանաներից: Կամ չէք կարդացել օրէնքումը, որ քահանաները շաբաթ օրերում տաճարի մէջ շաբաթը պլղծում են և անմեղ են համարւում: Բայց ասում եմ ձեզ, տաճարիցն էլ միծ է այստեղ: Մարդու Որդին նաև շաբաթի տէրն է:»

Յիսուսը հեռացաւ այնտեղից և գնաց նրանց ժողովրդանոցը: Այնտեղ մի մարդ կար, որի ձեռը շորացած էր: Յիսուսին հարցրին. «Արդեօք շաբաթ օրը կարելի է բժշկել»: Այս նրա համար ասացին, որ նրանից մի պատասխան ստանան և սկսեն շարախուել: Նա պատասխանեց և ասաց. «Ո՞վ է ձեզնից այն մարդը, որ եթէ մի ոչխար ունենայ, շաբաթ օրը փոսի մէջ ընկնի, միթէ նրան չի բռնի և փոսիցը չի հանի: Բայց մարդը ոչխարից նրան բարձր է, ապա ուրեմն շաբաթ օրն արժան է բարի գործել»: Դարձաւ այն մարդուն և ասաց. «Զեռդ մեկնիր»: Նա մեկնեց և ձեռը ողջացաւ միւսի նման: Փարիսեցիները դուրս գնացին և խորհուրդ էին անում, թէ ինչպէս նրան կորցնեն:

«Մարդ հայի յերեսս և Աստուծ հայի ի սիրտ»: I. Թագ. ժ. 7
«Գիրն սպանանէ, այլ հոգին կեցուցան է»: II. Թ. ա. Կընթ. գ. 6.
«Դիրն սպանում է, իսկ հոգին կեցուցանում է»:

«Պարտ է ի շաբաթու բարիս գործել»: Մաթ. ժբ. 12.

Գլ. ԽԵ.

ՅԻՍՈՒՄ ԵԻ ՍԱՄՍՐԱՑԻ ԿԻՆԸ

Երբ Յիսուս չըէաստանից Գալիլիա էր դառնում, պէտք է որ Սամարիայի միջովն անցնէր: Նա եկաւ Սամարիայի Սիւքեար քաղաքը: Այստեղ էր Յակովի զրհորը: Յիսուսը դադրել էր, ուստի նստեց այդ զրհօրի վրայ: Մօտաւրապէս ժամը վեցն էր: Ահա այդ միջողին Սամարիա քաղաքից մի կին եկաւ զուր հանելու: Յիսուսն ասաց նրան. «Զուր տնւր ինձ, որ խմեմ»: Նրա աշակերտները քաղաք էին գնացել կերակուր գնելու: Սամարացի կինն ասաց Յիսուսին. «Դու որ հրէայ ես, ի՞նչպէս ես ի՞նձանից՝ սամարացի կնոջիցս զուր ուզում, որովհետև հրէաները չեն խառնում սամարացիների հետ»: Յիսուսը պատասխանեց նրան. «Եթէ դու զիտենայիր Աստուծու պարգևը և թէ ով է նա, որ քեզ ասում է տնւր ինձ խմել, դու նրանից կինդրէիր և նա կենդանի զուր կտար քեզ»: Կինն ասաց. «Տէր, դոյլ չունիս, այս զրհորն էլ խորի է, որտեղից կտաս կենդանի զուրը. միթէ դու մեծ ես մեր հայր Յակովից, որ այս հորը տուաւ մեզ. ինքն այստեղից խմեց, նոյնպէս նրա որդիքը և անասունները»: Յիսուս պատասխանեց. «Ով այս զրիցը խմում է, ծարաւանում է, իսկ ով իմ տուած զրիցը կխմէ՝ յափտեանս չի ծարաւի: Այն զուր, որ ես կտամ, Չի աղբիւր կլինի նրանում, որ յափտենական կեանքի մէջ կրոլսէ: Կինն ասաց նրան. «Տէր, տնւր ինձ այն

ջուրը, որպէսզի միւս անգամ չպամ այստեղ ջուր հանելու»:

Յիսուսն ասաց նրան. «Գնա, կանչիր քո մարդուն և եկ այստեղ»: Կինը պատասխանեց և ասաց. «Ես մարդ չունիմ»: Յիսուսն ասաց. «Ճշմարիտ պատցիր, թէ մարդ չունիմ, որովհետև գու հինգ մարդ ես ունեցել և նա, որ հիմա ունիս, քոնը չէ»: Կինն ասաց նրան. «Տէր, ես տեսնում եմ, որ գու մարգարէ ես, մեկնիր ինձ այս մութ կէտը—մեր հայրերն այս սարերում երկրպագութիւն արին, իսկ գուք՝ ասում էք, թէ երուաղէմում միայն կարելի է երկրպագութիւն տար»: Յիսուսն ասաց նրան. «Դուք երկրպագութիւնն էք անում նրան, որին չէք ճանաչում ենք, որին ճանաչում ենք, որովհետև փրկութիւնը հրէաներիցն է: Կին, հաւատաւած ինձ, որ ժամանակ կզայ, երբ ոչ այդ լեռներում կերկրպագանէք չօրը և ոչ էլ երուաղէմումը. կզայ ժամանակ և այդ ժամանակը հիմա է, որ ճշմարիտ երկրպագուները հոգւով և ճշմարտութիւնով կերկրպագանեն չօրը: Աստուած հոգի է և նրան երկրպաղոնները պէտք է հոգւով և ճշմարտութիւնով երկրպագանեն»: Կինն ասաց. «Գիտեմ որ Մեսիան պիտի գայ, որ Քրիստոս է կոչւում և երբ նա կզայ, ամեն բան կպատմէ մեզ»: Յիսուսն ասաց նրան. «Ես եմ այն, որ խօսում եմ քեզ հետ»:

Այս խօսքի վրայ եկան աշակերտները և զարմանում էին, որ կնոջ հետ խօսում էր: Կինը թողեց

իւր կուժը, զիաց քաղաք և մարդկանց ասաց. «Եկէք տեսէք մի մարդ, որ ինձ ասաց այն բռլորը, ինչ որ գործել եմ, արդիօք նա չէ Քրիստոսը»: Ճատ սամարացիներ դուրս գնացին քաղաքից տեսնելու նրան, որովհետև նրանք հաւատացին կնոջ խօսքին: Այն ժամանակ աշակերտները խնդրեցին Յիսուսին և ասացին, «Մարբի, հաց կեր»: Նա պատասխանեց. «Ես այնպիսի կերակուր ունիմ ուտելու, որ դուք չգիտէք»: Աշակերտներն ասում էին միմեանց. «Արգե՞ք ով սրա համար ուտելու բան բերաւ»: Յիսուսն ասաց. «Իմ կերակուրն այն է, որ իմ ուղարկողի կամքը կատարեմ»: Սամարացիներն եկան և աղաչեցին, որպէսզի մի քանիօր իրանց մօտ մնայ, և մնաց այնտեղ երկու օր: Այնտեղ շատերը հաւատացին նրան և այն կնոջն ասում էին. «Այլև քո խօսքերով չենք հաւատում, այժմ մենք ինքներս լսեցինք մեր ականջներով այդ բռլորը և գիտենք ճշմարտապէս, որ սա է աշխարհիս փրկիչը՝ Քրիստոսը»:

«Հոգի է Աստուած եւ երկրպագուացն նորա հոգով եւ ճըշ՝ «մարտութեամբ պարտ է երկրպագանել» Յովհ. գ. 24.

Աստուած հոգի է և նրան երկրպագողները պէտք է հոգով և ճըշմարտութիւնով երկրպագեն:

«Աստուած սէր է եւ որ զայ ի սէրն՝ բնակեալ է յԱստուած և Աստուած ի նմա բնակէ»: Ի. թ. Յովհ. գ. 16.

Աստուած սէր է և ով մնում է սիրոյ մէջ, Աստուածու մէջ է բնակւում և Աստուած նրա մէջ:

ՊԼ. ԽԶ.

Մ Ա Ր Ի Ա Մ Ե Կ Մ Ա Ր Թ Ա

Յիսուսը շրջելով եկաւ Բեթանիա գիւղը: Այնտեղ կենում էր մի կին՝ Մարթա անունով: Սա Յիսուսին իւր տուն ընդունեց: Մարթան մի քոյր ևս ունէր՝ անունը Մարիամ: Սա էլ տիրոջ մօտնստեց և լսում էր նրա խօսքերը: Մարթան, Յիսուսին պատուելու համար, մեծ պատրաստութեան մէջ էր:

Մարթան ասաց Յիսուսին. «Ճէր, հոգի չէ, որ քոյրս ինձ մենակ է թողել ծառայելու, ասա նրան, որ ինձ օգնէ»: Յիսուսը պատասխանեց նրան և ասաց. «Մարթա, Մարթա, դու շատ բաներով ես զբաղուած, բայց մի բան է պէտք. Մարիամը բարի մասն ընտրեց, որ ոչ ոք չի խիթ նրանից»:

Աղօթի՛ր և աշխատի՛ր:
«Բայց ասա սակաւ ինչ պիտոյ է»: Ղուկ. Ժ. 24.
Բայց մէկ բան է պէտք:

ՊԼ. ԽԵ.

Ղ Ա Զ Ա Ր Ո Ս Ի Յ Ա Ր Ո Ւ Թ Ի Ւ Ն Ը

Բեթանիայում մի հիւանդ կար՝ անունը Ղազարոս: Նրա քոյրերը՝ Մարիամն ու Մարթան՝ մարդուղարկեցին Յիսուսի մօտ ասելու. «Ճէր, նա՝ որին դու սիրում էիր, հիւանդ է»: Յիսուս երբ լսեց,

ասաց. «Այդ հիւանդութիւնը մեռնելու համար չէ, այլ Սստուծու փառքի համար, որպէսզի նրա որդին փառաւորուի»: Յիսուսը սիրում էր Մարթային, նրա քրոջը և Ղազարոսին: Երբ լսեց թէ նա հիւանդ է, երկու օր մնաց այնտեղ, ուր որ էր: Նրանից յետոյ ասաց աշակերտներին. «Եկէք գարձեալ գնանք Հրէատան, մեր բարեկամ Ղազարոսը քնեց, պէտք է գնամ, որ գարթեցնեմ նրան»: Աշակերտներն ասացին. «Տէր, թէ որ քնել է, կառողանայ»: Այն ժամանակ Յիսուսը պարզ կերպով ասաց. «Ղազարոսը մեռաւ. ես այնտեղ չեի, բայց ուրախ եմ ձեզ համար, որովհետեւ դուք պիտի հաւատաք ինձ: Գնանք նրա մօտ»:

Յիսուսը գարձաւ: Արդէն չորս օր էր՝ ինչ գիրեզմանի մէջ էին դրել: Հրէաներից շատերն եկել էին Մարիամի և Մարթայի մօտ՝ միմիթարելու համար: Երբ Մարթան լսեց, թէ Յիսուսը գալիս է, գնաց դիմաւորելու, իսկ Մարիամը տանը նստած էր: Մարթան ասաց Յիսուսին. «Տէր, եթէ այստեղ լինէիր, իմ եղբայրը չէր մեռնի: Բայց հաւատացած եմ, հիմա էլ ինչ որ Աստուածանից խնդրես, կտայ քեզ»: Յիսուսն ասաց նրան. «Քո եղբայրը յարութիւն կառնէ»: Մարթան ասաց. «Քիտեմ որ յարութիւն կառնէ վերջին յարութեան ժամանակ» Յիսուսը կրկնեց. «Ես իսկ եմ յարութիւնն ու կեանքը, ինձ հաւատացողը եթէ մեռնի էլ գարձեալ կապրի: Ով կենդանի է և ինձ հաւատում է, յաւիտեան չի մեռնի, հաւատում ես այս բանին»: Մարթան պատասխա-

նեց. «Այն, տէր, ես հաւատցել եմ, որ դու ես Քրիստոսն՝ Սստուծու որդին, որ պէտք է աշխարհ գայլիր»:

Եւ երբ այս ասաց, գնաց և թարուն կանչեց Մարիամին ասելով. «Վարդապետն եկել է և կանչում է քեզ»: Նա երբ այս խօսքերը լսեց, չուտով վերկացաւ և եկաւ նրա մօտ: Յիսուսը գեռ զիւղը չէր մտել: Այն հրէաները, որոնք տանն էին և նրանց մմիթարում էին, երբ տեսան, որ Մարիամը վերկացաւ և գնաց, իրանք էլ նրա ետերից գնացին, կարծելով թէ գերեզմանն է գնում լաց լինելու: Մարիամը երբ տեսաւ Յիսուսին ոտներն ընկաւ և ասաց. «Տէր, եթէ այստեղ լինէիր. իմ եղբայրը չէր մեռնի»: Երբ Յիսուս Մարիամին և նրա հետ եկած հրէաներին տեսաւ լաց լինելիս՝ սաստիկ յուզուեց և ասաց. «Ո՞ւր գրիք նրան»: Նրանք պատասխանեցին. «Տէր, եկ և տես»: Յիսուսն արտասուեց: Հրէաներն ասում էին. «Տեսէր ինչպէս էր սիրում նրան»: Ոմանք էլ ասում էին. «Միթէ սա, որ կոյրի աշքերը բաց արաւ, չէր կարող այնպէս անել, որ Ղազարոսը չմեռնէր»:

Յիսուսը գերեզմանի մօտ գնաց և ասաց. «Վեր առէք այդ քարը»: Մեռածի քոյր Մարթան ասաց. «Տէր, արդէն հոտ բռնած կլինի, որովհետեւ չորս օրուան է»: Յիսուսն ասաց. «Չասացի քեզ, եթէ հաւատաս, Աստուծու փառքը կտեսնես»: Փարը վեր առան: Յիսուսն աշքերը բարձրացրեց և ասաց. «Հայր գոհանում եմ քեղնից, որ ինձ լոեցիր: Ես գիտէի, որ ինձ

միշտ լսում ես, բայց այս շրջապատող ժողովրդի համար եմ անում, որ ինձ հաւատան, թէ գու ուզարկեցիր ինձ»։ Այս ասաց և բարձր ձայնով աղաղակեց։ «Ղաղարէ, արի, նկ արտաքս»։ Մեռելլը գուրս եկաւ ուսներն ու ձեռները պատահով կասպած, իսկ երեսը փարշամակով պատած։ Յիսուսն ասաց. «Արձակեցէք դրան և թողէք գնայ»։ Հրէաներից շատերը, որ Մարիամի մօտն էին եկել, տեսան ինչ որ Յիսուսն արաւ և հաւատացին նրան։

«Ես իոկ եմ յարութիւն եւ կեանք, որ հաւատայ յիս, թէպէտ «եւ մեռանի՝ կեցցէ»։ Եւ ամենայն որ կենդանի է եւ հաւատայ յիս, «մի՛ մեռցի ի յափառան»։ Յովհ. Ժ. 25.

«Զի ինձ կեանք Քրիստոս է, իսկ մեռանել շահ»։

III.

Գլ. ԽԸ.

Յ Ի Ս Ո Ւ Ս Ի Թ Ձ Ն Ա Մ Ի Ն Ե Ր Ը

Ա. Դպիրներից և փարիսեցիներից ոմանք Յիսուսի մօտ եկան և ասացին. «Վարդապետ, ուզում ենք նշան տեսնել քեզնից»։ Նա էլ պատասխան տուաւ և ասաց. «Չար և չնացող աղջը նշան է լինդրում, նրան ուրիշ նշան չի տրուիլ բացի Յովնան մարդարէի նշանից։ Նինուէացիները դատաստանի օրը վեր կիենան այս աղջի հետ և կդատապարտեն նրան, վասնզի նրանք Յովնանու քարոզութիւնովն ապաշ-

խարեցին, բայց այստեղ Յովնանից մեծը կայ։ Հարաւի թագուհին վեր կկենայ այս աղջի հետ դատաստանի օրը և կդատէ սրան, որովհետեւ նա երկրի ծայրերից եկաւ Սովորմոնի իմաստութիւնը լսելու և անա Սովորմոնիցն էլ մեծն է այստեղ»։

Բ. Յիսուսի մօտ մի կոյր և համը դիւահար բերին։ Յիսուսը բժշկեց նրան, այնպէս որ նա խօսում և տեսնում էր։ Բոլոր ժողովուրդը զարմացաւ և ասում էր. «Միթէ սա է Թաւթի որդին»։ Բայց փարիսեցիները, որոնք երուսալիմիցն էին եկել, ասացին. «Յա դեւերին հալածում է Բեեղզէքուզի՝ դեերի իշխանի ձեռքով»։ Յիսուսն իմանալով նրանց միտքն՝ առաց. «Ամենայն մի թագաւորութիւն, որ իր մէջ բաժանուած է չի մնայ և ուրեմն, եթէ սատանան սատանային հանում է, ասել թէ իւր մէջ բաժանուեց, էլ ինչպէս կանող է նրա թագաւորութիւնը գոյութիւն ունենալ։ Եւ եթէ ես Բեեղզէքուզի եմ հանում դեերին, հապա ձեր որդիքին ինչով են հանում, դրա համար նրանք կլինեն ձեր դատաւորները։ Բայց եթէ ես Աստուծու հոգուն եմ հանում դեերին, ուրեմն երկնքի արքայութիւնը ձեզ վրայ հասել է»։

Գ. Երբ Յիսուսը Գալիլիայումն էր, մի քանի փարիսեցիներ եկան նրա մօտ և ասացին. «Թուրս եկ և գնա այստեղից, որովհետեւ չերսգէսը կամենում է քեզ սպանել»։ Նա պատասխանեց և ասաց. «Գնացէք, ասացէք այն աղուէսին. ահա դեեր եմ հանում և բժշկութիւններ անում այսօր և վազը, իսկ երբորդ

օրն իմ մահը մօտեցած կլինի։ Սակայն այսօր կամ վաղը և միւս օրը պէտք է զնամ, որովհետեւ անկարիչն է, որ մարգարէն Երուսաղէմիցը դուրս մեռնի»։

Դ. Հրէաներից մի քանիսը փարիսեցիների մօտ գնացին և պատմեցին, թէ ինչպէս Յիսուսը Ղաղարոսին յարութիւն տուաւ։ Խոկոյն քահանայապետները և փարիսեցիները ժողով արին և ասացին. «Ի՞նչ անենք, այն մարդը շատ նշաններ է անում, եթէ այդպէս թոյլ տանք, ամենը կհաւատան դրան և հռովմայեցիները կդան ու կնուաճեն մեզ էլ, մեր երկրին էլ»։ Մինը նրանցից՝ Կայիափա անունով, որ այն տարուայ քահանայապետն էր, ասաց. «Դուք ոչինչ չգիտէք և հեռուն չէք էլ մտածում, աւելի լաւ է մի մարդ մեռնի ժողովրդի համար, քան թէ բոլոր ազգը կորչի»։ Բայց նա այս խօսքերն իրանից շասաց, այլ որովհետեւ այն տարուայ քահանայապետն էր, մարգարէացաւ. որ Յիսուսը պիտի մեռնէր ազգի համար։ Այն օրից սկսած՝ քահանայապետը և փարիսեցիները խորհուրդ արին, որ սպանեն նրան։ Ուստի հրաման արձակեցին ամենուրեք, որ ով նրա տեղն իմանայ, իմաց տալ իրանց, որ բռնեն։

Յիսուս իւր աշակերտներով հեռացաւ այնտեղից։ Հրէից զատիկը մօտ էր, դրա համար էլ շատերը գալիս էին Երուսաղէմ։ Նրանք հարցնում էին միմեանց Յիսուսի մասին և տաճարում իրար հետ խօսում էին այն մասին, թէ տօնի օրն արդեօք Յիսուսը չի գայ Երուսաղէմ։

«Զի լոյս եկն աշխարհ եւ սիրեցին մարդիկ զիսւար առաւել քան զոյս, զի էին գործք իւրեանց չարութեան։ Զի ամենան որ պէտք գործէ տառեց զոյս։ Յովհ. գ. 19. 20.

Լոյսն աշխարհ եկաւ, բայց մարդիկ խաւարն աւելի սիրեցին, որովհետեւ նրանց գործերը չար էին։ 2արութիւն գործողը լոյսն առում է։

«Որ ոչ ընդ իս է, հակառակ իմ է, եւ որ ոչ ժողովէ ընդ իս՝ ցըուէ» Մաթ. քբ. 30.

Ով ինձ հետ չէ, ինձ հակառակ է և ով ինձ հետ չէ ժողովում, ցըում է։

Գլ. Խթ.

ՅԻՍՈՒՍԻ ՕԾՈՒՄԸ ԲԵԹԱՆԻԱՅՈՒՄ

Յիսուսը վեց օր առաջ եկաւ Բեթանիա, ուր կենում էր յարութիւն առած Ղաղարոսը։ Այնտեղ նրա համար ընթրիք պատրաստեցին—Մարթան ծառայում էր, Ղաղարոսը սեղանակից էր, իսկ Մարիամը մի լիտր նարդոսի իւղ առաւ, նրանով Յիսուսի ոտներն օծեց և մազերովը սրբեց։ Տունը լցուեց իւղի հոտովը։ Յիսուսի աշակերտներից մինը՝ Յուդա խկարովտացին, որ նրանց գանձապահն էր և զողանում էր, ինչ որ արկին էին ձգում, ասաց. «Ի՞նչու այդ իւղը երեք հարիւր գենարի չծախսուեց և աղքատներին չտրուեց»։

Յիսուսն ասաց. «Թոյլ տուէք, ինչու էք նեղացնում նրան դա մի բարի բան գործեց իմ վերաբերմամք։ Աղքատներն ամեն ժամանակ ձեզ մօտ են, երբ կամենաք, կարող էք նրանց բարութիւն անել, բայց ես միշտ ձեզ մօտ չեմ։ Դա ինչ կարսղ էր,

արաւ—առաջուց մարմինս օծեց՝ ի նշան իմ թաղման։ Ճշմարիտն եմ ասում ձեզ, ամբողջ աշխարհի մէջ, ուր էլ այս աւետարանը քարոզուի, սրա արածը չի մոռացուի, այլ կյիշուի սրա յիշատակի համար։

«Լոյս փառաց բանդ Աստուած, որ ծագեց ի մեզ զլոյս գիտութեան»։ (Հարական)։

Ք. Ծ.

ՅԻՍՈՒՍ Ը ՏՆԱՒՄ Է ԵՐՈՒՍԱՂԵՄ

Յիսուսը Բեթանիայից Երուսաղէմ դարձաւ։ Երբ Զիթենեաց լիրան մօտեցան, աշակերտներից երկուսին ուղարկեց և ասաց. «Դնացէք այդ գիւղը, որ ձեր առջևն է, այնտեղ կդունէք մի կապած էշ և մի աւանակ էլ նրա մօտ, արձակեցէք և բերէք։ Աշակերտները գնացին և այնպէս արին, ինչպէս Յիսուսը հրամայել էլ—բերին էշն ու աւանակը և իրանց հանդերձները վրան ձգեցին. Յիսուսը նստեց նրանցից մինի վրայ. Ժողովրդից շատերն իրանց հանդերձները ճանապարհի վրայ փռեցին, շատերն էլ ծառից ճիւղեր էին կտրում ու ճանապարհի վրայ փռում։ Երբ Յիսուսը Զիթենեաց լիրան զառիվայրին մօտեցաւ, բոլոր աշակերտներն սկսեցին փառարանել Աստուծուն այն ամենի համար, ինչ որ տեսել էին եկել, ժողովրդից շատերը, որոնք տօնի առթիւ էին եկել, երբ տեսան, որ Յիսուսն Երուսաղէմ է գնում, ար-

մաւենու ճիւղեր վեր առան և դուրս եկան նրա առաջ։ Երբ Յիսուսը մօտեցաւ քաղաքին, ասաց. «Երանին գու գոնէ այսօր զգայիր, թէ որն է քո խաղաղութիւնը, բայց այդ բանը քո աշքերից ծածուկ է, գու չես տեսնում։ Կգան օրեր, երբ քո թշնամիները շորս կողմի պատնէշ կպատեն, կպաշարեն ըեզ և ամեն կողմից կնեղացնեն. քեզ հիմնայատակ կանեն. որդիքդ քո մէջը կկոտորեն ու չեն թողնի, որ քո միջումը քարը քարի վրայ կանգնէ, որովհետեւ դու այցելութեանդ ժամանակը չիմացար»։ Ժողովուրդը, որ առաջկից և ետեկից գնում էր, ազադակում և ասում էր. «Ովսաննա Դաւթի որդուն, օրհնեալ է Տիրոջ անունով եկող թագաւորը, ովսաննա բարձրումը»։ Եւ երբ Երուսաղէմ մտաւ, ամբողջ քաղաքը զգրվեցաւ և ամենայն որ հարցնում էր. «Ո՞վ է սա»։ Ժողովուրդը պախասխանեց. «Սա Յիսուսն է նազարէթի մարգարէն»։

Յիսուսը մտաւ տաճարը և դուրս արաւ բոլոր առևտուր անողներին. գուրս արաւ նոյնպէս ազաւնեվաճառներին և կործանեց հատավաճառների սեղաններն ու ասաց նրանց. «Գրածէ, որ իմ տունը աղօթքի տուն պիտի լինի, իսկ դուք նրան աւագակների այր էք դարձել»։ Նրա մօտ տաճարում զալիս էին շատ կաղեր կոյրեր ու բժիկում էր նրանց. Երբ քահանայապետները և գլիրները տեսան այս հրաշքները և տաճարում եղողների ազագակները, սրոնք ասում էին. «Ովսաննա Դաւթի որդուն», խիստ քար-

կացան և ասում էին նրան. «Լսնմ ես, թէ դրանք
ինչ են ասում»; Յիսուսն էլ ասաց նրանց. «Այս, մի-
թէ շէք կարգացել, որ մանուկների և կաժնակերնե-
րի բերանով պիտի հաստատուի օրհնութիւնը»; Յի-
սուսը թողեց նրանց, գնաց քաղաքից դուրս՝ Բե-
թանիա և գիշերն այնտեղ մնաց:

«Պատրաստ արարէք զճանապարհս տեառն»: Եսայի խ. 3.
Տիրոջ ճանապարհները պատրաստեցէք:

ԳԼ. ԾԱ.

ՅԻՍՈՒՍ ՎԻՃԱԲԱՆՈՒՄ Է ԹԱՆԱՄԻՆԵՐԻ ՀԵՏ

Ա. Առաւտեան՝ երբ Յիսուսը քաղաք եկաւ,
մտաւ տաճարը: Քահանայապիտները և ժողովրդի
ծերերը մօտ եկան և երբ նա ուսուցանում էր, ասա-
ցին. «Ի՞նչ իշխանութիւնով ես անում այդ բաները
և ով տուաւ քեզ այդ իշխանութիւնը»; Յիսուս պա-
տասխանեց և ասաց. «Ես ձեզ մի բան կհարց-
նեմ, եթէ ինձ պատասխանէք, ես էլ ձեզ կասեմ,
թէ ինչ իշխանութիւնով եմ այս բաներն անում—
Յովհաննէսի մկրտութիւնը մրտեղից էր, երկնքից,
թէ մարդկանցից»: Նրանք իրանց մէջ մտածում էին.
«Եթէ երկրից ասենք, կասէ մեզ, հապա ինչո՞ւ չհա-
ւատացիք նրան, իսկ եթէ ասենք մարդկանցից, ժո-
ղովրդիցը վախենում ենք, վասնդի ամենքը Յովհան-
նէսին մարդարէ են ընդունում»: Սրա համար էլ
Յիսուսին պատասխանեցին. «Զգիտենք»: Նա էլ նրանց

ասաց. «Ես էլ ձեզ շեմ ասի, թէ ինչ իշխանութիւ-
նով եմ անում այս բաները»:

Բ. Դրանից յետոյ փարիսեցիները գնացին և
խորհուրդ արին, թէ ինչպէս խօսքով որոգայթ դը-
նեն նրան: Փարիսեցիներն իրանց աշակերտներին
հերովդէսեանների հետ միասին Յիսուսի մօտ ու-
ղարկեցին և ասացին. «Վարդապետ, զիտենք, որ
դու ծշմարիտ ես ուսուցանում. դու ոչ որից չես
քաշում և ոչ երեսպաշտութիւն զիտես: Այժմ ասա
մեզ՝ կայսեր հարկ տալ պէտք է, թէ ոչ»: Յիսուսը
նրանց շարութիւնն իմանալով՝ ասաց. «Ինչո՞ւ էք
փորձում ինձ, կեղծաւորներ, ցոյց տուէք ինձ հարկի
դահնեկանը»: Նրանք մի դահնեկան բերին: Յիսուսը
հարցրեց. «Մ' մ՞ն է այս պատկերը կամ զիրը»: Նրանք
պատասխանեցին. «Կայսեր»: Յիսուսն ասաց. «Ու-
րեմն կայսրինը՝ կայսրին տուէք, իսկ Աստուծունը՝
Աստուծուն»: Երբ այս բանը լսեցին, խիստ զար-
մացան, թողին նրան և հեռացան:

Գ. Յիսուսը փարիսեցիներին հետեւել առակն
ասաց. «Մի տանուտէք այգի տնկեց. նրան ցանկով
պատեց. մէջը հնձան փորեց. աշտարակ չինեց. յանձ-
նեց մշակներին, իսկ ինքը գնաց ուրիշ աշխարհ: Երբ
ժամանակը մօտեցաւ, ուղարկեց ծառաներին
մշակների մօտ՝ պտուղն ստանալու: Մշակները ծա-
ռաներին բռնեցին. մէկին տանջեցին. միւսին սպա-
նեցին և երրորդին էլ քարկոծեցին: Դարձեալ ու-
ղարկեց ուրիշ ծառաներ առաջիններից շատ, բայց

Նրանց հետ էլ միենոյն ձեռվ վարուեցան։ Վերջապէս իւր որդուն ուղարկեց՝ ասելով թերևս նրանից ամաշեն։ Մշակները որդուն տեսնելով՝ իրանք իրանց ասացին. «Սա ժառանգն է, եկէք սպանենք և ժառանգութեանը տիրանանք»։ Իսկոյն բռնեցին նրան, այգուց դուքս հանեցին և սպանեցին։ Երբ այգու տէրը գայ, ինչ կասէ մշակներին։»

Նրանք պատախանեցին. «Զար մշակներին կը հեռացնէ և այգին ուրիշ մշակների կյանձնէ, որոնք իւր ժամանակին պտուղ կտան։ Յիսուսը պատախանեց. «Այսպէս էլ Աստծու արքայութիւնը ձեզնից կառնուի և կտրուի հեթանոսներին, որոնք պտուղներ կտան։» Փարիսեցիները նկատեցին, որ իրանց վրայ է խօսում։ Այնուհետեւ յարմար ժամանակ էին որոնում, որ բանեն Յիսուսին, բայց վախենում էին ժողովրդից, որովհետեւ նրան մարգարէի տեղ էր ընդունում։

Գ. Յիսուսը խօսեց ժողովրդի և իւր աշակերտների հետ ու ասաց. «Մովսէսի աթոռի վրայ դպիրները և փարիսեցիները նստեցին։ Ինչ էլ որ ասեն ձեզ, պահեցէք և արէք, բայց նրանց գործերի նման մի անէք, որովհետեւ ասում են և չեն կատարում։ Ծանր և գժուարակիր բեռներ են կապում և դնում մարդկանց ուսերին, բայց իրանք մատսվ անգամ չեն ուզում շարժել։ Նրանց բոլոր գործերը մարդկանց երեալու համար է—լայնացնում են իրանց գրապանակները և մեծացնում հանդերձի քաղանց-

ները։ Միրում են ընթրիքներումն առաջին տեղն ունենալ. ժողովարաններում առաջին կարգի աթոռներն են ընտրում, որ փողոցներումն իրանց ողջունեն և մարդկանցից ուարբի, ուարբի կոչուեն։ Բայց դուք այդպէս չպիտի լինիք։ Զեղնից մեծը թող ձեր ծառան լինի, ով իւր անձը կրարձրացնէ, կխոնարհուի և ով կխոնարհեցնէ՝ կրարձրանայ։

«Վայ ձեզ, դպիրներ և փարիսեցիներ՝ կեղծաւորներ, երկնքի արքայութեան դռները փակում էք մարդոց առաջ. ինքներդ չէք մտնում, իսկ մտնողներին էլ արգելում էք։ Վայ ձեզ, դպիրներ և փարիսեցիներ՝ կեղծաւորներ, ուտում էք որքեայրիների տները և պատճառակրով երկար աղօթք էք անում, զրա համար էլ աւելի դատապարտութիւն կստանաք։ Վայ ձեզ, դպիրներ և փարիսեցիներ՝ կեղծաւորներ, տասաննորդում էք անանուխ, սամիթ և չաման, բայց մոռանում էք օրէնքի ծանր-ծանր կողմերը՝ դատաստանը, ողորմածութիւնը և հաւատքը—այս պէտք է անել և այն չմոռանալ։ Կոյր առաջնորդներ, մժեղները քամում էք, բայց ուզտերը կուլ էք տալիս։ Վայ ձեզ, դպիրներ և փարիսեցիներ՝ կեղծաւորներ, բաժակի և սկաւառակի արտաքին կողմը մարրում էք, բայց ներքուստ լի էք յափշտակութեամբ և անիրաւութեամբ։ Վայ ձեզ, դպիրներ և փարիսեցիներ՝ կեղծաւորներ, նման էք ծեփած գերեզմանների, որոնք արտաքուստ գեղեցիկ են երեւում, բայց ներքուստ լի են մեռելների ոսկորներով

և ամեն տեսակ պղծութիւնով։ Այսպէս էլ դուք, թէ արտաքուստ արդար էք երևում, բայց ներքուստ լի էք կեղծաւութիւնով և անօրէնութիւնով։ Վայ ձեզ, դպիրներ և փարխսեցիներ՝ կեղծաւորներ, դուք մարգարէների շիրխմները շինում էք և արդարների գերեզմանները զարդարում էք և ասում, եթէ մեր հայրերի ժամանակներում ապրէինք, մասնակից չէինք լինի մարգարէների սպանման։ Ուրեմն դուք ձեր մասին վկայում էք, թէ մարգարէների սպանողների որդիքն էք։ Դուք՝ օձեր, իժերի զաւակներ, ինչպէս կարող էք փախչել գեհենի դատաստանիցը»։

«Երուսաղէմ, երուսաղէմ, դու որ մարգարէներին կոտորում էիր և քեզ մօտ ուղարկուածներին քարկոծ անում, քանի՛ անգամ կամեցայ քո երեխաներին ժողովել այսպէս, ինչպէս հաւը ժողովում է իւր ձագերին թեների տակ, բայց չկամեցաք։ Ահա ձեր տունը աւերակ կթողնուի ձեզ։

«Եղերուք այսուհետեւ խորագէտք իրեւ զօնս եւ միամիտք սիրեւ զաղանիա։ Մտթ. ժ. 16.

Եղէք խորագէտ օձերի նման և միամիտ՝ ինչպէս աղաւնիքը։

«Եթէ ոչ առաւելուցու արդարութիւն ձեր աւելի քան զդպրացն «եւ փարխսեցոց՝ ոչ մտանիցէք յարքայութիւն երկնից»։ Մտթ. հ. 20.

Եթէ ձեր արդարութիւնը զպիրների ու փարխսեցիների արդարութիւնիցն աւելի չմնի, երկնիքի արքայութիւնը չեք մտնի։

ԿԼ. ԾԲ.

ՅՈՒԴԱՅԻ ՄԱՏՆՈՒԹԻՒՆԸ

Յիսուս Քրիստոսը ցերեկը սովորեցնում էր տաճարում, իսկ զիշերները բարձրացնում էր Զիթենեաց լեառը։ Բոլոր ժողովուրդը առաւտանց վաղ գնում էր տաճարը նրան լսելու համար։

Սրանից յետոյ քահանայապետները, դպիրները և ժողովրդի ծերերը ժողովուեցան այն քահանայապետի սրանը, որի անունը Կայիհափա էր և խորհուրդ արին, թէ ինչպէս Յիսուսին նենգութեամբ բռնեն և սպանեն։ Բայց ասում էին՝ ոչ այս տօնի ժամանակ, որպէսզի ժողովրդի մէջ խորովութիւն շնորհի։

Տասներկուսից մինը՝ Յուզա խկարիովտացին, զիաց քահանայապետների մօտ և ասաց. «Ի՞նչ կտաք ինձ, որ Յիսուսին ձեզ մատենմ»։ Նրանք շատ ուրախացան և երեսուն արծաթ խոստացան։ Այնուհետև յարմար ժամանակ էր որոնում Յուզան, որ մատեէ։

«Զի արմատ ամենայն չարեաց արծաթսիրութիւն է»։
«Բայց ոչ իմ կամք, այլ քոյդ լիցին»։ Ղուկ, իր. 42.

ԿԼ. ԾԳ.

Ո Տ Ա Հ Ա Խ Ա Յ Ե Ւ Խ Ո Բ Հ Ր Դ Ա Խ Ո Ր Ը Ը Ն Թ Բ Ի Ք

Ա. Բաղարջակերաց տօնի առաջին օրն աշակերտ-

ները Յիսուսի մօտ եկան և ասացին նրան. «Ո՞րտեղ ես կամենում, որ քեզ համար զատիկը պատրաստենք»: Յիսուսն տսաց. «Գնացէք քաղաք՝ այս ինչի մօտ և ասացէք նրան, վարդապետն ասում է—իմ ժամանակը մօտեցել է, քեզ մօտ պիտի ուտեմ զատիկն աշակերտներիս հետ»: Նրանք էլ այնպէս արին, ինչպէս որ Յիսուսը հրամայեց և պատրաստեցին զատիկը. Երեկոյեան սեղան նստեց տասն և երկու աշակերտների հետ և ասաց. «Յանկանալով ցանկացայ այս զատիկը ձեզ հետ ուտել՝ իմ չարչարուելուց առաջ»:

Յիսուսը ընթրիքից վեր կացաւ, հանեց հանդերձները և մի զենցակ առաւ ու մէջքին կապեց. Յետոյ ջուր ածեց կոնքի մէջ, սկսեց նրանց ոտները լուանալ և մէջքին կապած զենցակովը սրբել: Կարգը Սիմօն Պետրոսին հասաւ. նա թոյլ շտուաւ և ասաց. «Տէր, դու պէտք է իմ ոտները լուանաս»: Յիսուսը պատասխանեց. «Դնչ որ ես անում եմ, գու այժմ չգիտես, բայց յետոյ կիմանաս»: Պետրոսն ասաց. «Երբէք չեմ թոյլ տայ, որ գու իմ ոտները լուանաս»: Յիսուսը պատասխանեց. «Եթէ քո ոտները ըլլուանամ, ինձ հետ բաժին չես ունենալ»: Այն ժաժամանակ Սիմօն Պետրոսն ասաց. «Տէր, ոչ թէ իմ ոտները միայն, այլ ձեռներս և զլուխս էլ լուա»: Եւ երբ նրանց ոտները լուաց, առաւ իւր հանդերձները, նորից սեղան նստեց և ասաց. «Գիտէք թէ ես ինչ արի ձեզ: Պուր ինձ կանչում էք վարդապետ և տէր և լաւ էք անում, որովհետեւ այդպէս էլ եմ:

Եթէ ես՝ Տէրս և վարդապետս ձեր ոտները լուացի, գուք էլ պէտք է իրալու ոտները լուաք: Ես ձեզ օրինակ տուի. ինչպէս ես ձեզ արի, նոյնն էլ գուք արէք միմեանց: Ճշմարիտն եմ ասում ձեզ, ծառան իւր տիրոջից մեծ չէ և ոչ էլ ուղարկուածը՝ ուղարկողից: Եթէ այս գիտէք, երանելի էք, բայց աւելի երանելի կլինիք, եթէ որ այս կատարէք»:

¶. Յիսումն այս ասելով հոգւով տրտմեցաւ և առաց. «Ճշմարիտն եմ ասում, ձեզնից մէկը մատնելու է ինձ»: Աշակերտներն էլ տարակուսած իրար երեսի էին նայում, թէ ում համար է ասում, ուստի ամեն մինը տեղից վեր կենալով ասում էր. «Տէր, միթէ ես եմ»: Յիսուսը պատասխանեց. «Մարդու Որդին կգնայ, ինչպէս որ գրուած է, բայց վայ այն մարդուն, որի ձեռով նա պիտի մատնուի. աւելի լաւ էր, եթէ այն մարդը ծնուած չլինէր»: Այն ժամանակ Յուդան էլ ասաց. «Միթէ ես եմ, վարդապետ»: Տիսուն ասաց. «Դու ասացիր»: Յուդան իսկոյն դուրս գնաց: Արդէն երեկոյ էր:

Երբ Յուդան դուրս գնաց՝ Յիսուսն ասաց. «Տակաւին փոքր ժամանակ էլ ձեզ հետ եմ. այժմ ձեզ եմ ասում. նոր պատուիրան եմ տալիս ձեզ, որ իրար այնպէս սիրէք, ինչպէս ես ձեզ սիրեցի: Սրանով ձեզ ամենքը կճանաչեն, որ իմ աշակերտներն էք»:

¶. Ընթրիքից յետոյ Յիսուսը վեր առաւ հաց և օրհնելով կտրեց, աշակերտներին տուաւ ու ասաց. «Առէք, կերէք, այս է իմ մարմինը, այսպէս արէք

իմ յիշատակի համար»: Յետոյ բաժակն առաւ. գոհացաւ. տուաւ նրանց և ասաց. «Խմեցէք զրանից ամենքդ, այս բաժակը նոր ուխտն է՝ իմ արխւնովը, որ թափուում է ձեզ և շատերի մեղաց թողութեան համար: Ամեն անդամ՝ երբ խմէք այս բաժակից, յիշեցէք ինձ»:

«Թրգի մարդոյ ոչ եկն պաշտօն առնուլ, այլ պաշտել, եւ տալ պանձն իւր փրկանս փոխանակ բազմաց»: Մաթ. ի. 28:

Մարդու Որդին չեկաւ որ իրան ծառակեն, այլ՝ որ ինքը ծառէ և շատերի փոխանակ իւր անձը փրկանք տայ:

ԳԼ. ԾՊ.

ՅԻՍՈՒՍ ՔԵԹՍԵՄԱՆՈՒՄ

Ա. Օրհնելուց յետոյ՝ Յիսուս իւր աշակերտների հետ միասին անցաւ Կետրոնի վտակը և բարձրացաւ Զիթենեաց լեառը: Այստեղ Յիսուսն ասաց իւր աշակերտներին. «Դուք ամենքդ այս գիշեր կգայթակղուէք ինձնից, որովհետեւ գրած է—հովուին որ զարկեն, ոչխարները կցրուեն»: Բայց Պետրոսը պատասխանեց և ասաց նրան. «Եթէ ամենքն էլ գայթակղուեն քեզնից, ես չեմ գայթակղուի»: Յիսուսն ասաց. «Ճշմարիտն եմ ասում քեզ, այս գիշեր՝ դեռ հաւը չխօսած, երեք անդամ կուրանեաս ինձ»: Պետրոսն ասաց. «Եթէ քեզ հետ մեռնելու էլ լինիմ, դարձեալ չեմ ուրանայ»: Այսպէս էլ միւս աշակերտներն էին ասում:

Բ. Յիսուսն իւր աշակերտների հետ եկաւ մի պարտէզ, որի անունն էր Գելմսեմանի և ասաց նըրանց. «Այստեղ նստեցէք մինչև ես գնամ և աղօթք անեմ», չետն առաւ Պետրոսին, Զերեթիայի երկու որդուցը և սկսեց տրտմել ու վշտանալ: Յիսուսն ասաց նրանց. «Մեռնելու չափ տրտում է ոգիս. մնացէք այստեղ և ինձ հետ արթուն կացէք»: Եւ մի փոքր էլ առաջ գնալով երեսի վրայ ընկաւ, աղօթք էր անում և ասում. «Հայր, եթէ կարելի է, թող այս բաժակն ինձնից անցնի, բայց ոչ թէ ինչ պէս ես եմ կամենում, այլ՝ ինչպէս դու»: Յիսուսը գարձաւ աշակերտների մօտ, տեսաւ նրանք քնած են, ասաց Պետրոսին. «Այդպէս՝ մէկ ժամ էլ չկարողացաք ինձ հետ արթուն կենալ. արթուն կացէք և աղօթք արէք, որ փորձութեան մէջ չընկնէք. ոգիս յօժար է, բայց մարմինս տկար»: Երկրորդ անգամ յիսուսը գնաց աղօթք արաւ և ասաւ. «Հայր, եթէ կարելի է, թող այս բաժակն ինձնից, անցնի, բայց ոչ թէ ինչպէս ես եմ կամենում, այլ՝ ինչպէս դու»: Պարձաւ ու կրկին քնած գտաւ աշակերտներին: Թողեց նրանց, դարձեալ գնաց. Երրորդ անգամ աղօթեց և միենայն խօսքերն ասաց: Յիսուսը տագնապի մէջ էր և եռանգով աղօթում էր: Այն ժամանակ Աստուծու հրեշտակը երկնքից երեաց և զօրացնում էր նրան, որպէսզի միշտ այդպէս խօսէ: Աղօթքից վեր կացաւ, եկաւ աշակերտների մօտ և ասաց. «Ինչո՞ւ էք քնում, հասաւ ժամը, մարդու

Որդին կմատնուի մեղաւորների ձեռը: Վեր կացէք գնանք, ահա մօտենում է մատնիշը»:

Գ. Եւ երբ նա դեռ խօսում էր, Յուդան քահանայապետի և փարիսեցիների ծառաների հետ միասին՝ մեծ ամբոխով ներս եկան՝ սրերով, զահերով և լապտերներով: Մատնիշը նրանց նշան էր տուել և ասել. «Որին ես համբուրեմ, նրան բռնեցէք»: Յուդան մօտեցաւ Յիսուսին և ասաց. «Բարե, վարդապետ» և համբուրեց: Յիսուսը պատասխանեց և ասաց. «Յուդա, համբուրելով ես մատնում մարդու Որդուն»: Յիսուսը դուրս եկաւ և ասաց նրանց. «Մ'մն էք ուզում»: Նրանք պատասխանեցին. «Յիսուս նազովրեցուն»: Յիսուսն տսաց. «Ես եմ»: Երբ Յիսուսը նրանց առաց թէ ես եմ, ետ-ետ գնացին և գետնի վրայ ընկան: Յիսուս երկրորդ անգամ հարցրեց նրանց. «Մ'մն էք ուզում»: Նրանք պատասխանեցին. «Յիսուս նազովրեցուն»: Յիսուսը պատասխանեց. «Չեզ ասացի թէ ես եմ, եթէ դուք ինձ էք ուզում, թողէք դրանց, որ գնան»: Այն ժամանակ մօտեցան Յիսուսին և բռնեցին: Բայց Սիմոն Պետրոսը քաշեց իւր սուրբ. զարկեց քահանայապետի ծառային և նրա աջ ականջը կտրեց: Յիսուսն ասաց Պետրոսին. «Սուրբ պատենի մէջ զիր. ով սուր կվերցնի, սրով կփորչի. միթէ չպէտք է խմել այն բաժակը, որ չայրս է տուել»: Յիսուսը մօտեցաւ նրա ականջին և բժշկեց: Յետոյ դարձաւ և իւր վրայ եկող ամբոխին ասաց. «Ինչպէս մի աւա-

զակի վրայ դուրս եկար սրերով և բրերով: Ես ամեն օր ձեզ հետ էի տաճարումը և վովորցնում էի, այնտեղ ինձ ձեռ չտուվիք և չըսնեցիք, բայց սա ձեր ժամն է և խաւարի իշխանութիւնը»: Նրանք բռնեցին Յիսուսին և կապեցին, Բոլոր աշակերտները ժողին և փախան:

«Ազթուն կացէք եւ աղօթս արարէք զի մի անկանիցիք ի փոք-ձութիւն: Հոգիս յօժար է, բայց մարմինս տկար»: Մտթ. իդ. 41.

«Ճայր իմ եթէ հնար է՝ անցցէ բաժակս այս յինէն, բայց ոչ որպէս ես կամիմ, այլ որպէս դուռ»: Մտթ. իդ. 39.

Ճայր, եթէ հնարէ, թող այս բաժակն ինձնից անցնի, բայց ոչ թէ ինչպէս ես եմ կամենում, այլ ինչպէս դուռ:

Գլ. ծԵ.

ՅԻՍՈՒՍԸ ՔԱՀԱՆԱՑԱՊԵՏԻ ԱՌԱՋ

Երբ Յիսուսին բռնեցին և կապեցին, առաջին ամգամ տարան Աննայի մօտ, որ Կայիափայի աներն էր: Քահանայապետը հարցուփորձ արաւ Յիսուսին նրա աշակերտների և փարդապետութեան մասին: Յիսուսը պատասխանեց և ասաց. «Ես յայտնի կերպով քարոզել եմ աշխարհին, ես միշտ սովորցրել եմ ժողովարանումը և տաճարումը, ծածուկ ոչինչ չեմ խօսել: Ի՞նչու ես ինձ հարցնում, լսովներին հարցրու, թէ ի՞նչ եմ քարոզել նրանց»: Այսպէս խօսելիս սպասաւորներից մինը, որ այնտեղ կանգնած էր, Յիսուսին ապտակ տուաւ և ասաց. «Այդպէս ես պատասխանում

քահանայապետին»: Յիսուսն ասաց. «Եթէ շար բան խօսեցի, ցնյց տուր, իսկ եթէ բարի, ինչնև ես խփում»:

Աննան Յիսուսին կապած ուզարկեց Կայափա քահանայապետի մօտ, ուր դպիրները և ծերերն էին ժողոված: Գետրոսը գնում էր նրա ետեցից հեռուանց մինչև քահանայապետի սրահը. ներս մտաւ. նստեց ծառաների մօտ, որպէսզի տեսնէ թէ ինչ է պատահում: Քահանայապետները, ծերերը և բոլոր ատեանը Յիսուսի դէմ սուտ վկայութիւններ էին որոնում, որ մահու դատապարտեն, բայց ոչինչ չկարողացան դրանել: Թէպէտ այստեղ շատ սուտ վկաներ էին եկել, բայց ոչինչ չկարողացան ապացուցանել: Վերջապէս երկու սուտ վկաներ առաջ եկան և ապացուցանում էին, որպէս թէ Յիսուսն ասել է, թէ ես կարող եմ Աստուծու տաճարը քանդել և երեք օրում կրկին շինել: Քահանայապետը վեր կացաւ և ասաց նրան. «Ոչինչ չես պատասխանում, ինչ որ սրանք քո դէմ վկայում են»: Յիսուսը լուռ էր: Քահանապետն ասաց. «Երդում եմ տալիս ըեզ կենդանի Աստուծու անունով, ասա, դնւ ես Քրիստոսը՝ Աստուծու որդին: Յիսուսն էլ ասաց. «Դու ասացիր, սակայն ասում եմ ձեզ, որ հիմիկուանից կտեսնէք մարդու Որդուն զօրութեան աջ կողմը նստած՝ երկնքի ամպերի վրայ գնալիս»: Այն ժամանակ քահանայապետը պատառեց իւր հանդերձները և ասաց. «Սա Աստուծուն հայնոյում է, էլ ինչ հարկաւոր են մեզ վկաներ. դուք ինքներդ լսեցիր դրա հայնոյանքը. ինչ էք

կարծում»: Նրանք պատասխանեցին և ասացին. «Դա մահու արժանի է»: Այն ժամանակ թքեցին նրա երեսին և բռունցքով ծեծեցին, ումանք էլ ապտակ տուին ասելով. «Մարդարէացիր, Քրիստոս, ով է քեզ դարկողը»:

«Տէր, առ մվլ երթիցուք, բանս կենաց յաւիտենականաց ունիս: Հետ մեք հաւատացաք եւ ծանեաք, եթէ զու ես Քրիստոս որդի Աստուծոյ»: Ցովի. է. 69. 70.

Տէր, ում մօտ գնանք. յաւիտենական կենաց խօսքեր ունիս զու: Մենք հաւատացինք և ճանաչեցինք, որ զու ես Քրիստոսը՝ կենդանի Աստուծու Որդին:

Գլ. ԾԶ.

ՊԵՏՐՈՍԻ ՈՒՐԱՅՑՈՒԹԻՒՆԸ ԵՒ ՅՈՒԴՅՅԻ ՎԱԽՃԱՆԸ

Ա. Գետրոսը նստած էր գուրսը՝ սրահում: Մի աղախին մօտ եկաւ և ասաց նրան. «Դու էլ գալիլիացի Յիսուսի հետն էիր»: Նա բոլորի առաջ ուրացաւ և ասաց. «Ես նրան չեմ ճանաչում»: Սրանից յետոյ մի ուրիշ կին տեսաւ նրան և ասաց այնտեղ եղողներին. «Սա էլ նազովրեցի Յիսուսի հետն էր»: Գետրոսը դարձեալ ուրացաւ և երդուեց, որ այն մարդուն չէ ճանաչում: Փոքր ժամանակից յետոյ այնտեղ կանգնողներն ասացին Գետրոսին. «Ճշմարիտ է, դու էլ նրանցից ես, քո խօսքիցն էլ երկում է այդ»: Այն ժամանակ Գետրոսն սկսեց անիծել և երդուել, թէ այդպիսի մարդուն չէ ճանաչում: Այս միջոցին համ իսկոյն խօսեց և Տէրը դարձաւ, մտիկ

տուաւ Պետրոսին։ Պետրոսը յիշեց Տիրոջ խօսքը, որ ասել էր. «Մինչև հաւի խօսելը երեք անգամ կ'ուրանաս ինձ»։ Պետրոսը դուրս գնաց և դառնապէս լաց եղաւ։

Բ. Մատնիչ Յուլան, երբ տեսաւ որ Յիսուսին դատապարտեցին, զզաց, երեսուն արծաթը յետ դարձրեց քահանայապետներին և ծերերին ու ասաց. «Ես մեղք գործեցի՝ անմեղ արիւն մատնելով»։ Նրանք պատասխանեցին. «Մեզ ինչ, գնւ գիտես»։ Յուլան արծաթը ձգեց տաճարի մէջ, հեռացաւ, զնաց և խեղդուեց. Քահանայապետներն առան արծաթը և ասացին. «Արժան չէ այս փողը զանձանակի մէջ ձգել, որովհետև արիւնի զին է»։ Խորհուրդ արիւն և դրանով բրուտի ապարակը գնեցին՝ օտարականներին թագելու համար։

«Ամենայն, որ խոստովանեցի յիս առաջի մարդկան, խոստովանեցից եւ ես զնմանէ առաջի չօր իմոյ, որ յերկինս էս եւ որ ուսուացի զիս առաջի մարդկան, ուրացայց եւ ես զնա առաջի չօր «իմոյ որ յերկինս է»։ Մաթ. ժ. 32. 33.

Ո՞վ որ ինձ մարդկանց առաջ կխոստովանէ, ես էլ նրան կխոստովանմ իմ երկնաւոր չօր առաջ։ Իսկ ով ինձ կ'ուրանայ մարդկանց առաջ, ես էլ նրան կուրանամ իմ երկնաւոր չօր առաջ։ «Զի որ ըստ Աստուծոյն տրտմութիւն է, ապաշխարութիւն ՚ի «փրկութիւն առանց զղանալոյ, զարծէ. իսկ աշխարհի տրտմութիւն մահ գործէ»։ Ա. թ. ա. Կորն. է. 10.

Որովհետև աստուածային տրտմութիւնն ապաշխարութիւն է գործում փրկութեան համար՝ առանց զղանալու, իսկ աշխարհի տրտմութիւնը մահ է գործում։

Գլ. ծէ.

Յ Ի Ս ՈՒ Ս Ը Պ Ի Ղ Ա Տ Ա Ս Ի Ա Ռ Ա Զ

Լուսաբացին բոլոր քահանայապետները և ժողովրդի ծերերը Յիսուսի դէմ խորհուրդ արին, որ սպանեն։ Կապեցին նրան և տարան, յանձնեցին Պոնտացի Պիղատոսին, որ երկրի կուսակալն էր։ Առուաւօտ էր. իրանք չմտան պալատը, որովհետեւ զատկի տօնը մօտ էր, կպցծուէին և զատկական գառը չէին կարող ուտել։ Պիղատոսն ինքը դուրս եկաւ նրանց մօտ և ասաց. «Ի՞նչ զանգատ ունիք այդ մարդու դէմ»։ Նրանք պատասխանեցին. «Եթէ սա չարագործ չինէր, քեզ մօտ չէինք բերլի»։ Պիղատոսն ասաց. «Ուրեմն գնւք վեր առէք և ձեր օրէնքի համաձայն դատեցէք»։ Հրէաներն ասացին. «Օրէնքը մեզ իրաւունք չէ տալիս մահու վճիռ տալ. սա մոլորեցնում է ժողովրդին, արգելում է կայսեր հարկ տալ և իրան թագաւոր է անուանում»։ Յիսուսը ոչինչ չպատասխանեց քահանայապետների և ժողովրդի ծերերի մեղադրանքներին։ Այն ժամանակ Պիղատոսը հարցրեց. «2Ես լսում թէ որքան բաներ են վկայում քեզ հակառակ»։ Յիսուսը ոչինչ չպատասխանեց. Կուսակալը խիստ զարմացաւ այս բանի վրայ. Պիղատոսը ներս մտաւ պալատը. Յիսուսին իւր մօտ կանչեց և ասաց. «Դու ես հրէաների թագաւորը»։ Յիսուսը պատասխանեց. «Իմ թագաւորու-

թիւնն այս աշխարհից չէ. եթէ իմ թագաւորութիւնն այս աշխարհից լինէր, իմ ծառաները կպատերազմէին, որ ես հրէաների ձեռը շմատնուէի. իմ թագաւորութիւնն այս աշխարհից չէ։ Պիղատոսն ասաց. «Ուրեմն դու թագաւոր ես»։ Յիսուսը պատախանեց. «Դու ես ասում, որ ես թագաւոր եմ. ես դրա համար էլ ծնուել և աշխարհ եմ եկել, որ վկայեմ այն ճշմարտութիւնը, որ ես լսել և տեսել եմ Աստուծու մօտ, ով իւր սրտումը այդ ճշմարտութիւնը զգում է, նա իմ ձայնին կլսէ»։ Այս լսելով՝ Պիղատոսը դարձեալ դուրս գնաց հրէաների մօտ և ասաց. «Ես ոչ մի յանցանք չեմ գտնում նրա մէջ»։

Ժողովուրդն սկսեց ես աւելի զրպարտել՝ ասելով. «Սա ժողովրդին ազմկում է ամբողջ Հրէաստանի մէջ՝ Գալիլիայից սկսած մինչև այստեղ»։ Պիղատոսը, երբ Գալիլիայի անունը լսեց, հարցրեց, թէ արդեօք նա Գալիլիայիցն է և երբ իմացաւ որ չերովդէսի իշխանութիւնիցն է, ուղարկեց նրա մօտ, որ այդ օրերում երուսաղէմ էր եկել։ Չերովդէսը Յիսուսին տեսնելուն պէս, խիստ ուրախացաւ, որովհետեւ վազուց ցանկանում էր նրան տեսնել, շատ բաներ էր լսել նրա մասին. յոյս ունէր, որ մի նշան կտեսնէ նրանից։ Չերովդէսը շատ բաներ հարցրեց Յիսուսին, բայց ոչ մի պատախան չստացաւ. Քահանայապետները և գլուխները կանգնած էին և սաստիկ շարախոսում էին նրանից։ Չերովդէսն էլ իւր զինուորների հետ անարգեց նրան, ծաղր անելով, սպիտակ

հանդերձ հազցրեց և յետ ուղարկեց Պիղատոսի մօտ։ Այդ օրից սկսած չերովդէսն ու Պիղատոսը բարեկամ դարձան իրար հետ, որովհետեւ առաջ միմեանց թըշնամի էին։

Պիղատոսն ասաց քահանայապետներին և ժողովրդին. «Դուք այս մարդուն ինձ մօտ բերիք և իրրե ժողովրդեան մոլորեցուցիչ ներկայացրիք. ահա ձեր առաջ դատեցի և ոչ մի յանցանք չգտայ նրա մէջ՝ ինչի մասին որ դուք շարախոսում էք նրանից։ Չերովդէսը ևս ոչինչ յանցանք չէ գտել նրանում, որ մահու արժանի լինէր, ուստի ես կխրատեմ նըրան և կարձակեմ»։

Ճօնի օրերն էին։ Կուսակալը համաձայն սովորութեան, բաննտարկեալներից մինին պէտք է ազատութիւն տար, որին ժողովուրդը կցանկար։ Այն ժամանակ մի նշանաւոր բաննտարկեալ ունէին՝ անունը Բարաբրա, որ խոռվարարի մէկն էր և մարդասպանութեան համար բանտ էր դրուած։ Պիղատոսը ժողովրդին հարցրեց. «Մ’մն էք կամենում, որ արձակեմ, Բարաբրային, թէ Յիսուսին»։ Պիղատոսը զիտէր, որ հրէաները նախանձու մատնեցին նրան։ Բայց քահանայապետները և ժողովրդի ծերերն աղապակում էին և ասում. «Բարաբրային արձակիր»։ Պիղատոսը հարցրեց. «Խոկ ի՞նչ անեմ Յիսուսին, որին հրէից թագաւոր էք ասում»։ Ամենքը միաբերան աղապակեցին և ասացին. «Խաչիր, խաչիր նրան»։ Կուսակալը նորից հարցրեց. «Բայց ի՞նչ չար բան է

գործել նա»։ Նրանք ևս աւելի բարձր ձայնով աղաղակում էին և ասում. «Խաչիր, խաչիր նրան»։ Երբ Պիղատոսը դատաւորական աթոռի վրայ նստեց, կինը մարդ ուղարկեց ասելու. «Այդ արդար մարդու հետ բան չունիս, երազում շատ բան տեսայ նրա մասին»։

Սրանից յետոյ Պիղատոսն առաւ Յիսուսին և ծեծեց. Զինուորները վշերից պսակ շինեցին. գլխին դրին. ծիրանի հանդերձ հազցրին. աջ ձեռքին մի եղեղը տուին. ծունկ էին չոքում առաջին. ծաղրում էին և ասում. «Ողջ կաց, հրէից թագաւոր»։ Նրանք վեր առան եղեղը, խփում էին գլխին և երեսին ապտակներ տալիս. Պիղատոսը դուրս բերաւ Յիսուսին. նա վշեայ պսակ ունէր գլխին և ծիրանի հագած. Պիղատոսն ասաց ժողովրդին. «Ահա այրդ ցձեզ»։ Երբ քահանայապետը և ժողովուրդը տեսան նրան, աղաղակեցին. «Խաչիր, խաչիր նրան»։ Պիղատոսն ասաց. «Ես դրա մէջ յանցանք չեմ գտնում, տարէք և ինքներդ խաչեցէք»։ Հրէաները պատասխանեցին նրան. «Մենք օրէնք ունինք և նա դրա համաձայն պէտք է մեռնի, որովհետեւ իրան Աստուծու որդի է անուանում»։ Երբ Պիղատոսն այս խօսքերը լսեց, վախեցաւ և նորից ներս մտաւ Յիսուսի հետ պալատն ու ասաց նրան. «Դու ինչ տեղից ես»։ Յիսուսը չպատասխանեց. Պիղատոսն ասաց. «Ինձ հետ շես խօսում, միթէ չգիտես, որ ես իշխանութիւն ունիմ քեզ խաչելու և արձակելու»։ Յիսուսը պատասխանեց. «Դու ոչինչ իշխանութիւն չեմ

ունենայ ինձ վրայ, եթէ վերեկցը տրուած շմիէր քեզ, դրա համար էլ՝ նա որ ինձ քեզ մատնեց, նրա յանցանքն աւելի մեծ է»։ Սրանից յետոյ Պիղատոսն աշխատում էր մի ձեռվ արձակել Յիսուսին. Բայց հրէաներն աղաղակում էին և ասում. «Եթէ նրան արձակես, կայսեր բարեկամ չես. ամենայն ոք, որ իրան թագաւոր է անուանում, կայսեր հակառակ է»։ Պիղատոսը, երբ այս խօսքերը լսեց, Յիսուսին դուրս բերաւ, բեմի վրայ նստեց և ասաց ժողովրդին. «Ահա ձեր թագաւորը»։ Նրանք աղաղակեցին և ասացին. «Վեր առ դրան և խաչիր»։ Պիղատոսը հարցրեց. «Զեր թագաւորին խաչեմ»։ Նրանք պատասխանեցին. «Մենք ուրիշ թագաւոր չունինք բացի կայսրից»։ Պիղատոսն էլ տեսաւ, որ ոչինչ օգուտ չի լինում, այլ աւելի խոզովութիւն է ծագում, ջուր առաւ. ձեռները լուաց ժողովրդի առաջ և ասաց. «Ես այդ արդարի արիւնիցն անմեղ եմ, դուք գիտէք»։ Բոլոր ժողովուրդն աղաղակեց. «Թող դրա արիւնը մեր և մեր որդւոց գլխին լինի»։ Այս ժամանակ Բարաբային արձակեց, իսկ Յիսուսին ծեծելուց յետոյ՝ յանձնեց նրանց, որ խաչուի:

«Ահա այրդ ցձեզ»։ Յովհ. ժթ. 5.

Ահա այն մարդը:

«Ահաւասիկ գառն Աստուծոյ, որ բառնայ զմեզոս աշխարհի»
Ահա Աստուծու գառը, որ աշխարհի մեղքերը պիտի բառնայ:

ՔԼ. ծԲ.

ՔՐԻՑՑՈՒՄԻ ԽԱՀԵԼՈՒԹԻՒՆԸ

Զինուորները հանեցին նրա կարմիր քղամիտը և հապցը իւր շրերն ու տարան խաչելու։ Յիսուսն ինքն էր տանում իւր խաչափայտը։ Գալիս պատահեցին Սիմօն Կիւբենացի անունով մէկին, որը գաշտի աշխատանքիցն էր դառնում և ստիպեցին նրան, որ խաչափայտը տանէ։ Յիսուսի ետեից մեծ բազմութիւն էր գնում, նոյնպէս շատ կանայք, որոնք սուգ էին անում և լաց էին լինում։ Յիսուսը դարձաւ նրանց և ասաց. «Երուսալէմի աղջիկներ, ինձ վրայ լաց մի լինէք, այլ լաց եղէք ձեր և ձեր որդւոց վրայ, որովհետեւ կզան օրեր, երբ կասեն լեռներին՝ թէ մեզ վրայ եկէք և ըլուրներին, թէ ծածկեցէք մեզ։ Մտածեցէք փոքր ինչ, եթէ դալար փայտի հետ այսպէս են վարում, շորին ինչ կանեն»։ Երկու ուրիշ շարագործ մարդիկ էլ տարան, որ նրա հետ միասին խաչեն։

Երբ եկան այնտեղը, որ զագաթն էր կոչւում, երրայեցերէն Գողգոթայ, Յիսուսին քացախ խմացրին՝ լեզվի հետ խառնած։ Յիսուսը ճաշակելուց յետոյ՝ չէր կամենում խմել։ Նրա հետ խաչեցին երկու շարագործների էլ—մինին աջ, իսկ միւսին ձախ կողմում։ Ժամը երեքն էր, երբ Յիսուսին խաչեցին։ Յիսուսն ասաց. «Ներիր գրանց, չայր, որովհետեւ իրանք էլ չգիտեն, թէ ինչ են անում»։ Զինուորները վի-

ճակ ձգեցին և բաժանեցին նրա հանդերձները։ Պահպանները նստել էին այնտեղ և պաշտպանում էին։ Պիղատոսը մի տախտակ գրեց և խաչի վերեից կախել տուաւ. տախտակի վրայ գրած էր—Յիսուսն ազովրեցի թագաւոր հրէից։ Այս տախտակը հրէաներից շատերը կարդացին։ Այն ժամանակ քահանայապետներն ասացին Պիղատոսին. «Մի գրիր թագաւոր հրէից, գրիր որ ինքն էր ասում, թէ թագաւոր եմ հրէից»։ Պիղատոսը պատասխանեց. «Ի՞նչ որ գրեցի, գրեցի»։

Զինուորները ծաղը էին անում նրան և ասում. «Եթէ դու ես հրէից թագաւորը, փրկիր քո անձը»։ Անցուզարձ անողները հայհոյում էին նրան և գլուխները շարժելով՝ ասում. «Ո՞վ տաճարը քանդող և երեք օրում շինող, աղատիր քեզ, եթէ Աստուծու որդին ես և իջիր խաչիցը»։

Այսպէս էլ քահանայապետներն էին անում գըպիրների և ծերերի հետ միասին ու ասում. «Ուրիշներին ազատեց, ինքն իրան չէ կարողանում աղատել. թէ որ նա Խորայէլի թագաւորն է, թող իջնէ խաչիցը և հաւատանք նրան»։

Խաչուած շարագործներից մինը հայհոյում էր նրան և ասում. «Եթէ դու ես Քրիստոսը, փրկիր քո անձն էլ, մեզ էլ»։ Իսկ միւսը սաստելով պատասխանեց նրան և ասաց. «Եւ դու չես վախենում Աստուծանից, որ ինքդ էլ նոյն պատժի մէջն ես։ Մենք իրաւացի կերպով ենք պատժուած, որովհետեւ

մեր արած գործերի արդար հատուցումն ենք ստացել, իսկ սա ոչ մի սխալ բան չէ գործեր»: «Սա դիմեց Յիսուսին և ասաց. «Ճէր, յիշիր ինձ, երբ որ գաս քո թագաւորութիւնովը»: Յիսուսը պատասխանեց. «Ճշմարիտն եմ ասում քեզ, դու այսօր ինձ հետ դրախտում կլինիս»:

Կանայք ևս կային, որոնք հեռուանց մտիկ էին տալիս: Մրանք այն կանացն էին, որոնք նրա Գալիխ եղած ժամանակը հետեւմ էին նրան և ծառայում: Յիսուսի խաչի մօտ կանգնած էին նրա մայրը, մօրաքոյրը և Մարիամ Մագդաղենացին: Յիսուսը տեսնելով իւր մօրը և այն աշակերտին, որին սիրում էր, ասաց. «Ո՛վ կին, ահա քո որդին»: Յետոյ աշակերտին ասաց. «Ահա քո մայրը»: Եւ այն ժամանակից սկսած աշակերտն իրան մօտ առաւ Մարիամին:

Փամը վեցին խաւար իջաւ բոլոր երկրի վրայ—արեց խաւարեց: Փամը իննի դէմ՝ Յիսուսը մեծ ձայնով աղաղակեց և ասաց. «Էլի, էլի, լամա սարաքթանի», այսինքն՝ Աստուած իմ, Աստուած իմ, ինչու թողիր ինձ: Մրանից յետոյ Յիսուսն ասաց. «Ճարաւ եմ»: Զինուորներից մինը վերցրեց սպոնդը, թախախեց քացախի մէջ և մշտկի ծայրին դրած նրա բերանին մօտեցրեց:

Երբ Յիսուսը քացախը ճաշակեց, ասաց. «Ամենայն ինչ կատարուած է»: Յիսուսը մի անգամ էլ խօսեց՝ ասելով. «Հայր, հոգիս քո ձեռն եմ աւան-

գում»: Այս ասելով՝ խոնարհեցրեց գլուխը և հոգին աւանգեց: Եւ ահա տաճարի վարագոյրը երկու կտոր եղաւ՝ վերեից մինչև ներքի. երկիրը շարժուեց. ժայռերը պատառուեցան և գերեզմանները բացուեցան: Հարիւրապետը և պահապանները, երբ տեսան շարժը և այն ամեն եղածները, ասացին. «Ճշմարիտ, որ սա Աստուծու որդի էր»: Ժողովուրդը, որ այս տեսարանը դիտելու համար եկել էր, եղած բանները տեսնելով, կուրծքները ծեծում էին և յետ դառնում:

«Մեծ եւս քան զայս սէր ոչ ոք ունի, եթէ զանձն իւր գիցէ վերայ բարեկամաց իւրոց»: Ցովհ. ԺԵ. 13.

Մըսնից մեծ սէր չկայ, եթէ մինք իւր անձը յօգուտ իւր բարեկամների է զոհում:

«Զի այնպէս սիրեաց Աստուած զաշխարհ՝ մինչհ զնորդին իւր ամփածին ետ, զի ամենայն՝ որ հաւատայ ՚ի նա, մի կորիցէ, այլ ըընկալցի զկեանս յափենականս Ցովհ. Գ. 16.

«Քրիստոս ՚ի վերայ ամենեցուն մեռաւ, զի որ կենդանիքն չկցեն, մի անձանց լիցն կենդանիք, այլ այնմ, որ ՚ի վերայ նոցայն ամռաւ եւ յարեաւ»: Ա. թ. ա. Կընթ. ե. 15:

Քրիստոսն ամենքի համար մեռաւ, որ կենդանի լինողներն այլ ևս ոչ թէ իրանց անձերի համար կենդանի լինին, այլ նրա համար, որ իրանց համար մեռաւ և յարութիւն առաւ:

ԳԼ. ԾԹ.

ՅԻՍՈՒՍԻ ԹԱՂՈՒՄԸ ԵՒ ՅԱՐՈՒԹԻՒՆԸ

Ա. Թաղումն: Ուրբաթ օրն էր: Որպէսզի մարմինները շարաթ օրը չմնային խաչերի վրայ, հրէաները խնդրեցին Պիղատոսին, որ իրաւունք տրուի

մարմինները խաշերի վրայից վեր առնելու։ Զինուորներն եկան և առաջինի սրունգները ջարդեցին, այնպէս էլ արին միւսինը, որ նրա հետ խաշուած էր։ Բայց երբ Յիսուսի մօտ եկան, մեռած գտան, ուստի սրունգները չջարդեցին։ Զինուորներից մինը՝ նրա մահը ստուգելու համար, գեղարդով կողը խոցեց և իսկոյն արիւն և զուր գուրս եկաւ։ Սրանից յետոյ Յովսէփ անունով մէկը, որ Արեմաթիայիցն էր և ծածուկ աշակերտ էր Յիսուսին, եկաւ Պիղատոսի մօտ և խնդրեց նրա մարմինը։ Պիղատոսը զարմացաւ, որ Յիսուսն այդպէս վաղ էր մեռել, սրա համար կանչեց հարիւրապետին և պատուիրեց, սր տեղեկանայ այդ մասին։ Երբ հարիւրապետից տեղեկացաւ, մարմինը Յովսէփին չնորհեց։ Նիկոփիմոսն էլ, որ մի անգամ Յիսուսի մօտ էր եկել գիշերով, եկաւ և բերեց զմուռո՞ հալուէի հետ խառնած։ Առան Յիսուսի մարմինը, կտաներով պատեցին, ինչպէս որ հրէաների սովորութիւնն էր թաղման ժամանակ։ Այնտեղ՝ ուր Յիսուսին թաղեցին՝ մի պարտէզ կար, այն պարտիզում մի գերեզման, որի մէջ զեռ ոչ ոք չէր դրուած, ահա այնտեղ դրին Յիսուսի մարմինը և մի մեծ քար էլ գլորեցին գրանն ու հեռացան, գնացին։ Այն կանայքն էլ, որ Գալիլիայից նրա հետ եկել էին, գնում էին նրա ետեից։ Սրանը տեսան գերեզմանը։ Յետ դարձան, խունկ և իւղ պատրաստեցին, բայց շաբաթը օրը հանդարտ մնացին, ոչինչ շարին՝ պատուիրանի համաձայն։

¶. Յարութիւն։ 1. Երբ շաբաթ օրն անցաւ Մարիամ Մագդաղենացին, Յակովի մայր Մարիամը և Սաղօմէն առան պանազան տեսակ խունկ և գնացին գէպի դերեզմանը, որպէսզի մարմինն օծեն։ Նրանք շատ վաղ եկան—արեգակը դեռ նոր էր ծագել։ Կանայքը միմեանց ասում էին. «Ո՞վ կվորէ մեզ համար քարը գերեզմանի գռնիցը»։ Նայեցան, տեսան որ քարը գերեզմանից հեռու էր զլորած։ Քարը շատ մեծ էր։ Մարիամ Մագդաղենացին վազում, զալիս է Սիմօն Պետրոսի և միւս աշակերտի մօտ, որին Յիսուսը սիրում էր և ասում է նրանց. «Ճիրոջը զերեզմանից վեր են առել և չենք իմանում թէ որտեղ են դրել»։ Միւս երկու կանայքը ներս մտան գերեզմանը և տեսան, որ մի երիտասարդ նըստած է աջ կողմում՝ հաղած սպիտակ պատմուճան ու խիստ զարհուրեցան։ Երիտասարդն ասաց նրանց. «Մի զարհուրէք, դուք խաչուած նազովրեցի Յիսուսին էք փնտում, նա յարութիւն առաւ. այստեղ չէ, ինչ էք կենդանին մեռելների մէջ որորում. ահա այն տեղը, ուր նրան դրին։ Գնացէք, ասացէք նրա աշակերտներին և Պետրոսին, որ նա ձեզնից առաջ կգնայ Գալիլիա և այնտեղ կտեսնէք նրան, ինչպէս ձեզ ասել է»։ Կանայքը շուտով գերեզմանից գուրս եկան և վազեցին, պատմեցին տասնումէկ աշակերտներին և ուրիշներին։ Այս խօսքերը ցնորք երեցան նրանց և չէին հաւատում, բայց Պետրոսը և Յովհաննէսը վեր կացան. գնացին գերեզմանը և տեսան

որ կտամն առանձին մի կողմն էր վրած: Նրանք յետ դարձան այնտեղից, իրանց մտքումը խիստ զարմանում էին եղածի վրայ:

2. Բայց Մարիամը գերեզմանի մօտ կանգնած էր դուրսը և լաց էր լինում: Լաց լինելիս կուցաւ. մտիկ տուաւ գերեզմանի մէջ ու տեսաւ երկու հրեշտակ՝ սպիտակ շորերով նստած, մէկը զլխի կողմը և միւսը՝ ոտների: Հրեշտակներն ասացին Մարիամին. «Ո՞վ կին, ինչու ես լաց լինում»: Մարիմն ասաց. «Իմ տիրոջը վեր են առել և չգիտեմ թէ ուր են դրել»: Եւ երբ այս ասաց, յետ դարձաւ և տեսաւ Յիսուսին կանգնած, բայց չդիտէր, թէ նա է: Յիսուսն ասաց. «Կին, ինչու ես լաց լինում, ումն ես որոնում»: Մարիամը կարծելով թէ պարտիզպանն է, ասաց. «Տէր, եթէ դու վեր առար նրան, ասա ինձ, ուր ես դրել»: Յիսուսն ասաց. «Մարիամ»: Մարիամը դարձաւ և ասաց նրան. «Պարունի», որ նշանակում է վարդապետ: Յիսուսն ասաց. «Մի դիպչիր ինձ, որովհետեւ դեռ չեմ վեր ելել իմ չօր մօտ: Բայց զնա իմ եղբայրների մօտ և ասա նրանց—ես վեր եմ ելնում իմ չօր մօտ և ձեր չօր մօտ. իմ Աստուծու և ձեր Աստուծու մօտ»: Մարիամ Մագթաղենացին եկաւ և պատմեց աշակերտներին, թէ ես տեսայ Տիրոջը և այս բանն ինձ նա ասաց:

3. Յիսուսի աշակերտներից երկուսը միմնայն օրը գիւղն էին գնում, որ վաթսուն ասպարէզ Երուսաղէմիցը հեռու էր: Գիւղին անունն էմմառւ էր:

Նրանք իրար մէջ խօսում էին այն բաների մասին, որ պատահել էր: Երբ այսպէս վիճաբանում էին, հէնց ինքը Յիսուսը մօտեցաւ նրանց և զնում էր հետները: Բայց նրանց աչքերը բռնուած էին, չճանաչեցին: Յիսուսը հարցրեց. «Այդ ինչ բաներ են, որոնց համար իրար հետ վիճում էր և տրտմած էր»: Նրանցից մինը, որի անունը Կղէոպաս էր, պատասխանեց և ասաց. «Միթէ գու Երուսաղէմում բնակուող միակ օտարականն ես, որ չգիտես թէ այս օրերում ինչ բաներ պատահեց այնտեղ»: Յիսուսն ասաց. «Ի՞նչ բաներ»: Նրանք ասացին. «Յիսուս նազովրեցու մասին, որ մի մարդարէ մարդ էր՝ զօրաւոր գործերով Սստուծու և բոլոր ժողովրդի առջև, թէ ինչպէս քահանայապետները և իշխանները մահու դատաստանի մատնեցին և խաչեցին նրան: Իսկ մենք յոյս ունէինք թէ նա է, որ իսրայէլին փրկելու է, բայց և այնպէս այս երրորդ օրն է, որ այս բաները եղան: Մի քանի կանայք էլ մեր միջիցը զարմացրին մեղ—նրանք առաւօտանց կանուխ գնացին գերեզմանը, մարմինը չգտան, եկան և ասացին որ հրեշտակներ են տեսել, որոնք ասել են թէ նա կենդանի է: Մեզնից մի քանիսը գնացին գերեզմանը և գտան իսկ այնպէս, ինչպէս կանայքն էին պատմել, բայց իրան չէին տեսել»: Յիսուսն ասաց նրանց. «Ո՞վ անմիտներ և թուլասիրտներ՝ հաւատալու է այն բոլոր բաներին, որ մարդարէները խօսեցան: Զէ որ Քրիստոսը պէտք է չարչարանք-

ները քաշէր, որպէսզի իւր փառքի մէջը մտնէր»։ Եւ սկսեց խօսել Մովսիսից և բալոր մարգարէներից։ մեկնում էր նրանց, ինչ որ գրքերի մէջ գրուած էր իւր մասին։ Նրանք մօտեցան այն զիւղին, ուր գնում էին և Յիսուսը այնպէս էր ցոյց տալիս, որպէս թէ էլի հեռու է գնալու։ Այն երկուսը ստիպեցին նրան և ասացին։ «Մնա մեղ մօտ, որովհետեւ իրիկուայ դէմ է, օրն էլ տարաժամ»։ Յիսուսը մնաց նրանց մօտ։ Երբ սեղան նստեցան, առաւ հացը. օրհնեց, կտրեց և տուաւ նրանց։ Աշակերտների աշքերը բացուեցան և նրան ճանաշեցին, բայց Յիսուսը հեռացաւ, աներեսիթ եղաւ։ Սրանից յետոյ սկսեցին իրար հետ խօսել և ասել։ «Զէ որ մեր սրտերը բորբոքում էին, երբ ճանապարհին մեղ հետ խօսում էր և ինչպէս գրքերը բաց էր անում մեղ համար»։ Նոյն ժամին վեր կացան, դարձան երուսաղէմ և գտան տասնումէկին ժողովուած ու պատմեցին նրանց այն ամենը, ինչ որ ճանապարհին պատահել էր և թէ ինչպէս ճանաշեցրեց իրան՝ հացը կտրելու ժամանակ։

4. Մինոյն օրը՝ երեկոյեան՝ աշակերտները հաւաքուած էին և հրէաների երկիւղից գոները փակած ունէին։ Յիսուսն ասաց նրանց. «Թնջու էք շրփոթուած և ինչու համար այդպիսի խորհուրդներ են ծնում ձեր մէջ. տեսէք իմ ձեռները և ոտները, որ ես ինքս եմ, չօշափեցէք ինձ և տեսէք, որովհետեւ հոգին մարմին և ոսկոր չունի, ինչպէս ինձ տես-

նում էր, որ ունիմ»։ Այս ասաց և ցոյց տուաւ ձեռներն ու ոտները և կողը։ Աշակերտները չափից դուրս ուրախացան, որ Տիրոջը մի անզամ էլ տեսան։ Յիսուսը գարձեալ ասաց. «Խաղաղութիւն ձեզ, ինչպէս իմ հայրն ինձ ուղարկեց, այնպէս էլ ես եմ ձեզ ուղարկում»։ Այս ասելով փչեց նրանց վրայ և ասաց. «Առէք սուրբ Հոգին, ում մեղքը որ թողնէր, թողած լինի. ում որ կապէք՝ կապած»։

Թովմասը, որ տասներկուսից մինն էր, նրանց մօտ չէր։ Միւս աշակերտներն ասում էին նրան. «Մինք տեսանք Տիրոջը»։ Իսկ նա ասաց. «Մինչի ես իմ աշքով չտեսնեմ ձեռների բնեռների նշանը և մատս չդնեմ բնեռների տեղի վրայ. մինչև նրա խոցուած կողը ձեռով չշօշափեմ, չեմ հաւատայ»։ Ուժ օրից յետոյ աշակերտները կրկին հաւաքուել էին մինոյն տանը։ Թովմասն էլ նրանց մօտն էր։ Յիսուսը փակ գոներից մտնելով, նրանց մէջ կանգնեց և ասաց, «Խաղաղութիւն ձեզ»։ Թովմասին ասաց. «Բեր քո մատն այստեղ և տես իմ ձեռները, բեր ձեռդ և կողս չօշափիր. անհաւատ մի լինիր, այլ հաւատացեալ»։ Թովմասը պատասխանեց և ասաց՝ «Իմ Տէք և իմ Աստուած»։ Յիսուսն ասաց. «Թովմաս, դու ինձ տեսար և հաւատացիր, բայց երանի նրանց, որոնք չեն տեսել և հաւատում են»։

5. Սրանից յետոյ Յիսուսը գարձեալ իւր անձը յայտնեց աշակերտներին Տիրերական ծավի ափին։ Յիսուսն եկու նրանց մօտ և ասաց. «Եկէք, ճաշե-

ցԵք»։ Աշակերտները ճանաչեցին Տիրոջը։ Ճաշելուց յետոյ Յիսուսն ասաց Սիմօն Պետրոսին. «Սիմօն՝ Յովնանի որդի, սիրում ես ինձ դրանցից աւելի»։ Նա ասաց. «Այն, Տէր, դու գիտես, որ ես սիրում եմ քեզ»։ Յիսուսն ասաց. «Արածացրու իմ գառները»։ Դարձեալ հարցրեց. «Սիմօն՝ Յովնանի որդի, սիրում ես ինձ»։ Նա ասաց. «Այն, Տէր, դու գիտես, որ ես սիրում եմ քեզ»։ Յիսուս ասաց. «Արածացրու իմ գառները»։ Յիսուսն երբորդ անգամ հարցրեց. «Սիմօն՝ Յովնանի որդի, սիրում ես ինձ»։ Պետրոսը տրտմեցաւ և ասաց. «Տէր դու ամեն բան գիտես, դու գիտես, որ ես սիրում եմ քեզ»։ Յիսուսն ասաց նրան. «Արածացրու իմ ոչխարները։ Ճշմարիտը, ճշմարիտն եմ ասում քեզ, երբ որ պատանի էիր, ինքոդ էիր գոտիդ կապում և գնում, ուր կամենում էիր, բայց երբ կծերանաս, ձեռքդ կմեկնես, ուրիշը գոտիդ կկապէ և կտանէ, ուր որ չես կամենում»։

«Եւ մեք հաւատացաք և ծանեաք, եթէ դու ես Քրիստոսն որդի Աստուծոյ»։ Յովհ. 70:

«Յիշեալ զՔրիստոս Յիսուս յարուցեալ՝ ի մեռելոց»։ Ա. Տիմ. բ. 8.

«Զի որպէս յարեալ Քրիստոս՝ ի մեռելոց փառօքն չօր նոյնպէս եւ մեք՝ ի նորոգումն կենաց շրջեսցուք»։ Թ. ա. Հոռմ. զ. 4.

Ինչպէս որ Քրիստոսը չօր փառքովք մեռելների միջից յարութիւն առաւ, նոյնպէս մենք էլ կենաց նորոգութեան մէջ շրջենք։

Գլ. Կ.

Յ Ի Ս Ո Ւ Ս Ի Հ Ա Մ Բ Ա Ր Հ Ո Ւ Մ Ն

Յարութիւնից յետոյ Յիսուս Քրիստոսը քառասուն օր էլի մ'աս երկրիս վրայ իւր աշակերտների մօտ և այդ ժամանակամիջոցում խօսում էր նրանց հետ երկնքի արքայութեան մասին։ Սրանից յետոյ Զիթենեաց լեառը բարձրացաւ աշակերտների հետ և այնտեղ նրանց պատուէլներ տուաւ։ Երբ այս բանը տեսան, երեսների վրայ վայր ընկան։ Յիսուսը մօտեցաւ նրանց և տսաց. «Երուսաղէմից չհեռանաք, այլ սպասեցէք Հօր աւետիքին, որ ես ձեզ խոստացել եմ։ Յովհաննէուը ջրով մկրտեց, բայց դուք սուրբ Հոգւով կմկրտուէք փոքր ժամանակից յետոյ»։

Աշակերտները հարցրին. «Տէր, այս ժամանակամիջոցում կրկին պիտի կանգնես Խօրայէլի թագաւորութիւնը»։ Նա պատասխանից նրանց. «Զեր գործը չէ գիտենալ ժամը և ժամանակը, որ Հայրը իւր իշխանութեան մէջ դրաւ։ Բայց դուք զօրութիւն կստանաք, երբ Հոգին ձեզ վրայ կիցնէ և կլինիք իմ վկաները Երուսաղէմում, ամբողջ Հրէաստանում, Սամարիայում և մինչև երկրի ծայրերը։ Ամենայն իշխանութիւն տրուած է ինձ երկնքում և երկրիս վըրայ։ Ուրեմն գնացէք և բոլոր ազգերին ուսուցէք Հօր, Որդւոյ և Հոգւոյն Սրբոյ անունով։ Ուսուցէք նրանց որ պահեն այն ամենը, ինչ որ ես ձեզ պա-

տուիրեցի: Ով կհաւատայ և կմլրտուի, նա կփրկուի,
խոկ ով չհաւատայ, նա կդատապարտուի: Եւ ահա
ես ձեզ հետ եմ ամեն օր՝ մինչև աշխարհիս վերջը:

Երբ որ այս տասց, բարձրացրեց ձեռները և
օրինեց նրանց: Օրհնելու ժամանակը բաժանուեց
նրանցից և վերացաւ երկինք: Մի ամպ ծածկեց
նրան աշակերտների աշքից: Նրանք երկրպագեցին
ու մեծ ուրախութիւնով յիշ դարձան Երուսաղէմ և
ամեն օր տաճարում դովում և օրհնում էին Աստուծուն:

«Ոչ գայ արքայութիւն Աստուծոյ խարանօք, զի ահա արքա-
յութիւն Աստուծոյ ի ներքս ի ձեզ է»: Դուկ. Ժէ. 20. 21.

«Ի տան չօր իմայ օթեւանք բազաւմ են, որթամ եւ պատրաս-
տեմ ձեզ տեղի, գարձեալ զամ եւ առնում զեղ առիս, զի ուր են
«իցեմ եւ զոր անդ լիցէք»: Յովհ. Ժդ. 2. 3.

«Եթէ յարերուք ընդ Քրիստոսի, ապա զվերինն խնդրիցէք՝ ուր
Քրիստոն նստի ընդ աշնէ Աստուծոյ»: Թ. ա. Կող. գ. 1.

Արգ՝ եթէ Քրիստոսի հետ յարութիւն էք տոել, հապա ուրեմն
այն խնդրիցէք, ինչ որ վերեւոնն է (Երկնային բարիք), ուր Քրիս-
տոն է նստում չօր աչ կողմը:



Յ Ա Ն Վ

Ն Ո Ր - Կ Ծ Ա Կ Ա Ր Ա Ն

ՅԻՍՈՒԽԻ ՄԱՐԴԵՂՈՒԹԻՒՆԸ


I.

Պ. Յիսուսի ծնունդը	5
Բ. Արկելքի մոգերը և Յիսուսի եղիպտոս փախչիլը	7
Գ. Տաններկու տարեկան Յիսուսը տաճարում	11
Դ. Յովհաննէս Մկրտչի ծնունդը	12
Ե. Յովհաննէսն ապաշխարութիւն է քարոզում և մկրտում	14

II.

Զ. Յիսուսի մկրտութիւնը	16
Է. Յիսուսն ընտրում է Սիմոնին և նրա ընկերներին տռաքեալներ	17
Ը. Յիսուսը կանչում է Մատթէոսին	19
Թ. Յիսուսը և մանուկները	19
Ժ. Աշակերտները վիճում են թէ, ով է մեծ երկ. արք. մէջ	20
Ժ. Կանայի հարսանիքը	21
Ժ. Կափառնայումի հարիւրապետը	22
Ժ. Տանն բորոտների բժշկուիլը	23
Ժ. Փարիսեցին և մաքսաւը	24
Ժ. Անառակ որդու առակը	25
Ժ. Յիսուսը բժշկում է կոյրին երիբովի մօտ	27
Ժ. Յիսուսը և Զակփէսոր	28
Ժ. Յիսուսը բժշկում է խուզունամբին	29
Ժ. Ողորմած սամարացու առակը	30
Ի. Արի կնոջ լուսման	31
Ի. Չար ծառայի առակը	32
Ի. Հինգ հազարի կերպերը	33
Ի. Քանանացի կինը	35
Ի. Յիսուսը քարոզում է նողարէթում	36
Ի. Հարուստ երիտասարդը	38
Ի. Անմիտ հարստի առակը	39
Ի. Կորուսեալ սշխարի և գրամի առակը	40
Ի. Յայրոսի գուտորը և նայինի պատանին	42
Ի. Յովհաննէս Մկրտչի գեսպանները և Պետրոսի խոստվ	43

I.	Յափհաննէս Միկրտչի մահը	45
լ.Ա.	Սիրամանցանի առակը	46
լ.Բ.	Թրոժի առակը	47
լ.Գ.	Ըստարակի գանձի և մարդարտի առակը	48
լ.Դ.	Մ'եծ ընթրիքի առակը	49
լ.Ե.	Անդամակուծի բժշկութիւնը Կափանայում քաղաքում և կազզի բժշկութիւնը Պրօվատիկէ կամ թեղհեղդա տապանի մօտ Յանցաւոր կինը	50
լ.Զ.	Ցիսուը սաստում է մըրկին	53
Ց.Բ.	Ցիսուը գնում է ծովի վրայով	54
լ.Հ.	Կոյր ծնածի բժշկութիւնը	55
լ.Ի.	Այզու մշակների առակը	59
լ.Ջ.	Քանքարների առակը	61
ա.	Անիբաւ զատաւորի առակը	63
Խ.	Մ'եծատան և աղքատ Ղազարոսի առակը	63
Խ.Ա.	Ցասն կոյսելի առակը	65
Խ.Բ.	Վերջին զատաստան	66
Խ.Գ.	Լերան քարոզը և իննը երանութիւնները	68
Խ.Դ.	Ցիսուսի խօսակցութիւնը լուացման, կերակրի, պահքի և շարաթը սբրելու մասին	75
Խ.Ե.	Ցիսուը և սամարացի կինը	78
Խ.Զ.	Մարիամ և Մարիթ	81
Խ.Դ.	Ղազարոսի յարութիւնը	81
III.		
Խ.Բ.	Ցիսուի թշնամիները	84
Խ.Թ.	Ցիսուսի օծումը Բեթանիայում	87
ծ.	Ցիսուը մտնում է երուսաղէմ	88
ծ.Ա.	Ցիսուը վիճաբանում է թշնամիների հետ	90
ծ.Բ.	Ցուզայի մատնութիւնը	95
ծ.Գ.	Ոտնալուայ և խորհրդաւոր ընթրիք	95
ծ.Դ.	Ցիսուը Դեթսեմանում	98
ծ.Ե.	Ցիսուը քահանայապեաների առաջ	101
ծ.Զ.	Գետրոսի ուրացութիւնը և Ցուզայի վախճանը	103
ծ.Ե.	Ցիսուը Պիլատոսի առաջ	105
ծ.Ը.	Քրիստոսի խաչելութիւնը	110
ծ.Թ.	Ցիսուսի թաղումը և յարութիւնը	113
Կ.	Ցիսուսի համբարձումն	221



4350

U - 15